

DANIELIS GEORGI
MORHOFI
CELEBERRIMI POLYHISTORIS
COLLEGIUM
EPISTOLICUM,
QVOD EQVIDEM,
CUM IN VIVIS ESSET,
STUDIIS TANTUM
PRIVATIS
AUDITORUM SUORUM
DESTINAVIT,
JAM VERO OB SUMMUM
VARIUMQVE,
QVEM
ADULTIS ÆQVE AC JUNIORIBUS
IN HOC SCRIBENDI GENERE
PRÆSTARE POTEST,
USUM,
PUBLICA LUCE DONATUM.

LIPSIAE,
Apud HÆREDES LANCKISIAN.
ANNO M. DC. XCIII.

DANIELS GEORGI

MAGISTRI

CELEBRATIM POLYHISTORIS

COLLEGIUM

EPISTOLIUM

QUOD EPIDEM

CUM IN VIVIS ESSET

STUDII TANTUM

PRIVATIS

AUDITIONUM SUORUM

TESTAVIT

IM VERO OB SUMMAM

VALENTIAM

UT

ADULTIS MOVS AC JUNIORIBUS

IN HOC SECRETUM CEMERE

TESTES TOTIS


USUM

PUBLICA LUCE DONATA

1752

APUD HERRMANNUM

ANNO MDCCLII



LIBRI PRIMI

CAP. I.

De

*ensura Epistolographorum Ve-
terum & Recentiorum.*

D Ræcepta quædam de
Epistola scribenda tra-
dituri, id operam da-
bimus, ne acta aga-
mus, aut aliorum scri-
pta compilemus, aut
quæ magno numero &
dicta ab aliis sunt congeramus:
Rhetorum scholis petere debe-
re non accoqvemus, cum ipso usu
quam diffusis præceptionibus
discantur. Quæ ab EPISTOLO-
IÆ ARTIS Scriptoribus vel o-
missa

missa vel negligenter tractata præcipuè
 sectabimur, singularia scilicet illa, quæ
 tum ad epistolam scribendam acquirun-
 tur (habet enim ut omne scribendi ge-
 nus, ita & epistolicum aliquid ab orato-
 rio diversum) tum ad iudicium de scri-
 ptoribus epistolographicis formandum
 facere possunt. *De Definitione, Divisio-
 ne, materia, forma epistolæ legantur Rhe-
 torum libri*, nos ex usu discemus. Ini-
 tium itaque nunc faciemus ab ipsis *Epi-
 stolarum Scriptoribus* de delectu inter
 illos servando indicaturi; frustra enim
 erit usus & exercitium nisi idoneos se-
 quamur Magistros. Non desunt inter
 Græcos autores epistolographi sed pau-
 ciores, quorum tamen literas omnes
 singulari libro collegit ALDUS MANUTIUS,
 qui VENETIIS prodiit. Nonnullæ ear-
 um, & præcipuæ, quæ Laconicæ ob bre-
 viter appellatur, in latinam linguam
 cōversæ apud OPERINUM *Basileæ editæ sunt*
à Buchlero; collectæ etiam aliquæ in *At-
 ticus Bellarius* à IACOBO PONTANO. Sed
 Græci autores ad nostrum institutum
 jam

ouè jam adeò non faciunt, prodesse autem
 possunt, qui è Græcis artem scribendi e-
 pistolas reliquerunt, ut *Demetrius Vale-*
rius, cujus præcepta suæ institutioni e-
 pistolicæ inseruit *Lipsius*, *Libanus*, qui
 cum aliis quibusdam editus est apud
 Oporinum. Gregorius Nazianzenus
 in cujus epistolam, de scribenda epistola,
 doctè commentatus est ADAMUS THEODO-
 RUS SIBERUS. THEMISTIUS de charactere
 epistolico. EPIPHANII *liber de charactere*
epistole manuscriptus & in Bibliothecam
 Gallix Regis transportatus. Inter *recen-*
tiores habemus Budæi *epistolas Atticas*
 singulari venustate scriptas, Parisiis in
 quarto editas, si rectè memini, à Stephe-
 no. Inter *Latinos* principem locum cō-
 fertissimus ille Romuli Nepotum tenet
 CICERO, cujus habemus Epistolas ad fa-
 miliares, ad Atticum, ad Q. Fratrem, ad
 Brutum, tum civili sapientia plenissimas,
 tum ad amussim genuinæ eloquentiæ
 factas, è quibus eas, quæ ad Atticum
 missæ sunt, rectius familiares fuisse no-
 minatas Viri doctissimi censent. Cum
 earum

earum plerasque videatur eo sermonis genere scripsisse, quo ipse domi utebatur, vel certe non admodum diverso, ut iudicat CASELIUS *de Ludo literario recte aperiendo*, qui in juvenum gratiam familiares illas epistolas diligendas suadet ex omnibus Ciceronis epistolis, hoc est, quæ familiari stylo ac epistolis proprio scriptæ sunt. Nam certe Epistolæ ad familiares, ut LUDOVICUS VIVES putat, non eo sermonis genere conscriptæ sunt, quo domi utebatur C CERO, in multis enim selectissima sunt argumenta, selectis etiam verbis tractata, scriptæ ad reipublicæ Romanæ viros principes, ac indicat facile ipse numerus ac periodorum, mensura curam illam, quæ non adeo reperitur in *Epistolis ad Atticum*, ubi multa sunt abrupta & hiantia. De præstantia Epistolarum Ciceronis *singularem Dissertationem* IACOBUS PONTANUS scripsit, quæ Ciceronis elegantiam contra Novatores nonnullos, ERASMUM, POLITIANUM & Belgam quendam anonymum defendit, monstratque quam in omni
epi-

epistolarum genere, quod adeo multiplex & varium est, unicè triumphet CICERO. Nam & rebus accommodare argumenta argumentis elocutionem, elocutioni numeros & decentem illam copiam novit, ut qui simile præstiterit, è tota antiquitate inveniatur nemo. Ipso SENECA TESTE compositio Ciceronis una est, pedem servat, curata, lenta & sine infamia mollis. Sed & ipse in stylo interdum varius est, scripsit enim nonnulla juvenis quæ Senex improbavit, cujus exempla affert Sebastianus Conradus in Quæstura sua libro elegantissimo in quo tota Ciceronis vita refertur. De vario Epistolarum Ciceroniarum genere, Commentarium HENRICUS STEPHANI edidit laboriosum nec indoctum sed sunt pleraque ejus viri non magno judicio scripta. ERASMUS contra quem disserit PONTANUS in *laudata Dissertatione* junior adhuc quædam scripsit non tam contra Ciceronem quam malos Ciceronis imitatores, in Dialogo cui Ciceroniano nomen fecit.

Non potuit enim ferre homo perspicacissimus *Longolium* aliosque homines ineptos se efferre Ciceronianorum nomine, quasi illi soli latine loqui scirent, reliqui omnes barbaro ore creparent, cum illi vim imitationis Ciceronianæ neutiquam intelligerent. Centonum potius factores quam veri imitatores, quorum scetus, ut judicat *Vir doctus*, Ciceroni non ut homo homini, sed ut simia simiæ similes essent; Sed fervore Disputationis abreptus, quædam licentius in *Ciceronem* dixit, quorum tamen postea poenituit; Nam ipse non semel temeritatem suam accusat, causa tamen nulla erat, quæ commovere *Julium Cæsarem Scaligerum* ad tam acerbis declamationes posset, quas *Eloquentia Romana* Vindices appellat, in quibus miris modis laeterat Erasmus sed & ipsum suæ acerbicatis poenituit, quam in videndo elogio in mortem ejus conscripto expiavit, at filio ejus teste in *excerptis Scaligerianis* suppressæ sunt illæ orationes aliæque quæ contra *Erasum*, scripserat Pater.

Fa-

Factum tamen hoc scripto fuit ut ERASMI
 Epistolæ vel ante ipsum Ciceronem com-
 mendarentur & legerentur, quemad-
 modum & *Angli Politiani*, qui & ipse
 Ciceronis imitationem despexit, exagi-
 titus propterea à *Jacobo Pontano in lau-
 data Dissertatione*, quo in errore hæsi-
 tasse quæritur alicubi PAULUS MANUTIUS,
 gratiamque agit BUNELLO Præceptori suo
 quod se cum *Politianis & Erasmi*, ne-
 scio quibus, errantem in rectè scribendi
 viam reduxerit; Sed vetus ille error est,
 & quod olim Quintilianus de Scholasti-
 cis dicebat, neminem inter illos fuisse,
 qui non sibi persuaderet, se ante *Cicero-
 nem* numerari debere, id hodie homini-
 bus nonnullis etiam accidit, *Scholasticis
 præcipuè & Pedagogicis ingenis* parum
 in usu dicendi exercitatis. Viri etiam
 docti ingeniosi si aliam viam institue-
 rint, ut sunt hominum ingenia varia,
 facile abripiunt in suum errorem alios,
 qui cum gloria illos titillet, non oblo-
 quuntur Vulgi judicio. *Lipsius* quan-
 quam Ciceronem magnis laudibus eve-

hat, passim tamen in Ciceronis imitatores declamat, nec mirum hoc videri debet, cum nuper adeo exortus fuerit aliquis, qui non ut totum sermonem Gallicum, ita quamcunque etiam epistolam omnibus Ciceronis epistolis anteponat. Non injuria itaque *Fridericus Wawasser Lib. de Epigrammatibus p. 163. Robertum Constantinum* reprehendit, qui in *Lexico suo Greco-latino Budæi Epistolas* adlectionem commendat, ac *Justum Lipsium* qui in *Epistolis Anglum Politianum Ciceroni & Plinio* socium adjungere voluit. De Variis Epistolarum Ciceronianarum Commentatoribus legi potest *Spachius in Nomenclatore Philosophico*, Legi etiam potest *Oratio Mureti XVI, Lib. 2.* qua Vir ipse elegantissimus ostendit Epistolarum Ciceronis præstantiam. Si quis legere velit Ciceronis Epistolas, ut sermonis latini proprietatem addiscat, illi ducem invadeo ut adhibeat *Anthonium Scorum de docenda discendaque Lingua Greca & Latina*. Ex toto enim Grammaticorum numero vix unum no-

vi quem commendare præ cæteris pos-
 sim, in Lingva Latina. cujus proprietatis
 intelligentia vehementer eam ob cau-
 sam laudatur *Wassaffori Libro de Epi-*
grammat. Eo in libro Ciceronis Episto-
 las sibi proponit atque ex iis observatio-
 nes instituit Latinæ lingvæ, quæ in men-
 tem aliis venirent. Post Ciceronem in
 Latina Lingva *Plinii Junioris Epistola* o-
 mne punctum ferunt, quæ adeò non-
 nullis placuerunt, ut vel ipsi Ciceroni
 anteponant, in quo tamen illos errare
 certum est. Rectè de illo LUDOV. VIVES:
Plinius succinctus & festivus, facetus &
acutus, & frequens concinnis sententiis,
Doctus & acutus ingenio mirificè est aptus,
qui Scholasticas inter se mittunt epistolas
& umbraticas, quibus oportet, plus orna-
tus & condimenti adjungi, quando rebus
perinde non nituntur. Nam certè non
 elucet in rebus tanta varietas, tantus
 orationis splendor quam in Ciceronis
 epistolis de rebus gravioribus ad Viros
 Principes scriptis. Sed nostro tempore
 adeò delectavit *Diſſio Pliniana* nonnul-

los, præcipuè inter Belgas, ut normam
dicendi sibi proponant. A plerorum-
que Belgarum scriptis exulat ille nume-
rus ac iusta illa Sermonis copia quam in
Cicerone deprehendimus. Argutiæ ve-
rò breves periodi, numerus non valdè
quæsitus, sententiis hinc inde & dictoriis
Græcis & latinis conspersa, ac penè ob-
ruta dictio. Cum enim Epistolæ ad fa-
miliares & viros eruditos de rebus Scho-
lasticis scriberentur, non adeò fortassis
absurda erat hæc styli affectatio, quæ ta-
men in vitium incurrit, si ad viros gra-
ves, Principes in re seria & deliberanda
argumentis hoc modo scripseris. SENE-
CA Libros scripsit non Epistolas. Inepti
itaque, qui illum imitandum sibi pro-
ponunt, ac Epistolas scripturi nescio
quas declamatiunculas scribunt, quæ in
re peccat *Crucius, Seneca, Lipsii, Baudii*
an imitator an compiler? TERTULLIA-
nis multum asperitatis habet iudice LU-
DOV. VIRE, asper enim est & verbis mon-
strosus. CYPRIANUS mollior aliquantò,
quam ejus Gentilis, uti & AUGUSTINUS,
sed

sed minus tersus ac comptus. *Hieronymus* ardens & vehemens, ut videatur sæpe ad iudices dicere de casu capitali. *Ambrosius* lenior & placidior. *Symmachus* sui seculi propè est habitus Ciceronis, sed mirum quantum distat ab *Arpinate* isto: ejus Epistolæ editæ sunt ex recensione *Leslii & Mureti*. Extant & in eundem *Scioppii* quædam observationes in suis verosimilium libris. *Sydonius Apollinaris* Gallicum & Barbaricum aliquid redolere videtur *Dialogo 5. de Poëtis*, quem tamen *Barthius* post *Claudianum* pro optimo Poeta habet; ipse non satis accuratus eorum censor. Epistolæ scriptæ stylo obscuro & perplexo, multum trahentes ab infectione illorum temporum, in quas tamen extant commentarius doctissimus *Savarronis*. Cæterum in Carmine (quod & observavit *Lud. Vives de tradendis disciplinis lib. 3.*) non adeo reprehenditur orationis molestia, quam in prosa; Numerus enim illam vel operit vel sustinet. *Cassiodorus* Gothica Stribligine totus plenus est, cujus ab

imitatione omnes elegantiae Studiosi excludendi sunt. Post illa tempora magno intervallo velut stella inter densissimas, tenebras emicuit *Franciscus Petrarca*, qui tamen multum trahit ex rubigine ac situ temporum suorum. Multo post primus in Italia aliquid Latine balbutire coepit *Cassarinus*, cujus Epistolas *Lud. Vives* laudat, quod in seculo Doctorum primae sint habitae. Huic succedunt *Leonbardus Aretinus* parum etiam cultus, & *Philelphi* duo, pater & filius, sententiis inanes & frigidi. Possius quem garrulum & nugatorem vocat *Vives*. *Aeneas Sylvius*, *Pius Pontifex*, *Campanus*, *Sabellicus*, *Pomponius Letus*, de quibus iudicia vide *Ludov. Vivis* in insit. Epistolica. *Anglus Politianus*, quem *Scaligerus* in excerptis *Puteanis* dicebat, primum sui temporis caput extulisse in literis *Ludovici Vivi* acumine, & festivitate amabilis, nisi quod laudis nimia cupiditate supra Epistolae limites assurgit. Ludit ille non raro & fascivit, multus est in materia minuta sui ostentator,

& dum selectas quasdam vel voculas
vel dicendi formas quas gemmas a-
vet ostentare, longius circumducit Le-
ctorem tum verbis tum sensibus oratio-
nem onerans quam erat opus. (vid. *Lu-*
dov. Vivem de tradendis disciplinis L. 9. p.
339.) *Hermolaus*, cujus Epistolæ Poli-
tiani Epistolis mixtæ, durus est & quod-
dam styli genus affectavit ex obsoletis &
recentibus vocabulis mistum. *Petrus*
Bembus italicus, qui, si credimus *Johanni*
Casæ in vita ejus ab illo scripta, ad ve-
rum sermonis Romani genium aliquid
scribere cœpit. Jacebant tum *Cicero*,
Cæsar ac *Autores illius ætatis aureæ*. So-
lus ille illorum pretium reduxit, atque
Ciceronianum aliquid stylo expressit,
præter enim *Politianum*, quem *Job. Casæ*
minus dulcem ac minus elegantem vo-
cat, nemo erat etiam ex illis, quos nomi-
navimus, laude aliqua styli dignus.
Magnificandus itaque iste Autor est ob
honorificum adeò testimonium *Johan-*
nis Casæ, Romanæ lingvæ peritissimus
artifex, ut hodieque ejus scripta utut

paucā, magni æstimentur Italis. *Rudolphus Agricola* vir doctissimus paucas scripsit Epistolas, quæ operi ejus inseruntur, non illas quidem indoctas, sed, *Ludov. Vivis* judicio, in multis emendandas. Nam si ipse sua emendasset, cum maximis quoque veterum potuisset comparari. *Marsilii Ficini* Epistolæ rudī stylo de rebus Philosophicis agunt. *Thomas Morus* magnæ autoritatis vir ac magnæ eruditionis, epistolas aliquas scripsit, quæ inter opera ejus reperiuntur, non quidem adeo accuratè ad genium Lingvæ Romanæ scriptæ, sed quæ tamen laudem nitidi sermonis affectabant, eo præsertim tempore, quo superata barbariè nova lux literarum effulgere cæpit, tum proludis & jocis habiti scriptores Barbari ac perpetua inter illos & eruditos bella, quorum felicissimus propugnator fuit *Erasmus Roterodamus*. Barbarorum hominum sribliginem eleganter depinxit *Uldavicus Hutterus Eques Nobilissimus in Epistolis obscurorum Virorum*. Is enim verus earum autor est.

Era-

Erasmi epistolis nihil est *svavius* & acutius, latinitas in illis non mala, non quidem talis, quam ad imitandum quis sibi proponere debeat (hic enim antiqui scriptores omne ferant punctum) sed mediocris, nativa, extemporales & interdum aliquem ex rebus colorem trahens, quod interdum accidit Scriptoribus doctissimis *Grotio*, *Salmasio* & aliis. Illi enim Autores prout res sunt, quas tractant, prout Autores scribunt, à quorum lectione recentiores recedunt, styllum suum formare solent. Id enim velim notet hic aliquis, viros doctos, qui multos Autores legunt, cum cura eos emendant, aut multam scriptoribus Philosophicis impendunt operam vel medii auctores diligentius legunt, plerumque ab illis aliquid vitii trahere, nec accuratè adeo scribere, quam eos, qui unum eundemque optimum *Ciceronem* scilicet sibi imitandum proponunt. Quemadmodum enim quibus cum variis gentibus commercium est, lingvæ nonnunquam inquinari solet, ita & hic fieri

fieri consuevit cum scriptoribus Barba-
 ris vel non accuratè latinis familiarius
 conversantibus. Eam causam fuïsse ex-
 istimo quod *Baribius* diligentissimus
 mediævi scriptorum lector & emenda-
 tor, nihil tam in soluta quam ligata ora-
 tione scripserit, quod elaboratum esset.
Grotius quoque, ut ipse fatetur in præ-
 fat: Pœmatum suorum, in stylo varius
 est. Jam enim Virgilianum aliquid,
 jam *Statianum* aut *Claudianum* aliquid
 inserit Carminibus suis. In Prosa et-
 iam vehementer variat; In Libris Phi-
 losophicis interdum Barbarismos ad-
 mittit & Philosophorum Scholasticorum
 lingua loquitur. In *Historia Tacitum*
 non infeliciter exprimit, in *Epistolis Pli-
 nium*. *Salmasio* nonnunquam Solæci-
 smi exciderunt. Cæterum Erasmi Epi-
 stolæ propter rei literariæ multiplicem
 cognitionem legendæ & velut ad LL.
 CC redigendæ sunt. Plenissima *Epi-
 stolarum Erasmiticarum Editio Londinen-
 sis est*, sed supersunt adhuc ineditæ non
 paucæ, ac quingvagenta earum inter

MSCta

MS^{ta} sua servat Clarissimus *Gudius*
Consiliarius Principis Holsatiae. Solent
 illis jungi *Melanchtonis* Epistolæ, quæ ta-
 men potius ob rerum notitiam quam ob
 stylum legendæ sunt, quanquam ille ta-
 men simplex sit, purus in affectatus ac suo
 tempore inter exempla boni styli, stylus
 Philippicus habitus fuerit, ut docet *Tamb-*
mannus in Dissert. de Latina Lingua. Ad-
 duntur etiam *Mori & Ludov. Vivis* Epi-
 stolæ perpaucæ. *Joachimi Camerarii* viri
 doctissimi epistolæ eleganter scriptæ, ac
 paulo altius surgunt quam *Melanchto-*
nis. Vixit circa id tempus etiam *Aonius*
Palearius cujus editæ sunt Orationes &
 Epistolæ, quæ feliciter adeò exprimunt
Ciceronem tum quoad dictionem tum
 quoad numeros, ut dubitem an præfe-
 rendus illi aliquis. Prima editio *Basi-*
leensis est in octavo, altera *Bremen-*
sis quam procuravit *Matthias Martinus* in
 usum Scholæ *Bremen-*
sis. Paucis, quod
 miror! etiam viris doctis & acerrimis la-
 tinitatis censoribus cognitus iste Autor
 fuit, sed meretur profecto inter præci-
 puos

puos numerari. Hic mihi discrimen
 quasi imitationis videtur. Nam longè
 aliter sonat quod Palearius scribit quam
 Longolius & alii inepti Ciceronis imi-
 tatores. De Longolio videatur judi-
 cium *Ludov. Vivis* in Instit. Epistol. *Ni-*
mia cura imitationis, inquit ille, *bonam*
naturam corrumpit, verba habet Cicerō-
niana mira religionisne an superstitionis
observatione, *Budaus* vario & diversissi-
 mo genere præstans *Lud. Vives* illi no-
 vum quoddam & inusitatum dicendi
 genus attribuit, quod sit admirari quam
 imitari promptius. *Julii Caesaris Scali-*
geri Epistolæ magno impetu & spiritu
 scriptæ argutæ & satis latinæ. Ejus epi-
 stolæ & orationes aliquot post mortem
 ejus editæ. *Rogerus Asdravius*, Anglus,
 qui Regina Elisabethæ fuit à latinis epi-
 stolis, cujus epistolæ *Tbuanus* elegantissi-
 mè scriptas judicat, ferè unus è Gente
 Anglica est, cujus stylus veterem lati-
 nitatem sapit. Cum *Johanne Sturmio*
 singularem coluit amicitiam, cujus ex-
 emplo erectus elegans dicendi genus
 secta-

fectatus est. Ac fuit ipse *Sturmius* vir eruditissimus non Rhetor tantum optimus, sed & cujus epistolæ, quod feliciter Veteres Autores exprimeret stylo simplici ac puro, in pretio haberi merentur. *Petrus Victorius* in Epistolis usque ad superstitionem Latinus, de quo id Thuanus, quod longæva ætate id consecutus fuerit, ut literas in Italia rescentes & penè extinctas viderit. Ejus epistolæ plerumque argumenta Scholastica habent, accuratè tamen scriptæ. Atque adeo is Ciceronis ac eorum qui Ciceroni æquales fuerunt, vestigiis insisit, ut *Ovidius* (sed hujus scriptis quis non cedit?) *Baptiste* illi visus fuerit, cum quo quidem iudicio illum nos valere jubemus, neque enim assecutus est vim illam Carminis Ovidiani non idoneus ejus iudex. De *Petri Bunelli* epistolis jam ante diximus, à cujus exemplo scribere didicit *Manutius*, ut ipse in epistolis suis fatetur. *Manutius* magnam assecutus est in exprimendo stylo Ciceroniano felicitatem, cujus epistolæ magna

gna cura ac diligentia conscriptæ sunt,
 atque ut *Scioppius* nobis narrat tanto
 labore tantaque industria, ut menses a-
 liqvot uni interdum epistolæ impende-
 rit, scilicet quem antea laudaverat,
 quod nemo, qui sanus sit, ad puritatis &
 elegantiae latinæ summam quicquam
 Manutio defuisse dixerit, mox tamen
 colaphum illi impingens ex nimia illa
 cura factum esse judicat ut in *Manutii*
 epistolis, quamvis elegantissimis, *nequa-*
quam ea sit gratia, quæ hominem, nisi val-
de otiosum ad iteratam invitet lectionem.
 Sed *Scioppio* solemne est maledicere.
 Purissimus sanè Autor est, ac pene uni-
 cus è recentioribus, quem ego Ciceroni
 jungi posse arbitror. Quod *Scioppius*
 dicit tædium repetitæ lectionis ex illis
 oriri, si quid veri judicat, ex illo fortè
 est, quod plerumque de negotiis fami-
 liaribus scribat. Sed nos hic non de hoc
 felliciti dictionis præstantiam commen-
 damus. Aliqvot ejus epistolarum edi-
 tiones sunt, quas recentet & examinat
Thomafius in Præfat, novissimæ edit.
 Lipsi-

Lipsiensis, cui, si verum fateri velimus, non multum diligentia impendit. Extant adhuc aliquæ ejus epistolæ ineditæ apud viros doctos, atque unam benè longam servat Clarissimus *Pudius* ipsius *Manutii* manuscriptam; quam ille epistolarum *Manutii* reginam vocat. *Muretus* etiam nihil omisit in epistolis quod ad nitorem lingvæ latinæ pertinet, sed delectui vocum magis studet *Manutius*; numeri vero ac periodorum singularis artifex, præcipuè in Orationibus, ut rectè judicat *Josephus Scaliger* in *Exceptis* q. 1. *Casellus Petri Victorii Discipulus*, Germaniæ nostræ lumen *Rostochiensis* primum, tum *Helmstadiensis Academia* Professor multas eruditas ac tersè scriptas epistolas tum ad viros Principes de rebus gravissimis, tum ad familiares concinnavit. In quibus multa ad doctrinam moralem civilem & literariam spectantia inveniuntur. Multæ adhuc supersunt ineditæ quæ in Bibliothecis doctorum virorum latent, quæ editæ sunt ad Viros Principes & Nobiles, duæ Centuriæ & alix

aliæ ad familiares & viros Doctos à Vagetio editæ. Magnificum stylo *Casellii* elogium tribuit *Joseph Scaliger Lib. 3. epist. 270.* *Adulti*, inquit, *latinè, paucè Romanè loquuntur, & si qui fortè Romanè raro illum Ciceroniani seculi genium assequuntur.* Qui hunc leporem in tua oratione (scribit ad *Casellium*) non agnoscit, is, quid sit *Latinè* scribere nescit. Quid de *Versiculis* tuis dicam, qui quantum ab omni fuce & ambitione remoti sunt, tantum *Romanæ illius prisce simplicitatis & amœnitatis* habent *Catullianæ.* *Lucilii Philalthei Profess. Medici Itali* epistolæ non contemnendæ & stylo puro geniumque veterem spirante conscriptæ. *Jacobi Omphali* paucæ sunt ad familiares epistolæ, quas subjicit Libro suo de elocutionis imitatione ac apparatu. Puritatem etiam in stylo sectantur, sed non possunt tamen cum præcipuis comparari. *Olympiæ Tulviæ Moratæ* epistolæ *Cælii Curionis* epistolis commixtæ, non omni gloria sua privandæ intra mediocritatem tamen consistunt.

Com.

Commendatur *famina illa Thuano* à morum sanctimonia, ingenio & eruditione, quæ nisi præmaturè in vivis elle de-
 fuisset, excellentiora scribere potuisset. *Sepulcedæ Cordubensis Hispani* epistolæ una cum reliquis ejus epistolis editæ. Quod stylum spectat mediocriter etiam bonæ sunt, rebus naturalibus refertæ. Bonus præterea fuit Philologus. *Nicolai Clepardæ* epistolis nihil magis est factum, quanquam etiam stylus reprehendi non possit, magis tamen familiariter & ex tempore scripsit. Vehementer in illis exagitat mores & vivendi consuetudinem Hispanorum, narrat passim sua itineraria Africana. *Josephi Scaligeri* variis rebus epistolæ plenissimæ judiciis de libris & viris doctis. Stylus familiaris sed & argutus, compositio tamen verborum & periodorum à Tulliana discrepans, splendida omnia sine tamen affectatione. *Adami Theodori Siberi* epistolæ orationibus junctæ magna etiam suavitate & elegantia sermonis conscriptæ sunt. Vir enim fuit doctissimus

Simus ac *Josepbo Scaligero, Casaubono, Grutero aliisque Viris* doctis in pretio. *Baudii* epistolæ luxuriosiores quodammodo sunt quam decet, faceta etiam ac *Plautinis* salibus ubique referta. De iis judicat *Scaliger in excerptis à Budeanis editis*, quod non stylo *Ciceroniano*, sed tali, qui tempora *Domitiani* sapit, scriptæ sunt. Quare nolim ut fortè bi an imitandum sibi proponat qui prima styli epistolaris exercitia querit. Scriptæ sunt à *Johanne Baptista Lauro*, epistolarum duæ Centuriæ non omninò contemnendæ, cui Viro magnum elogium suspendit *Janus Nicius Erythraeus in Pinacotheca Lib. 1. p. 141. Urbano II.* erudito Pontifici, admodum gratus fuit, inter Cubicularios suos accivit, ut ejus consilio uteretur in studiis. Sed nescio quomodo inter epistolas *Johan. Baptiste Lauri* (Centur. 1. ep. 75.) facetum illud *Carmen de Nihilo*, quod in Calendas Januarias scripsit, *Passoratus* compareat, sibi enim tribuere hoc carmen videtur. De *Lypsii* epistolis ejusque stylo multa dici

dici possent, vehementer enim senex à juvene discrepat. Cum enim in sua, juventute Ciceronianam dictionem sequeretur, maturioribus annis propè novum sibi-eloquentiæ genus finxit, in quo *argutia quidem multa multa festiva, adagia, similia, sententia, hemistichia,* quæ omnia mirè ornant familiarem illum, eruditorum stylum, quem Scholasticum aut Criticum non ineptè possis vocare. Atque in eo planè aliter cum illo quam cum cæteris viris eruditis actum est, qui in juventute majorem sermonis audaciam atque luxuriam sectati, cum ætate illam posuere. Quare magnam partem vera sunt quæ judicantur de illo in excerptis Scaligerianis. Et nunquam svaserim, ut antequam quis robur in stylo acquisiverit inexcitatus adhuc Lipsianæ Lectioni asvescat, aut ejus flosculos in usus suos excerpatur. Qui illum imitati sunt infelicitè rem suam gesserunt, nam vel exscripserunt nonnulla aut sententias quasdam compilarunt, vel planè inepti, dum ejus dictionem exprimere

conantur per se non laudabilem, nec
res idoneas quibus exornent afferunt,
ridiculi fiunt. Inter eos est *Berrilius*
Canutus Danus, qui gloriam imitatione
Lipsiana quæsit, ut ipso titulo Libri
illam iactat; sed nihil aliud ille facit
quam quo describat nonnunquam pe-
riodos Lipsianos ac Lacinias ejus con-
suat. *Puteanus* felicior ejus an imitator
an emendator fuit; Ipse enim successor
Lipsii cum summo studio exprimere
eum tentavit, evitavit tamen abruptam
illam brevitatem, tot sententiarum hia-
tus & præcipitia, frequentatas interro-
gatiunculas, alterationes exiles ac simi-
lia quæ Lypsiio familiaria vitia sunt. Sed
dum illa vitavit in aliud vitium incidit,
ἀπειρολογία & ταυτολογία; Cum enim
brevitatem sectari vellet, ejusque me-
diocritatem restituerit, id effecit, ut
duabus, tribus vel quatuor periodis
absolveret, quæ Cicero una mediocri
periodo absolvere potuisset. Scripsit
Puteanus aliquot *Centurias*, quæ vivo
illo editæ sunt, earumque completa edi-

editio *Francofurib* An. 1663. prodiit. Post mortem ejus epistolarum apparatus posthumus in septem Centurias distribuitur Loviani An. 1663. editus est. Petrus Gruterus Ludimagister Batavius ἀποστειλῆν in epistolis suis etiam voluit, sed epistolarum brevitatem, quæ per se obscura est, obscuritatem sermoni suo antiquis vocibus & fictis phrasibus induxit. Ejus stylum eleganti mimesi Barlaam cens. i. op. exagitavit. Et hujus hominis genus scribendi propè simile videtur Gallico illi, quod à nonnullis inventum est & *Brutesque* vocatur cuius generis epistolas è Gallis non nemo joci causa scripsit. Longe ineptior qui Lypsiū imitatus Loelius, in sua institutione Epistolica, κακοζυγία Lipsonianam docet ipse vehementer ridiculus. Omisimus è superioris ætatis Epistoliographis nominare Sadolesi Cardinalis est epistolas, Ciceroniano filo contextas, quas magni æstimat Melancthon, qui ipsi familiaris fuit. Calvini epistolæ quæquæ de rebus sacris scriptæ, non tamen absunt à castiga-

ta Latinitate, quam ita affectavit ut sui temporis Theologos facile vinceret. *Casauboni* Viri doctissimi epistolas, quarum optimam editionem procuravit *Johann Georg Grævius*, tum ob rerum varietatem, tum ob Græcæ Lingvæ flosculos, nonnullas legere possumus. Familiariter pleræque sunt scriptæ, nam ut ipse fatetur, non multum se cruciari verborum delectu; Interim nihil deest illis elegantiae, quanquam compositio non sit æque *Ciceroniana*. Etenim compositio interdum omnem sermonis faciem immutat, cujus exemplum habemus in *Joachimo Camerario*, de ejus stylo *Philippus Melancthon lib. 4. ep. 106.* ita judicat, *quod cum antea Ciceronis verbis & phrasibus uteretur, compositionem vero periodorum aliam haberet, postea, cum hunc etiam ad Ciceronis normam institueret, se ipsum quasi superavit.* Qui Græcis formulis in scribendis epistolis delectantur, multas illarum tum ex his *Casauboni* tum ex *Reinesii* epistolis colligere possunt. Non destituuntur lingvæ lati-

latinæ gerio etiam *Roberti Turner* epi-
 stola quæ adduntur ejus orationibus, sed
 inæqualis in Compositione est, argutius
 nonnunquam scribit periodis brevioribus
 humiliter interdum laxioribus. *Johann*
Nassi Erythraei, quæ vero nomine *Johann*
Victorius Rossius appellatur, qui propter
 ea ad Cardinalitiam dignitatem erectus
 est, epistolæ, quæ in eodem omnia ejus
 Viri, summa elegantia conscriptæ ut
 concinna ubique verborum & periodo-
 rum compositio testatur. Perspicuitas
 mira sermonis & ornatus non confusus,
 nisi paucula quædam hinc inde inter-
 spersa morosius, quam par est, censere
 velis, aut cum *Reinesio in epistolis ad Hoff-*
mannum & Robertum ep. 66. majorem
 literaturæ Græcæ cognitionem, quæ im-
 paratus illi audit, desiderare. Sed illa
 non obstitit scribendi epistolas. Judi-
 cium etiam ille desiderat in eo, sed hoc
 forte de rebus quibusdam. Verba con-
 cinna satis ac idoneo judicio posita, in
 quibus ego non facile, quid desiderem,
 inveniam, eum non deserit in *Reinesio*.

Epistolis, quæ censor rigidior improbet. Nam sanè quod *Reinesius* ait videtur hoc solum quæsiuisse isto scribendi genere, ut quantum latina lingua valeat, experiretur; id verum etiam est, ut ejus illustre ex perimentum quoque dedit. Cujus epistolis i deo se dicit delectari, quod res urbanas & doctos hac ætate homines ex iis posset cognoscere. Et hæc verissima sunt: Ubi ergo illa reprehensio non accurati judicii demonstratur? *Johannis Wouwerii* epistolæ *Hamburgi* anno 1608. editæ familiariter scriptæ, rei literariæ non parum habent, cura autem ista non est adhibita, quæ decet epistolam eleganter scriptam, ejus multæ adhuc sunt ineditæ quas servat clarissimus *Gudius*. *Latinus*, quem *Lypsius* optimum & doctissimum senem vocat, epistolas etiam scripsit, in quibus gustus aliquis genuinæ latinitatis, sed periodi interdum sunt laxiores, quam fortè par esset. Cæterum compositio planè Ciceroniana est, quamquam interdum periphrases longiores & synonyma nimia illi adhibeantur ad com-

complendam periodum. Continentur
& in illis epistolis multæ supra Loca ob-
scuriora Autorum observationes & con-
jecturæ, in Patribus præcipuè emendan-
dis multum operæ posuit, *Reinesius* epi-
stolas plurimas scripsit, quæ editæ sunt
per partes. *Primum* enim epistolas ad
Hoffmannum & *Rupertum* edidit *Lipsiæ*
Bibliopola ejus loci. *Hinc* prodierunt
literæ ad *Nestor* & *Vorsium* editore
Vorsio. *Dehinc* literæ ad *Christianum*
Daumium editore *Bosio*, quibus epistolis
mixtæ sunt etiam illæ quæ ab aliis ad
eum scriptæ sunt. *Stylus* familiaris est,
argutus, sententiosus, compositioni non
adeò studens aut anxie affectans *Tullia-*
nam grandiloquentiam, sed magna in
illis vis est *bonarum rerum tum Medica-*
rum tum Philosophicarum & Histori-
carum; in primis illustrantur *In-*
scriptiones veteres, quarum ille di-
ligentissimus collector fuit. In illis ve-
rò ad *Daumium* multæ citra voces *Gre-*
cæ & Latinæ Disputationes, multa de vi-
ris *Doctissimis* judicia continentur. Pro-

mittit idem *Bosius* plures literarum fasciculos ad *Viros illustres & doctissimos* à *Reinesio* scriptarum, ac magnum satis volumen earum, quas ad se scripsit habet *Clarissimus Gudius*. *Claudii Bartholomæi Morisoti* epistolæ affectare quandam styli elegantiam videntur, sed longius ab illa distant, tum quod verborum delectum tum quod compositionem spectat; Scribitur in illis de rebus quibusdam ad intellectum auctorum pertinentibus, de rebus quibusdam naturalibus aut ritibus, sed levia sunt & vulgaria ac nonnunquam inepta aliqua declamatiuncula totam epistolam absolvit. Carmina quæ immiscentur parum habent genii Poëtici, interdum in ipsas Prosodias leges impingunt. Scripsit & idem orbem maritimum ad cujus argumenti tractationem non affert id iudicium, quod expectaret aliquis curiosior. *Claudius Sacrarius Senator Parisiensis* vir doctissimus epistolas scripsit ad *Viros illustres & doctissimos* varias easdemque doctissimas. Multa in illis quæ ad historiam

historiam literariam sui temporis spectant,
 multa de libris & scriptoribus variis ju-
 dicia, stylus familiaris, sub manu natus
 argutus tamen & festivus. Post mor-
 tem ejus prodierunt, *edente illas filio &
 Regine Christine dedicante. Balzathius
 Gallus*, elegantissimi Vir ingenii ac ma-
 gnus in stylo Gallico novator quibus-
 dam habitus, Epistolas latinas selectas
 scripsit, quibus mira inest venustas, &
 Gallica quædam urbanitas, nitidissimo
 Latino sermone expressit. Quo in au-
 tore observare popularitatem illam lin-
 gæ suæ possumus & plane in illo occur-
 rit Gallicum illud dicendi genus, quod
 jam suo tempore deprehendere visus
 est Cicero. Sic Hieronymus in epistola
 quadam ad Paulinum Hilarium scribit
 Gallicano attolli Cothurno, quam cen-
 suram suo etiam judicio comprobatur
Erasmus, qui grandiloquentiam aliquam
 ac theatricam sublimitatem, cum in L.L.
 CC. incidit, qui tractati facile splende-
 scunt, in illo agnoscit. Similem ille gran-
 diloquentiam in *Sulpitio Severo*, *Euche-*

rio & Wilbelmo Budao observat, quem
adeo sublimem dicit ut tubam sonare
credas non hominem de quo operæ pre-
tium est legere cœtera quæ habet: *Ser-
monis latini*, inquit porro *Erasmus*, *tan-
ta obscuritas*, tamen si partim inde est,
quod frequenter è diversis membris
contextam vix tandem longo circui-
tu absolvit: tamen illud etiam officit ora-
tionis perspicuitati, quod in argumento
per se subtilitatibus involuto laudem et-
iam affectavit argutia nonnunquam co-
pie. Gallicas epistolas Balzathius mul-
tas scripsit, quarum illæ quas junior edi-
dit, turgent quodammodo metaphoris,
& nescio quid Asiatici sonant. Verba
illi sunt multa recens ficta, quam ob cau-
sam in reprehensionem multorum in-
currit multos etiam imitatores invenit,
sed maturiore ætate temperavit sibi pau-
culum, & quod tumidum antea videba-
tur, in mollius dicendi genus commu-
tavit. Latinæ certè epistolæ virum non
juvenem spirant. Dici vix potest, quan-
ta partium studia fuerint in Gallia ad-
ver-

versus huius hominis eloquentiam, aliis
ut novam integris libris damnantibus,
aliis ut perfectissimi sermonis exemplum
imitantibus. Historiam eius rei omnem
prolixa Dissertatione complexus est *So-*
rellus Bibliotheca Gallica. Josephi Lau-
rentii epistolæ, de rebus philologicis
quibusdam scriptæ non magnæ rei sunt;
Lypsi simia est vocularum obscuriorum
affectator & inanibus quibusdam sensi-
culis turget. *Boxhornii* epistolæ non
carent venustate, quanquam pleræque
familiariter & ex tempore scriptæ de re-
bus nonnullis Philologicis nec ab ipso
vivo sed post mortem eius sunt editæ.
Gabriel Naudæus in epistolis suis non tam
rara habet quam forsitan ab eius erudi-
tione expectes; stylus tamen facilis, non
assurgens, compositio obvia nec multum
coacta; Legi potius ob rerum notitiam,
quæ tamen non adeo multa est, quam
ob stylicuram debet. *Cassarii Barlaæ*
Medic. D. & Philosoph. in illustr. Amste-
led. Gymnasio Profess. epistolis nihil est
facetius & festivius, ut fuit ingenium

eius viri ad extemporales lepores factum. De stylo si quæras, nec laudarem nimis, nec reprehenderem. Omnia ex tempore scripta, dictio non semper pura, ut in Poëmatibus eius: Compositioni periodorum, ut in orationibus ita nec in epistolis studet; Cæterum singulari voluptati erit, animum gravioribus studiis saturum his velut cupediis reficere. Jungi his possunt *Francisci Martini Sacerdotis Epenfis* epistolæ ob singularem, festivitatem & joca plurima commendandæ. Stylus non adeò malus. *Octavius Ferrarius* humaniorum literarum, Professor in Academia Patavina, epistolas quasdam scripsit prolationibus eius additas, stylo non omnino malo, facili sed compositioni non adeò studet, atque ex tempore scribit. *Neibussi* epistolæ mediocri stylo scriptæ in exemplum tamen nunquæ imponendæ, exigua enim illis est tum concinnitas & venustas tum verborum delectus. *Rolandus Maresius* epistolas quinquaginta scripsit eleganti stylo, de variis rebus literariis ad viros do-

doctissimos. Multa in illis sunt consilia pro lingvæ latinæ studiis. Plures Libros promisit, qui an editi sint, ignoro. *Crucii* epistolæ ineptissimæ ubique declamatiunculis & Locis Communibus lascivæ, è veteribus *Senecam* è recentioribus *Lypsiu* exscribit, unde gnomas aliquas, sententiolas argutas ac similia congerit. *Augusti Buchneri epistolarum Tomi duo* prodierunt *Dresdæ* anno 1679. & 1680. in octavo. Erat vir ille ad omnem nitorem literarum factus, Orator optimus & Poetarum suo tempore inter Germanos princeps. Benè sanè meriti fuerunt de orbe literato, qui has eius epistolas publicarunt, in quibus multa sunt de rebus literariis judicia stylus ipsi elegans, quanquam concisus, formata tamen ipsi ex Cicerone dictio est, quod verò τὸ *ῥητορικόν* spectat ab illo diversa. Quantus hic fuerit *Ciceronis* æstimator videas ex epistola illa luculentissima quæ est *trigesima secunda Partis secunde ad Schneiderum Ducis Holsatiæ Consiliarium*, qui ipsius consilium rogaverat de

Curtio, an scilicet ipsius stylus ad eloquentiam Romanam sufficere posset; sed in alia omnia it *Buchnerus*, qui *Curtii declamatoriam indolem abesse judicat a puritate nitoris Romani*, solum itaque *Ciceronem* illic ad omne scribendi genus tum Epistolare, tum Oratorium, tum Historicum unice commendat, & quid dicam de variis rebus & judiciis, quæ habet de Autoribus veteribus & recentioribus. Atque hi ferè sunt Autores Epistoliographi præ cæteris cogniti. Nam omnium inire numerum unius non est instituti nec opus est, cum ad eloquentiæ epistolariæ exercitium unus alterve sufficiat. *E Veteribus* unus eligatur *Cicero* tum quia Latinitatem tum quia compositionem. *E Plinio* notari possunt formulæ insigniores ad styli Ciceronianæ compositionem seducendæ. *E Recentioribus* pauci familiariter legantur. Nullas enim earum legi debere, quod vult *Wassor Libr. de Epigrammatibus*, non probaverim. Sufficere possunt. *Bucellus, Manucius, Puteanus Muretus,*

Julius Caesar Scaliger & Buchnerus. Cæteri vero, ut imitari velis stylum, non legendi, nisi quantum ex eis elegantiam formularum congerere potes, quas data occasione in rem tuam vertere possis. Non inutilis labor est illorum, qui epistolas virorum doctorum & illustrium, seorsim scriptas, justis Voluminibus Collegerunt. Sic habemus *Virorum clarorum, illustrium Principum ad Principis epistolas*, quæ distinctis collectæ voluminibus prodierunt, sed cæ potissimum obres politicas & Theologicas editæ sunt, quarum ex iis notitia haberi potest. Ob styli vero elegantiam præcipuè nullas meminialiquo Volumine collectas. Operæ tamen precium esset, si quis talem operam susciperet, præcipuè in Dedicatoriis epistolis à Viris doctissimis conscriptis, quarum tamen delectus haberi debet, quod institutum commendat *Sorelus in Bibliotheca sua Gallica Dissert. de epistolis Gallicis*, ac prævit nobis exemplo, qui *Pateani* Dedicatorias uno Volumine sub Titulo *Pompe Prosphoneti-*

ca edidit. In *Gallica* Lingva permultos tales epistolarum libros habemus, inprimis amatoriarum in quibus illa gens exercere ingenium suum amat. Illorum epistolographorum, quorum epistolæ legi ob res ipsas debent potius, quam ob stylum magnus est numerus. Sic habemus epistolas à *Patribus* scriptas, de quibus consulatur *Johannes Baptista Terrarius Libro de epistolis sacris.* De rebus *Philologicis* multi autores epistolographici scripserunt, ac præter hos, quos jam nominavimus, sunt *Melchioris Goldasty* epistolæ, qui epistolas *Philologici* argumenti collegit. *Jani Parafii* quæsitæ per epistolam quibus respondet ad interrogationes nonnullorum de rebus *Criticis.* *Laurentius Pignorius* in *Symbolis epistolicis* multa ad antiquitates *Ægyptiacas, Græcas, Romanas* spectantia habet. *Tanaquil Faber* in suis epistolis autorum loca emendat. *Salmasius* in latinis suis ex *Balzathio* in Gallicis epistolis *Philologica* etiam argumenta tractat. Varias res *Politicas, Theologicas,*

cas, Physicas, Historicas *Conringius* in
 suis epistolis tractat, quæ Præfationes in
 Autores aut Dedicatoriæ sunt. Physici
 argumenti epistolas scripsit *Licetus*, cu-
 jus quæditorum per epistolam quinque
 vel sex Tomi sunt, quibus tamen etiam
 Philologica nonnulla miscentur. Ex-
 tant & multæ *Cartesii* epistolæ tum *latinae*
cum Gallicæ, omnes Physici vel Mathe-
matici argumenti. Gallicas de rebus
 Physicis epistolas scripsit *Sordierius Regis*
Gallie Historiographus. Geographici ar-
 gumenti epistolas *Busebeuius* nobis de-
 dit, stylo eleganti, quibus multa Turci-
 ci Regiminis arcana continentur. Item
Momponsius qui Gallico sermone epi-
 stolas scripsit quibus iter suum per Afri-
 cam Asiam & Europam descripsit, in qui-
 bus multa reperiuntur curiosa tam na-
 turalia, quam artificialia, etiam Politica,
 sed cum Posthumus liber sit nec ab ipso
 Autore editus in rebus istis quas colle-
 git, dele. us non est institutus, quem in-
 stituisset forte Autor, si edidisset. Ex-
 stant & in Italica Lingua *Petri de La Velle*
 le

le peregrinationis illustris epistolæ, quæ Asiaticas potissimum res complectuntur ac accuratè enarrant. Politicarum affatim habemus exempla apud Ciceronem præsertim in iis ad Atticum, in quibus continentur universus iste tum temporis reipublicæ Romanæ status. Elogium earum habet Cornelius Nepos in vita Attici Censor ipse talium acerrimus. cap. 16. eas, inquit, qui legat non multum desideret contextam historiam eorum temporum. Si enim omnia de studiis Principum & vitiis Ducum ac mutationibus reipublicæ perscripta sunt, ut nihil in his non appareat & facile estimari possit, prudentiam quodammodo esse divinationem. Non enim Cicero ea solum quæ Vivo se acciderunt, futura prædixit, sed etiam quæ nunc usu veniunt, cecinit ut Vates. E recentioribus plures habemus eius generis epistolas, non latina tantum sed & Gallica & Italica Lingva scriptas, & quidem non pauci Autores quos supra nominavimus. Aeneas Sylvius Erasmus Roterodamus, Jacobinus Camerarius,

Phi-


Philippus Melancthon huc referendū.
Huc pertinent *Petri Martyris*, *Anglery*
Mediolanensis, *Protonotarii Apostolici*,
prioris Archi-Episcopatus Granatensis &
Hispanis à rerum Indicarum consiliis *Epis-*
tola cum epistolis *Ferdinandi de Bulga*
editæ Amstelodami Typis Elzevirius in
folio anno 1670. Quo opere superioris
seculi res gestæ & consilia plurimam par-
tem continentur *Grotianas epistolas* si
haberemus omnes, ut sunt aliqui, qui
magnum ineditarum Volumen habent,
plurimum rei Soliticæ in illis habere-
mus. *In Italica Lingua* habemus Prin-
cipum ad Principes epistolas uno Volu-
mine collectas, item *Cardinalis Ossati &*
Bentivogli. *In Hispanica Antony Perez*
sir epistolas, quibus multa sui temporis
arcana continentur. *In Gallica Lingua*
haberemus *Pasquerii epistolas*, quibus ea
continentur, quæ in tumultibus Parisi-
ensibus contigerunt, aliosque Autores,
quos vide apud *Sorellum.* *De negotio*
Pacificationis Orsnabrugensis extant epi-
stolæ *Christophori Forstneri.* *In Germa-*
nicæ

nicia habemus Zesleri epistolas. Habe-
mus & in legato sermone scriptas episto-
las, quarum longa alia est ratio, alius
stylus, & quidem in ipsa Poesi diversus.
Quas enim Horatius scripsit, penè acce-
dunt ad naturam soluti sermonis. Nu-
meros enim concinnos & compositio-
nem Poeticam dedita opera neglexit, mi-
rabiliter tamen sunt venustæ & argutæ,
& nemo est è recentioribus qui hanc
scribendi formam imitatus fuerit præter
unum Danielelem Huëlum Gallum qui ita
eas expressit, ut nec ovum ovo similius.
Ovidii epistolæ amatoricæ sunt & planè
aliam formam habent; Nam omnia ar-
tificia tum Carminis Orationis patheti-
cæ expressit, quem imitatus est è recen-
tioribus in argumenti sacro Cabil-

ladius & alii nonnulli.



CAP.



CAP. II.

De

*Artis Epistoliographicae Scri-
ptoribus.*

QUanquam qui artis Rhetoricae gnari sunt, multa ex illa ad ornandam epistolam petere possunt inprimis Enthymemata Oratoria, sunt tamen nonnulla, de quibus seorsim monere debemus, non enim tantum dictio ipsa habet aliquid ab oratoria diversum sed & res quæ epistola scribuntur, ipse etiam scribendi modus suas quasdam regulas habet, quas apud Rhetores non est invenire. *A veteribus Sophistis Græcis* inter Progymnasmata referebantur, ac fuerunt inter illos nonnulli, qui Græca Lingua Libros describenda epistola confecere, quorum jam supra mentio facta est, præ-

pri-


primis *Demetrii Palarii* cap. 195. de elocutione legi debet cum Commentario eruditissimo *Johannis Caselii*, quo velut per lancem sacram præcipua conferuntur præcepta, cui annectit idem ille *Gregorii Nazianzeni de epistola scribenda* epistolam à se primum editam, cum non extet in *Nazianzeni* operibus, quam *Artenius Delga Vir doctissimus* secum communicaverat, edita postea est atque inserta *Libro primo epistolarum familiarium Ciceronis epist. 1. a Manutio in Commentario*, cujus etiam filius seorsim edidit; In eam brevis extat loco citato *Caseli Commentarius & luculentior Adami Theodori Siberi*. *Libanii* quoque libelli cum aliis nonnullis Græcis autoribus de epistolari charactere editi sunt ab *Aldo Manutio ac Valentino Erythraeo*, qui posterior illos, libris suis de ratione legendi explicandi & scribendi epistolas inseruit. Superiori tempore, cum barbaries esset latinæ lingvæ fuere tamen nonnulli, qui artem illam tradiderunt, quam artem epistolandi vocarunt, è quibus

bus tamen optimum videtur opus *Johannis Altenstaig de conficiendis epistolis*, quem Scholasticis Scriptoribus innutritum atque eorum elegantiss assuetum, facile videas. Fuere tamen alii non contemnendi *Raphael Brandolinus*, *Conradus Celtes*, præ cæteris legendi *Ludovicus Vives*, *Erasmus Roterodamus*; *Melchior Junius Professor eloquentia in Academia Argentoratensi Scholæ Rhetoricas de ratione contexendarum epistolarum scripsit*, in quibus illud laudandum, quod Ciceronianas epistolas sub suis generibus, quasi Locorum communium titulis in ordinem redegerit additis semper imitationibus ad epistolas Ciceronianas, quem autorem postea cum *Schælis suis*, sed ineptis & sine judicio congestis edidit *Philippus Horst Practica Philosophia in Academia Jenensi Professor*. Adhibuit præterea ineptam quandam & Scholasticam curam in denuntiendis & dividendis omnibus quod ne cio quomodo frigidum & putidum. *Lypsi institutio epistolica* etiam commendanda hic est,

est, meliora enim epistolæ scribendæ præcepta dat, quam ipse scribit. In eam extat *Commentarius Christophori Heidmanni Helmstadii an. 1630. in octavo editus.* Est & alia *institutio epistolica ad Methodum Ciceronianam edita Heidelbergæ an. 1604. in octavo.* Plures alii sunt magno numero artis epistoliographicæ Scriptores, quorum alii ante alios commendandi. *Johannes Voëllus* artificio generali orationis componendæ aliquid *de epistolis scribendis* subjecit *Coloniæ an. 1611.* *Johannes Simonius* de eodem argumento scripsit, quibus accessere postea notæ quædam *Johannis Stati.* *Bucleus* *Thesaurum conscribendarum epistolarum* scripsit, quibus additæ imitationes in epistolas Ciceronis ac formulæ nonnullæ. Habemus *Georgii Fabricii, Christophori Hegendorfsini Georgii Macropei, Johannis Molini, Simonis Verepei, Jodoci Junckmanni, Georgii Heinschii, Johannis Henrici Alstedii, Bartholomæi Sagittarii &c. libros de epistolis conscribendis scriptos.* E Recentioribus
Chri-

Christophori Adami Raperti Mercurius epistolaris non est contemnendus præsertim ob formulas quas collegit à *Scaligeri* & *Casauboni* præcipuè epistolis. Est & *Israelis Clauderi Systema Epistolicum* in quo varia habentur exempla argumentorum epistolarum, sed non placet sollicita ista ad partes justæ orationis Dispositio, quanquam in epistolis enthymemata etiam oratoria admitti debeant, abesse tamen ab illis debet morosior quædam ad regulas Rhetoricas exactio. Exempla talium argumentorum epistolarum, si quis exercere se in eis velit, edidit *Christophorus Schraderus*. Argumenta enim omnium moralium epistolarum, quæ præcipuè requirunt enthymemata oratoria ille complexus est, & proposita ad imitationem Ciceronianâ epistola simile quippiam scribere docet, iisdemque argumentis uti additis semper locis ex Aristotele. *Latini* institutio epistolica inepta est, & secum insanire alios docet. Ex his Autoribus sufficere possunt cordatiores illi tum *Veteres* tum re-

centiores. E recentioribus *Erasmus*, cu-
jus luculentissima sunt præcepta ut su-
peret omnem tum Veterum tum recent-
tiorum industriam; illud quoque lau-
dabile est, quod minutissima etiam quæ-
que in epistola scribenda dispiciat, formu-
las annectat, sollicitè epistolas tribuat, ex-
empla elegantia tum sua tum aliena ap-
ponat, & quidem sub Titulis quibusdam
Locorum communium per indicem congi-
stas. Nec culpari in eo industria hæc
qua etiam Tyronibus inservire voluit
debet, quod facit *Budæus* qui ob illam
causam *μικρολογία* cujusdam eum ar-
guit. *Ludovicus Vives* strictior est & ge-
neraliora sectatur, jungi tamen illi pot-
est *Melchior Junius* ob imitationes in
epistolas Ciceronis & Collectanea epi-
stolaria legi potest. *Schraderi Dispositio-
nes epistolares* argumenta se exercitatu-
ro suppeditabunt. Cæteris carere fa-
cile possumus nisi fortè & *Rupertum* ob
formularum connexionem jungere illi
velimus. Nam plerique ex aliis de char-
ta in papyrum scribunt,



CA P. III.

De

*Charactere sive Dictione
epistolarum.*

IOHANNI STURMIO Viroliteratissimo inutilis quidem videtur opera, quæ ponitur in Præceptis de epistola scribenda, cum ex Rhetoricis Præceptis petere abunde possimus omnem illam doctrinam in characteris epistolæ tum argumentorum epistolarium: Nam *elocutio characterum species explicat. Invenio vero argumenta invenire docet*, etiam pro epistolis. Quod verum quidem est, sed cum generalior sit ista doctrina, præcepta verò singularibus applicare non sit, nisi ingenii exercitati, operæ profecto pretium facit, qui ex illo fonte haurit quantum epistolari eloquentiæ inservit, sic enim rectius cognoscemus, cum

sub unum conspectum, omnia huic rei necessaria redigantur. Error verò illorum non ferendus, qvi tenuè dicendi genus omni epistolæ indistinctè tribuunt. *Ludovicus Vives* certè *Ciceronis epistolis* sermonem domesticum & familiarem tribuit, nec aliter illum *cum uxore cum liberis cum servis, cum familiaribus, in foro in campo, in balneo, in cubiculo, in triclinio locutum* existimat, quod puto & illorum iudicium esse, qvi *Ciceroni Plinium præferunt*, quod *Sydonius Apollinaris* fecit, qvi se *Plinii imitatore* jactat: quod falsum est, & illud absurdum. Tantum enim abest, ut styli tenuitas sit in *Ciceronis* epistolis, ut potius ferè nihil tenuitatis in illis invenire liceat, nisi fortè in illis, quas scribit ad *Terentiam uxorem suam aut servos suos*. Ac quamquam ipse *Cicero Lib. 9. epist. famil. 20. plebeio se sermone scribere ac epistolas quotidianis verbis texere* dicat, illa potius extenuatio est, qua respondet *Papirio Poeto* verborum fulmina in epistolis sibi objicienti. Ac ita benè cœpit

Hen-

*Henricus Stephani in Commentario de
 varia scriptione Epistolarum Ciceronis:
 Qui in epistolis Ciceronis vel ad familia-
 res vel ad Atticum artificia oratoria ver-
 borum delectu non deprehendit, insanus
 est, & latinitatis ignarissimus. Verè ta-
 men judicavit (quod facit Siberus in
 Comment. ad epist. Nazianzeni) qui in
 familiaribus inveniendi potissimum di-
 sponendi artem quærun, in iis ad Atti-
 cum eloqvendi rationem. Nam quan-
 quam in epistolis ad Atticum familiaris
 stylus sit, ille tamen verborum typus
 circa gravissima facilè evincit, nihil in
 illis esse quotidiani. Unica illa Cice-
 ronis epistola, quam ad Octavium Augu-
 stum scripsit adeo non repit humi iudice
 Erasmo, ut non tantum attollatur ad o-
 rationum procellas verum etiam in Tra-
 gœdiam exeat. Faceffant itaque qui
 tenuitatem unicè commendant in epi-
 stolis, quam ob causam rectè impro-
 bantur etiam illi à Demetrio qui eo sty-
 lo epistolas scribendas volunt, quo Dia-
 logus scribitur, quod sit veluti cum ab-*

sente colloquium. Sed in epistolis aliquid amplius est, neque enim hic, ut in Dialogo, verba fortuita, sed ordinè & decenter posita requirat prudentior aliquis. Rectissimè omnium *Nazianzenus*, qui epistolarum modum atque mensuram facit, rem ipsam pro argumento epistolæ, pro ratione personæ quæ scribit & ad quam scribitur omnis tenendaratio styli epistolaris est. *Videndum itaque quot sint epistolaram genera.* Quo de argumento peculiarem commentationem edidit *Henricus Stephani* editioni epistolarum familiarium *Ciceronis* *Orationibus* junctam, sed more suo confusè omnia proponit, nec satis distinctè, ubiquè immiscens aliena. Nam primum longa ipsi Disputatio est de *jocosis & severis epistolis*, multa adducens de urbanitate & facetiis styli *Ciceroniani* eius exempla passim conglomerando, quæ omnia tamen parum rei habere videntur. Quantum ad ipsum commentationis argumentum, Eam epistolarum divisionem desumpsit ex ipso *Cicero*

rone

de officiis 4. *Lib. 2. ad familiares*. Nam ad tria illa capita jocosas & severas & tertium quod non nominat omnem epistolarum materiam revocat, illud quod non nominat, Cicero, nunciatorias præcipuè & domesticas continere putat, quæ sunt de negotiis nostris scriptæ epistolæ, sed illa quidem disputare tam prolixè nihil est opus, cum *διχοτομία* illa *Nazianzeni* absolvi res tota possit, quod nec *Ciceronis* sententiæ repugnat. Est enim epistola vel negotiosa quæ circa res vel nostras vel alienas occupatur vel *moralis* quæ consistit in officiis illis quæ civis civi, amicus amico præstare potest. *Ratione personarum & materie* ita dividit *Schefferus* in *Gymnasio styli* Genus scilicet quadruplex constituit, unum cum privati scribunt ad privatos de rebus privatis cujusmodi epistolas *Cicero* ad familiares plerasque esse dicunt. Aliud cum privati ad privatos scribunt sed de rebus publicum concernentibus, cuiusmodi non pauci sunt in iis ad *Atticum*. Aliud cum privati scribunt ad personas

publicas de privatis rebus & suis quæ-
les multæ sunt *Plinii ad Trajanum*, & de-
nique Aliud cum personæ publicæ ad
publicas scribunt de rebus publicis, ut
cum *Cicero* ad Senatum scribit de rebus
à se gestis in provincia, cum *Plinium Tra-*
janum consulit de subjiciendis quæstio-
ni Christianis. Ex his *primum & ter-*
tium Genus privatum vocat, secundum
vero & ultimum Politicum. In his o-
mnem Scholasticam sollicitudinem re-
jicit, gravitatem ac decentem ornatum
requirit, *in illis* familiarem styllum pu-
blicum & cum simplicitate quadam or-
natum. Sed ita accuratè hæc omnia
designari non possunt, est enim in una
eademque epistola character diversus;
Familiares epistolæ modo tenaci stylo,
modo arguto adagiis sententiisque or-
nato scribi possunt, si reciprocentur in-
ter viros literatos, quo casu nec Græca
adagia nec nitidiores ex ea lingua for-
mulas, hemistichia item adagiola à Poe-
tis adducta improbarem, quanquam si
ad alios scribat Politicos de rebus gra-
vibus

vibus iste mos damnandus sit, ut impro-
 bavit *Balzachius* quadam epistola p. 169.
 & 168. tum in Græca tum in Gallica Lin-
 gva & *Rolandus Maresius* Lib. 1. epistola
 philologica 7. ubi occasione eius de *Ly-*
psii epistolis iudicium suum exponit.
 In illis familiaribus eruditorum lite-
 ris sæpè aliquid licet, quod alias non
 liceret. Adhiberi possunt enigmata,
 ritus, fabula, & similia, quod aliud
 literarum genus respuit. Ita scripse-
 re aliqui integra epistolas carmine, sed
 dissimulato metro, quales se literas ad
Thomam Linacrum dedisse testatur
Erasmus libro de ratione scribenda-
 rum epistolarum, metro trochaico, te-
 trametris compositas, sed ita tempera-
 ra compositione, ut aliud agenti non
 facile suboleret esse carmen. Admo-
 nuerat in epistolæ frontispicio ut sibi ca-
 veret; in animum enim sibi esse ipsum hac
 epistola fallere, & in calce adjecerat se
 jam se felli, nisi falleretur ipse. Sed non
 C 5 com-

compareret ista epistola in opere Erasmi. Idem artificium imitatus est *Bandius*, cuius *epistola 67. centurie secunda* tota ex jambis constat. Similiter & *Hugenius* epistolam talem heroico carmine scripsit, quod facilius se prodit, & aliam carmine Jambico ad *Gmswinckelium*, epigrammatum Lib 10. p. 340 cui illic respondet *Gmswinckelius* meris vocibus monosyllabicis. Sed illa libertate quadam & licentia jocandi inter vivos eruditos fiunt, nec facile in imitationem trahenda. Intelligenti & amico quidvis scribi potest, in re verò seria & gravi alio utendum est ornatu. Verius itaque character epistolaris defini non potest, nisi in illis, qui ad familiares scribuntur epistolis, quibus tenuitas styli convenire præ cæteris videtur. Quamquam & hic, si eruditi sint ad quos scribitur argutiùs licet indulgere. *Omnis itaque distinctio est à rebus & à personis ubi grandiloquentiam oratoriam cum omni ornatu & numero desiderat epistole argumentum, ut cum scribimus ad Magna-*

re Erasmi *ees Dedicatorias, Gratulatorias, Consola-*
torias. Quales epistolæ vix differunt
 de tota a laboratione. In *petitoriis, Commenda-*
 & Hugeni *toris, gratiarum actoris, suaseris simi-*
 mine scri *libusque Deliberativi Generis argumen-*
 & aliam *tis, cultiori etiam stylo locus est; Sed qui*
 ekeliam, o *intra modestiæ tamen terminos consistat,*
 o cui illi *luminibus panegyricis non efflorescat,*
 is vocibu *nubibus tamen & nebulis non involva-*
 rtate qu *tur. In epistolis familiaribus mixti ar-*
 rivos er *gumenti, quibus mentis nostræ sensa so-*
 ationem *lummodò perscribimus, aut aliquid*
 ico quæ *nunciamus. simplicitas quædam orationis*
 a & gra *observanda est, sed tamen elegans, nec*
 erius it *pigmenta affectans, nec infra sordes se*
 iari no *abjiciens. Nazianzenus brevitatem,*
 ares scri *perspicuitatem & venustatem requirit in*
 itas sty *epistola. Brevitas secundum rei men-*
 Qua *suram intelligenda est; Nam vel tribus*
 os scribi *lineis sumus prolixi & contra tribus pa-*
 omni it *gini breves. Brevitas illa non tantum*
 sonis o *consistit in periodi mensura, quanquam*
 uo om *& hoc hic attendi debeat, sed in rebus*
 la arg *ipsis, verbis, rerum circumstantiis, ne*
 Mag *cumulemus inutilia, per periphrases ef-*
 11

feramus quæ simpliciter possumus, aut ista adhibeamus argumenta, quibus O-
rator in causis agendis utitur. Atque
hujus brevitatis nemo melior est artifex,
ut rectè censet *Erasmus*, quam qui copio-
sè scribere potest. Idem *Cicero* in ora-
tionibus copiosissimus est, & torrentis
instar funditur. In *epistolas* præcipuè
ad Atticum pressus & brevis ut stillare
ejus oratio videatur. Valdè enim er-
rant, qui *Ciceronis* stylum in epistolis
prolixitatis cujusdam incusant, qui ta-
men pro rei ratione jam prolixior est jam
brevior. Qua in sententia *Rolandus*
Maresius esse videtur, qui *Lib. 2. philolog.*
epist. 1. judicia de nonnullis Epistolio-
graphis exponit, & *epist. 4.* illis Cicero-
nis imitatoribus, præcipuè vero *Bunello*
& *Manutio* succenset; ita enim de illis:
Horum (scilicet Bunelli & Manutii)
epistola, licet prima fronte Ciceronia-
na, ut libere loquar, mihi non usque
quaque placent. Nam illorum ser-
mo nimis laxus & redundans, cum
epi-

epistolas plerumque ad familiares dandas magno conatu conscribunt, nec secus verbis adornant, ac si non essent epistola, quæ accuratè sane & sine molestia scribi debent, sed orationes de rebus gravissimis compositæ. Recenset porro Manucii de Erasmo & Politiano iudicium, ei que succenset, quod olim cum eis miserè errasse scribat; nam, inquit, cum ejusmodi viris errare malim, quam cum Bunello sapere, quorum epistolæ, non ad cò verbis & rebus, certè Cicero-
nianæ, longè pluris facio, quam Bunellianæ aut Manucianas rerum plerumque inopes verbis canoras. Hæc ille, unicus, si rectè memini, horum hominum censor, sed sine ratione dicit. Volumus certe epistolas florentissima oratione Romana scriptas, quas qui in his viris non videt, nihil videt. At verborum, inquit, fuerunt studiosiores quam rerum. Esto: aliter enim si fecissent, peccassent. Quis enim rectus eloquentiæ habitus est sine delectu? Qui si rectè instituantur, rebus-

busque accommodetur, perfectum eloquentiæ specimen habemus. Atque eo fine potissimum scripsere has epistolas *Manutius & Bunellus*. Nec est quod de rerum defectu conqueratur ille ὑπερπερισσός. Habent enim illi res, scribuntque quæ conveniunt epistolis omnium generum, sunt illic *salutationes, commendationes, petitiones, &c.* quales plerumque in epistolis *Ciceronis* occurrunt. Si rerum copiam velit adeat *Historicos, Philologos*. Quod enim alii, quos laudat, rebus sint instructiores id ab iis efficitur, quia sunt vel *Historici* vel *Philologi*; quanquam illarum pleni sint, plerumque solent esse verborum & ipsius eloquentiæ incuriosiores. Ab eorum vero numero, cur *Muretum* eximat, non video, cujus epistolas elegantissimas vocat & verè *Ciceronianas*, quasi verò ipse etiam de rebus privatis non agat. Nam qui illud faciunt inter ineptos *Ciceronianos* referuntur. Summa ejus Dissertationis huc redit quod *Ciceronianum* characterem rejiciat, *Plinianum* laudet ac

Lypsia.

Lysianum in quantum non corruptus est mala latinitate, hancque concinnam brevitatem ille vocat, styloque epistolari aptam. Sed sui cuique sunt sensus. *Cicero* non deficit in hoc styli genere exprimendo, ubi res flagitat, sed non semper eo utitur, nec uti debet, cum in quibusdam epistolis uberior quædam concinnitas & periodorum mensura sit habenda, quæ rotunditatem aliquam conciliet sermoni, quam frustra in *Symmachii* epistolis admiratus est *Sydoricus*, nisi fortè vocat crebras argutas & concisas, ejus sententias rotunditatem, quæ non est. Omnis enim sermonis orbis vel rotunditas à numero & periodo pendet ista vero in periodis μονοκώλοις, vel πολυκώλοις, ut pleræque sunt observari non potest, sed à decenti quâdam copia & apta inter se plurium membrorum compositione procedit. Mirum itaque non est, si è recentioribus *Politianum* & *Frasium* potissimum laudat: *illum* enim, valde politum & elegantem vocat, qui & *Erasmio* commendatur eò quod multas

res verbis paucis complectere possit; *Hunc*, quancquam extemporalem, ab erudita eloquentia ac judicio de re literaria extollit, quo postremo quidem non fallitur, sed eloquentia superiores illo sunt multi, & quidem illi quos adeò contemnit, *Buxellus & Mannius*, qui ab iis ipsis, quos laudat in errorem se inductos quærantur. *Lypsi* stylum ac dicendi genus non improbare adeò videtur, ut quem cum *Plinio* certare posse existimat, nisi corruperit ipse latinitatem & quidem in eo non errat, quod multum ei sit acuminis, multum argutiarum & doctrinæ, præcipua enim ejus virtus est illa urbanitas & venustas, quam *Nazianzenus* in epistolis requirit, adeò ut penè peccet nimia ejus abundantia. *Nicolai Heinsii* in epistola ad *Maresium* scripta illud est judicium: *Lypsi non desunt sua Veneres, habet, nescio quid, quod Letorem trahit & quod prorsus improbare non possis, & non tam illi succenses, quam ineptissimis imitatoribus,*
qui

qui illum imitandum sibi proponunt,
idque tam prae posterè ut vitia ejus ex-
primant, plerumque ejus virtutes non
assequantur, imitatur neminem Ly-
psius, ac proinde legem hanc ipse ser-
vis istis animalibus posuisse videtur.
Pluribus in eadem epistola de Latinita-
te *Lypsi* agit, quæ quod interdum corru-
pta sit, corruptelæ majori fit obnoxia ex
imitatione prava. Latinitatem *Lypsi*
integro quidem libro impugnavit *Hen-
ricus Stephani* sed ipse Vir exigui judi-
cii, quod vel ex ipso libri titulo apparet,
interim nec planè omnia spernenda.
Præterea & *Scioppius* in *infamia Jamia-
ni* sub finem ejus libri *Barbarismos* quos-
dam *Lypsi* perstringit; Censor ipse in
multis censendus. Non enim pauca
sunt, ubi infeliciter virgam istam cen-
soriæ stringit, ob hanc imitationem,
*Lypsi*anæ quæ laborabat juvenis Bel-
gica, cum *Leida* Professor esset *Lypsi*, ad-
dit porro in eadem epistola *Heinsius*:
quod nisi ὁπλασμαστος *Scaliger* juvenuti
no-

nostra possum eunni salubribus succurisset monitis in Lypsi locum à curatoribus hujus Academiae opportunè subrogatus, futurum vix erat, ut tantam tot præclarorum ingeniorum, quæ annis quinquaginta proximis in Batavia nostra illuxerunt, messem mirarentur exteri. Audiamus porro consilium viri istius, cujus latinitas auream ætatem spirat eadem in epistola: Formandus, inquit, mihi videtur dictionis character ex tribus optimi ævi scriptoribus, quos ubi in succum sanguinemque convertisti, natura tua, non alienæ instinctum sequaris necesse est, ita tamen ut nimia neque luxuriei nec abruptæ isti brevitati plus æquo studeas sed eam constituas intra terminum quem ex optimis omnes non unus sibi præscripserit. Cujus viri sententiam etiam nos ambabus complectimur manibus, ut quæ nec bonæ rationi nec naturæ rei magis conformis, nec enim fallere possunt, qui sunt optimi, nec communis omnium optimorum consensus unius hominis sententiæ postponendus, Sola itaque optimo,

morum imitatione & vel unius *Ciceronis* (nam multorum imitatio distrahit) optimum quidem in epistola scribenda characterem acquisiveris. Legi quidem alii possunt præter *Ciceronem* sed compositio epistolæ tota ad *Ciceronis* genium instituenda. De mutatione hac eiusque instituendis modis multi sunt libri conscripti. *Campianus, Viteranus, Sambucus, Doletus, Conradus* Libro de latina lingua diffusè hoc argumentum persecuti sunt. Multi quoque superiori seculo fuere, qui opere ipso talem imitationem professi sunt, quibus *Ciceronianorum* nomen datur, sed qui ob malam institutionem vapulant aliis. Contra quos præcipuè verò *Longolium Cicero-nianum* suum scripsit *Erasmus*, quem adorti sunt postea ex incolis plures *Ciceronianorum* defensores, inter quos *Julius Caesar Scaliger* & *Stephanus Doletus* acerbissimi, contra quem postériorem passim in scriptis suis *Florus Sabinus Italus* iterum declamat, qui *Erasmum* omnibus illis *Italis* præfert, ac *Doletum* ob causam

Ita-

Italorum susceptam vehementer perstringit, cui *Dolerus* acerbissimè iterum respondet, passim ut in omnia *Erasmi* Scripta ita in *Germanos* quosvis injurius. Confidenter enim magnaque audacia clamat, nullum è Germaniæ hypocautis hactenus prodiisse qui puro veræque latinitatis stylo uteretur. p. 38. *Consolatione maledictorum Flori Sabini*. *Longolium* vero ob ineptam imitationem multis exagitatum *Erasmo* omnibusque *Germanis* præfert. *Erasmi* adagia, vocat, *supervacaneum otiosi Senis laborem & surreptas omnium undique vigilias*. Sed potissima hujus Dissertationis pars in *Scommata & convitia* abit, ubi nullus est sincero judicio locus. *Erasmum* quidem ait, *motum ut calamus contra Longolium capefferet, ex eo, quod is quædam epistolâ Budeum illi prætulit*. sed quid causæ habuit *Manutius omnium Ciceronianorum Ciceronianissimus*, quod in eundem surrexerit *epistola quædam ad Sylvium scripta*. Eandem etiam in illa *κακοζήλια* reprehendit, quod certè non fe-

fecisset vir can didissimus, nisi rem ita se
habere accuratè observasset. *Et Doletus*
tamen ipse *libello de imitatione Cicero-*
nianum dicendum rectè existimat, non
qvi collectas aliquas ex Cicerone lo-
qvendi formulas passim & ubiqve in-
culcat, sed *qvi continua lectione illum*
concoxerit atque digesserit, qvalis certè
non fuit *Longolius*, licet illum excusa-
tum eat *Rogerus Aschanius epist. 1. ad*
Sturmium Manutii suffragii ferendi so-
cium h. e. ad Manutii sententiam acce-
dentem *omòfupov*. Consistit autem in
eo imitatio, *ut primo* eundem verborum
delectum habeamus, qvòd sit *crebra ob-*
servatione vocum, phrasium, translatio-
num omniumqve illorum qvæ eo perti-
nent, qvæ in re facem nobis præferre po-
terit *Strobaus libro elegantissimo de elo-*
cutione verborum. Spectant & huc o-
mnes illi autores qvi de Synonymis, de
epithetis, de antithetis & Adverbiis Ci-
ceronianis, item de Phrasibus scripsere;
Secundò imitatio consistit in sententia-
rum vi, copia, gravitate, decente usu;
Qvòd

Quòd ut obtineamus *Enchyremata oratoria*, *figuras*, *reliquaque artificia luculentius sceleretur*, ac autores qui illa docent, cognitos habeamus. *Tertiò* imitatio consistit in numeri Oratorii expressione cuius summum est in *Cicerone* artificium, quod eo diligentius à nobis perquirendum est, quo illud segnius à multis pertractatur. Ejus præcepta præter antiquos Rhetores *Ciceronem* ipsum *Aristotelem*, *Demetrium*, *Jovita Rapitius* singulari libro exposuit; *Sturmius* quoque peculiari libro de *Periodo*. Conferri quoque potest *Emanuel Thesaurus* libro de *arguta & ingeniosa elocutione*, *Lingua Italica* conscripto *quadraginta annorum opere*, *Dissertatione de figuris harmonicis*. Cum itaque crebra imitatione *Ciceronianum sermonem* exprimere didicimus, distinguere etiam *genera & characteres epistolici styli* debemus, de quibus multa in genere disputatio est apud Rhetores. *Græci*, præter *Aristotelem* multas *Ideas* orationis comminiscuntur, sed quas benè omnes ad *trium characterum* distin-

Etio-

tionem reduxeris, de quibus *Aristoteles* & *Cicero*. Illi *Asiaticum Atticum & Laconicum* dicendi genus, proponunt à populis certis ita ductum. Sed rectius dividemus in *circumductum, mediocre & concisum*, quæquam hæc *ratione formæ externa* divisio potius accipienda videtur *ratione scilicet periodorum*. *Ratione formæ interna* item dividi potest *dictio in sublimem, mediocrem & humilem*; Nec est quod *stylum omnem circumductum sublimem* putemus, quæquam deductio *periodorum* faciat ad *grandiloquentiam*: Sed potest etiam *stylus concisus* esse *sublimis* ob *splendorem verborum & sententiarum*, unde potissimum *sublimitas styli* dependet, quemadmodum *circumscripta dictio humilibus* tum *sententiis* potest esse *compacta*. *Styli sublimis epistolaris exempla* vide apud *Plinium Lib. V. epist. 16. Lib. II. X. epist. 17. Lib. V. epist. 6.* quibus facile observaveris, quam *periodis* etiam *brevioribus* possimus esse *sublimes*. Possunt verò *epistolæ* scribi pro
ratio-

ratione argumenti omnibus istis dicendi generibus siue *ratione formæ externæ* siue *ratione internæ* illa consideres. Ac omnium facilè invenies *exempla vel apud unum Ciceronem. Exemplum styli circumducti & sublimis*, ut ad oratoriam majestatem accedat *vid. Lib. I. epist. 1. ad Quintum Fratrem. Contra Stylus brevissimus est* exempli gratia *epistola 5. lib. XVI. ad familiares*, in qua nulla est sublimitas, nequè enim ea opus erat, cum de rebus familiaribus & domesticis ageret. *Mediocris styli* exempla tam ratione periodorum quam ratione dictionis reperies. *Lib. I. ad familiares epist. 8. item epist. 6.* Sed ut jam diximus, non potest esse tam accurata inter hæc genera distinctio, cum in uno argumento misceri illa possint, imo debeant. Unde etiam error illorum is est, qui *Virgilium in Eclogis humili, Georgicis mediocri, Libris Æneidos grandi* scripsisse stylo volunt. Sæpè enim vel in *Georgicis & Eclogis* ad majestatem quandam assurgit oratio, sæpè & in *Libris Æneidos* humili-
liter

liter serpit, quare mistura illa adhibenda est, ut cum *affectus moventur* vel *veementes* vel *lenes*, vel *extollatur* vel *imminuatur* oratio; in *descriptionibus*, *comparationibus* *crescat*, *jaceat* in *narrationibus simplicibus*. Atque hanc temperaturam in Oratione adhibendam esse res ipsa clamat, atque exemplis prolixè probat *Leo Alaius Libro de erroribus magnorum virorum in dicendo cap. 8. & 9.*

CAP. IV.

de

Numero & Periodis Epistole.



Appendix hæc prioris Capitis est; sequitur enim *dictionis naturam Periodorum mensura*. Grande namque Genus & circumductum periodos longiores, *Mediocre* mediocres, *Humile* humiles poscere videtur. Sed tamen illud cum distinctione intelligendum est; Nam, granditas orationis in *conciso sermone*

locum invenit, sed tum, si argumentum sit, cui conveniat granditas styli, atque aliquod concisum genus aliquis elegerit, prolixiores debent esse periodi in *oratione concisa* quam in epistola. Sic *oratio Plinii in Trajanum* conciso stylo scripta est, sed oratorio, qui convenit granditati argumenti. Contra vero cum in *circumducto genere* prolixiores habet periodos in oratione quam in epistolis, nisi forte & ipsa ad orationis naturam, accesserit. Sortitur itaque oratio periodos in unoquoque genere seu circumducto seu conciso, jam diffusiores jam contractiores prout argumenti ratio postulat, cujus intuitu & prolixitas & brevitās determinantur, ita ut in *circumducto stylo oratorio* periodi sint longissimi, in *circumducto stylo epistolico* breviores sint periodi; In *stylo conciso oratorio* breviores periodi sint, vel æquales stylo circumducto epistolico, diffusiores tamen quam in stylo epistolari conciso. Sed & hic temperatura observanda est, quæ in dictione ipsa est: neque enim
sem-

semper æqualis periodorum mensura est, sed breviores etiam interferi possunt, ab illo verò, quod potissimum est, dictionis mensura denominatur. Qua in re *Græcorum Sophistæ* vehementer errarunt, qui ad eò religiosi numerorum fuerunt observatores, ut putidum & affectatum eorum studium visum fuerit omnibus. *Latini* verò *Oratores*, præcipuè autem *Cicero*, ita sibi temperarunt. ut non tota eorum oratio in numeris constaret, sed numeros non aspernari aut negligere visa fuerint. Si ad descriptionem epistolarem respicimus ita de ea *Quintilianus Lib. 9. c. 4.* Est, inquit, oratio alia *vincula ac contexta*, soluta alia, qualis in sermone & epistolis. Ubi *vinculam* orationem vocat numerosam solutam numeris destitutam, quibus carere dicit sermonem i. e. dialogum & epistolas. Quibus omnem numerosam dictionem adimere hoc suo iudicio videtur; Sed addit statim, nisi cum aliquid supra suam trahant naturam; Atque tum multa cum stylo oratorio communia habent.

Solutam verò ita vult epistolam, ut potius laxiora vincula in his sint quam nulla. Quoniam verò non fluit, nec cohaeret, nec verba de verbis trahit, aut membra sibi subordinat, Oratorum more, *Soluta oratio* epistola illi vocatur, quae utitur in *epistolis* illis *familiaribus*, vel *iis* potius quas *domesticas* appellat *Cicero*, quarum exemplum ex *epist. 5. Lib. XVI.* supra dedimus. In hoc *familiari* epistolarum genere stylus solutus ac planè compositione periodica carens scribitur à *Cicerone* in *epistolis ad Atticum*, & in, ea quam ad *Tironem* scripsit superius nobis citata, cum possit unius vel alterius interpositione compositam facere periodum. Sic illa ad *Tironem* epistolae tres periodi initiales unâ facillime possunt comprehendi. *Cicero ita, vide quanta in te sit suavitas. Duas horas Thyraei fuimus: Xenomenes hospes te diliget, quam si vixisset tecum. Facile haec in unam periodum commutat. Tanta est in te suavitas, ut cum duas horas tantum Thyraei fuimus, te tamen Xenomenes*

nes hospes tam diligat, quam si vixisset tecum. Quæ conjunctio membrorum fit per aliquas tantum particulas. Sic epistola ultima Lib. XV. ad famil: Et epistolam tuam non legi libenter & librum libentissimè sed tamen in ea voluptate hunc accepi dolorem, quod &c. Quæ etsi dissolutæ sint, tamen ita cohærere possunt: csi epistolam tuam legi libenter & librum libentissimè, tamen in ea voluptate hunc accepi dolorem, &c. Idem verò Cicero qui hic & aliis locis concisus est, alibi prolixior est per crebras parentheses, quibus interdum vel membra vel periodi interceptæ sunt, e. g. in principio epistolæ 12. lib. 6. ad famil. & epist. 10. lib. 15. ubi, parenthesi longa interjecta, ita turbat periodum ut resumere principium periodi illi necessum fuerit. Quando id accidit, quod mihi maximè fuerit optatum, ut omnium Marcellorum, Marcellinorum etiam (mirificus enim generis ac nominis fuit erga me semper animus) quando ergo ita accidit ut omnium vestro studio tuus consulares satisfacere possit.

Sed evitari hæc repetitio facile quidem potuisset, si ita periodum formasset; *Ut omnium Marcellorum, Marcellinorum etiam (mirificus enim generis ac nominis vestri fuit erga me semper animus) omnium denique vestrum studio &c.* Sed crebræ tales parentheses sunt apud Cicero-
nem, quæ fortassis arguunt scriptionem extemporalem, cum levi negotio aliter potuissent informari periodi, & parum gratiæ habent, ubi de rebus domesticis & familiaribus scribitur. Ita in *epistola quadam ad Brutum Cicero ubi pene λει-
σταλίζειν* videtur: *Breves tuæ literæ, breves dico? imo nullæ. Tribusne versicu-
lis Brutus ad me? Nihil scripsissem potius. Et requiris meas, quasi unquam ad te tuo-
rum sine meis venit.* Hæc ut rectè Hen-
ricus Stephani ex consuetudine quoti-
diana sermonis dicta sunt, non tamen ita abrupta, ut non integra quis suspica-
ri possit; plana enim sunt omnia, sed pla-
nè pendent *Veneres*, si hanc sermonis fa-
ciem illi exuas: *Breves tuæ literæ fuerunt
& quas non breves sed nullas merito fuis-
se*

se dixerim. Ac mirari certè non possum, quid tibi in mentem venerit, ut his temporibus tres versiculos ad me scribere contentus fueris? Nam ego si tuo loco fuisset, nullasquam tam breves literas scribere maluissem. Sed tu visissimum officium litterarum à me requiris? Est scilicet cur hoc à te requiratur, cum neminem ad te tuorum sine meis venire passus sim. Exigua est huic laxiori sermoni gratia, Nam & affectus perit postulationis per interrogationis figuram à Cicerone institutam. Deinde res sunt exiguae & familiares, in quibus inepta est tanta circumlocutio & quibus domestica illa dicendi forma ad fermoc' nationis naturam accedens, longe est ac commodatior & brevitatem in illa præscribit. Contra prolixior interdum Cicero est periodis, credo ne negligentia aliqua ultra triginta lineis continuata ut ep. 9. lib. 11. ad famil. ab illis verbis: Ego si ab improbis & perditis civibus rempublicam teneri viderem, usq; dignitatem aggregasse, quæ continua est periodis & pene ratione. Circumscriptæ episto-

le exemplum vid. *Lib. 5. epist. 16. ad fami-*
liam quam in concisum stylum transfor-

mavit. *Masenius in palestra styli Roma-*
ni lib. 2. c. 12. Idem *Masenius eodem in*
loco epistolam 3. *Plinii lib. 2.* in stylum
 Ciceronianum transtulit. *Idem Lipsii*
 quandam epistolam & *Puteani eodem in*
loco examinat secundum differentias
 periodorum. Atque hæc sunt ferè quæ
 ad stylum, formam dictionis epistolarem
 tam internam quam externam pertinere
 videntur. Sed inest tamen ingeniis sin-

gulis, quemadmodum vultibus, aliquid
 immutabile, quod ita ejus naturæ pro-

prium est ut in scribendo etiam appa-

reat. Hinc, non absurdus est Auctor il-

le *Italus Camilius Ballus Philosophus Be-*
noniensis, qui erudito libello *Italicè scri-*
pto de ratione cognoscendi mores & qua-
litates scribentis ex ipsius epistola elegan-

ter differuit, qui in latinam linguam
 conversus est, curante *Petro Filio*, scili-

cet in illo libro tam ex charactere epistolæ
 quam ex verbis, phrasibus, translationi-

bus, periodis, distinctione & interpunctio-

ne,

ne, oribographia, mala vel bona scriptura, de natura, moribus corporis, animi proprietatibus divinitatem quandam insituere docet. Ejus principia quamquam sint conjecturalia, non tamen omnino sunt rejicienda, cum fundentur in illis fundamentis è quibus de ingenio hominis judicari potest. Est enim character animi epistola teste Demetrio, ac Victorius in eum ita judicat: Est verò epistolaris stylus ideò accommodatio huic divinationi quia familiaris est, ac affectus nostros clarius perspicendos exhibet; ac tales epistolæ magis huic rei idoneæ sunt quam quæ singulari artificio ad Viros illustres scribuntur. Nec fuit is primus qui in hanc divinationem cogitationes convertit, sed tum jam à Rabinis aliqua ejus artis fuisse præcepta subministrata, alicubi ipse legi. Dissertit etiam, ibi prolixius de natura Linguarum & pronunciationis pro variatione locorum, aliam esse hominibus in locis sylvestribus, aliam in montanis, aliam in arenosis & humidis viventibus. Sic observat homines in

frigido aëre viventes voces abscindere, contrahere paucis vocalibus multis consonantibus. Contra verò qui in calidis habitant, voces dilatare, aperto gutture loqui voce sonora. Illud verò ridiculum est quod in Germanica lingua tot monosyllaba reperiri existimat, quia gens illa multum bibat,

CAP. V.

De

Epistolis Familiaribus earundemque conscribendarum ratione.

Dixi aliam esse faciem epistolæ familiaris, vel potius *Miscellanæ* quæ promiscua argumenta habet, quam earum quæ ad certum aliquod genus pertinentes *Enthymematis Oratoris* utuntur. In iis enim character multum ex Oratorio assumit, numeros suos habet & periodos. Verum hoc epistolæ Genus; quod

NON

non multum à *Sermocinatione* distat, ea omnia respuit, nec pompam ullam ostendit, admittit *omnis generis vocabula & phrasas* sed tamen latinas, non barbaras, non triviales, nam & aliquis vocum delectus esse potest, modo non sint ambitiosæ vel translationibus longè petitis audaces. *Electæ* verò *voces*, *adagia* etiam nonnunquam, *Versus integri vel casti*, *vocabula Græca emphaticotera* inspergi possunt, nam & illa inter *sermocinandum* sæpè incidere solent, *Mythologica Ritus*, *antiquitates*, immisceri possunt, si ad eruditos scribatur; sed attingenda ea verbulo sunt, non diffundenda, præferenda etiam notiora ignotis, nec sunt illa omnia singulis lineis aut periodis cumulanda. *Cacoëthes* enim est illorum, qui ex meris *proverbiis Græcis, Latinis*, tam solutæ quam ligatæ orationis velut versiculore aliquo panno vestem orationis distinguunt; ita enim nulla est ejus rei futura gratia. *Facipuri & opportuni* magnam etiam hic gratiam conciliant, nam inter virtutes epistolæ est, *Ur-*

banitas Ciceroni magnopere laudata, & quæ ipse passim utitur. Inepti sunt, qui in epistolis miscellanei argumenti Rhetorica artificia quærunt, aut illas orationis partes. *Tu modo vide ut membra cohibeant, atque ordine aliquo rerum connectantur*, atque sic satis benè ordinatam habebis epistolam familiarem. Neque enim hic utendum formulis illis Oratoribus usitatis, quibus ab argumentis ad argumenta transeunt. *Præfige tibi scribenda, nullo ordine, id tantum observa quæ inter illa sibi vicinitate quadam respondeant*; Unde connectendi ratio facili tibi invenitur. Ea in re utilis esse potest, qui à *Jacobo Hugues* scriptus est *de artificio transitionum liber* elegans planè & aureus. Brevitas in hoc epistolarum genere præcipuè sectanda, citra ullam membrorum & periodorum curam singularem, vide tamen ne abrupta sit, & cum brevius, quam par est, abrumpitur, sequentibus periodis aliqua prioris periodi pars repetit necessum sit. *Ταυτολογία* enim & obscuritatis vitium stylo bre-

breviori facile accidit, si connexio scribendorum non statim succurrit, una vel altera interposita periodus viam quasi sternere potest. Nos praxin ipsam tentabimus:

Exemplum 1. Epistolæ Miscellaneæ.

a. scribenda:

1. *Excusat intermissionem litterarum.* 2. *Gratulatur de dignitate Senatoria,* 3. *Nunciat morbum fratris remisisse,* 4. *Gratias agit pro transmissis libris,* 5. *Consultat de visenda Academia,* 6. *Nunciat transitum ter mille equitum,* 7. *Rogat ut litteras suas Responsione dignetur.*

b. Connexio.

1. *Discipuli ad te scribere deficiente argumento,*

2. *Nunc, simul te in ordinem Senatorium cooptatum esse comperi, affectus gaudii erumpit in epistola.* Apprecor igitur &c.

3. Atque ut perfectius sit meum gaudium, accedit, quod frater cum valetudine redierit in gratiam.

4. Et nunc communiter utimur tua benevolentia, quam missis illis libris exhibuisti.

5. Roboro me ex illis indies velut qui bellum meditantur; Erit enim, ni fallor, hoc vere in Academia quadam cum illustribus ingeniis decernendum. Sed in qua? tuum est definire, cum securitas minuatur in horas.

6. Equites illi, qui his diebus transierunt, arguunt musarum sedem alicubi iri desertum.

7. Quare ut quid sentias, citius sciam, noli remorari responsum. Vale.

Exemplum II.

a. scribenda:

1. Commendat Filium suum Doctori Academiae, 2. De Licentia Academicorum Germanicorum conquiratur, 3. Nunciat Belgarum victoriam in Gal-

Gallos, 4. Ferrum laudat, 5. Jacturam navis amici sui nunciat, 6. Agriculturam laudat, 7. Laudat homines suos domesticos, 8. Petit ut mutuo det aliquam pecuniæ summam, 9. Petit ut filia sua de Marito prospiciat.

b, Connexio.

1. Abit ad Vos Filius meus è manu patris in tuam ceu Parentis adoptivi, è privatis umbris in vestræ Academiae lucum, è domesticis carceribus, in studiorum liberiores campum.

2. Exspatiabitur in illum sed te Duce: libertatem enim liberalium artium, quas libere spirare patitur Libertas Germanica laudo, atque Germanicorum morum filium volo, sed tamen ita, ne libertas abeat in licentiam. Fruatur ille Academico otio, in loco hætenus tranquillo & quamdiu publicam salutem non turbat Gallus. Quare vereor ne hæc res in nervum prorumpat denique: Qui enim fieri aliter potest, cum nos compressis manibus sedemus & otiosi sumus

in hoc theatro spectatores. Actum de nobis est, nisi Θεός ἐπαρχανς & utina tandem arma jungant cum Cæsare, qui eodem foedere junguntur Principes.

3. Et sperandum videtur, cum insignis illa Belgarum in Gallos victoria, animum illis addere possit.

4. Vides jam ferrea ista secula, quæ non temporis titulum, sed istos animos occupant, ferrea pectora, ferrea ora, ferreæ frontes, omnia ferrea. Neque enim metallum hoc noxium est, sed animi hominum illud laudabile & hominum necessitati sublevandæ natum. Sed tolle aurum illud ferro longe nocentius, quo nostra militant secula & mutabuntur facile enses in falces & aratra. Quis jam non aurum quærit & ut habeat illud ferri ministerio utitur. Quis non divitias sectatur per tot pericula tam terra quam mari, quæ tamen facile pereunt.

5. Habeo præsens ejus rei documentum; Navis enim nostri amici cum ingentibus opibus submersa, uno momen-

to omnium nostræ Civitatis ditissimum
fecit pauperrimum.

6. Quare ut impune ista spernere pos-
sim pericula aurum ex agello meo eruo,
quem diligenter inter musarum otia
colo.

7. Et habeo homines domesticos di-
ligentissimos, quorum opere feliciter u-
tor, cum quibus libentius olus prandeo,
quam cum Regibus omnes ingeniosæ
gulæ delicias.

8. Summa quidem hic frugalitate vi-
vo. Sed defunt interdum necessaria
subsidia, quibus tu succurris, si mutuo
dederis &c.

9. Accedit præterea magnum onus
domesticum filia nubilis, quam si com-
mendare viro probò possis, magnam à me
gratiam iniveris.

Exemplum III.

a, scribenda:

Nunciat, 1. Reginam Polonia de-
functam, 2. Novas sibi comparasse
v6-

vestes, 3. Magnam salis inopiam esse in Livonia, 4. Cavem relictam catulos peperisse, 5. Turcam arma moliturum contra Polonos, 6. Nuper Vicini sui domum corruisse, 7. Nullum opificium sordidius esse sutorio.

b, Connexio.

2. Parum novi hæc tibi scribit epistola, nisi quod (si scire operæ pretium est) nova & splendida veste nunc induor, & quidem in publico luctu.

1. Pullo enim habitu incedit Polonia ob Reginæ mortem.

5. Et quidem hæc domi nascitur calamitas, quæ rarò sola esse solet, nam & foris periculum à Turcico illo cane imminere creditur. Apparatus magni, numerosus miles conscribitur, qui nunquam in fœcunda hac natione deficit.

4. Nec minor carum illorum fertilitas est, quam tuæ canis, quæ uno partu septem catulos peperit.

3. Occupabunt Barbarorum istorum incursiones segetes, tollent commercia

& majori quam hactenus salis inopia prementur Livoni, cum ad illos hinc transferre nequeunt. Taceo urbium direptiones & devastationes prædiorum & domuum everfiones perpetua bellorum tam atrocium incommoda. Nec erit hæc tam fundi nostri quam illorum quæ fundo inædificantur calamitas.

6. Cui calamitati, metuo, ne infauslo suo omini præludat vicini nostri nuper domus exstructa, quam insolita & inaudita tempestas una cum aliis prostravit.

7. Et hujus quidem infelicitatem doleo, mihi autem gratulor, de sutoria officina destructa quæ musis meis nimium vicina mephthico illas habitu afflabat.

Exemplum IV.

a, scribenda.

1. *Exprobat intermissionem literarum.* 2. *Consolatur de filio amisso.* 3. *Deditionem urbis nunciat.* 4. *Suadet ne dedignetur oblatam Ludi Magistri spartam accipere.*

b, Con-

b, Connexio.

1. Parcus fuisti literarum sed in promptu tibi esse excusationem benè novi. Absque hoc enim si fuisset exequias i-
vissem amicitiae nostrae, quas de tuo fi-
liolo.

2. Scias autem mortuis deberi tan-
tum memoriam, viventibus atque ami-
ciscuram & Filius tuus (*inferantur ar-
gumenta consolatoria nec minus vulga-
ria, nec nimis nota*) habent & alii, quod
doleant sæpè tamen rariora.

3. Quo enim credas animo urbem tam
præclaram deditionem conditionibus
fatis duris tolerare. Puta multos, qui-
bus fixum vitæ genus non est, durius se
habere. Vides tempora & sortem ho-
minum variam.

4. Tu igitur non detrectabis honori-
ficum Rectoris munus subire quod of-
fertur in urbe primaria. Est enim illud
&c. *collaudetur munus Ludimagistri.*

Exem.

Exemplum V.

a, scribenda.

1. Incusat *literarum prolixitatem*.
 2. Laudat *Astronomiam*. 3. Nunciat
magnum Principem defecisse de patriæ
religione. 4. *Medicinam & Gymiam*
extollit. 5. *SVadet ne in bellum eat*.
 6. *Gratulatur de Gradu Doctorali in*
Jurisprudentia acquisito. 7. *Petit, ut*
per ejus absentiam, suam Bibliothecam
sibi patere patiatur.

b, Connexio.

1. Libenter alias sumo literas tuas, sed
 hac vice nimia verbositate mihi turba-
 runt Circulos.

2. Planè enim operabor in archidivi-
 na *Astronomia* & illa potissimum parte,
 quæ *Ecclipses* competat. Pleraqve re-
 spondebant calculo, etiam in iis, quæ ex
 elapsis reassumebant.

3. Sed in unius sideris *ecclipsi* deficie-
 bat. Miror id non prævidisse saga issi-
 mos *Astrologos* nec venisse sub artem.

4. Pu-

4. Pudet igitur me inertis huius artis & ab tempore magis cogitavi de certioribus Medicina & Gymnia.

7. Quæ studia multum sublevabit Bibliotheca, quam mihi patere fac velis.

5. Quod enim tu mihi autor eras ad vitam militarem, illud ex parte tantum placet. Etenim & Medici ut idem cavillantur homines impunè jugulant, & cum carbonibus, nitro, sulphure & Gymnicis quotidiè res est.

6. Et cur tu aliam viam egisti, nuperque Doctoralem Lauream, de quo gratulor, admisisti. Certè & ii homines lingua jugulant & hostes imo amicos spoliant. Tu verò noveris eloquentiam ad hominum salutem datam non debere in eorum perniciem conferri.

Patet ex his exemplis quomodo *Epistolæ Miscellaneæ* sint scribendæ, in quibus nulla est adeo artis Rhetoricæ observatio. In cæteris epistolis, quæ ad certum aliquod Genus causarum referri solent, argumenta sive enthymemata ex iis Locis debent peti, quæ præscripsit in
Rhe.

Rhetoricis *Aristoteles* & quæ in singulis
Generibus ex Aristotele ostendit, *Christo-*
phorus Schraderus in Disputationibus
Epistolicis. Nos verò hic prætermitte-
 mus illa resumpturi cum in *Parte Spe-*
ciali exempla proposituri sumus. Indi-
 cabimus enim in appositis exemplis quæ
 & ex quibus *Locis enthymemata* petenda
 sint idoneæ materiæ, de qua scribendum
 est.

C A P. VI.

De

Locis Communibus Epi- *stolaribus.*



Um nulla sit Doctrinæ alicu-
 us pars quæ non *lectione* con-
 stet & *usu*, illa verò haberi
 non possit nisi accommodata
 operi habeamus instrumenta; quæ dili-
 genter observanda ac labore & industria
 quadam recolligenda sint, ita & in hoc
studio epistolico fieri æquum est. Hoc
 enim cum præcipuè *imitatione* constet,
 imi-

imitatio requirat *exempla*, illa vero *lectio* subministret; *Lectio* autem nos sæpè ob varietatem rerum & memoriæ angustiam fallat, operæ precium sanè fecerimus, si *libellos* quosdam *excerptorios*, quos *Locos Communes* vocant, in consilium adhibeamus. *Excerpta* itaque duplicis generis sunt: *Materiarum* & *Formularum*. *Excerpta Materiarum*, ita disponantur: 1. *Fiant Tituli secundum causarum Genera*, 2. *unicuique generi speciales Tituli subjiciantur*. Sic ad *Genus Deliberativum* pertinent *Hortatoria*, *Petitoria*, *suasoria*, *Communicatorie*, *Consolatoria*, *Officiosa*, &c. Ad *Genus Demonstrativum*, *Gratulatoria*, *Laudatoria*, *Reprebensoria*, *Gratiarum actionaria*, *Dedicatoria* &c. Ad *Genus Judiciale*, *Expostulatoria*, *Querula*, *Indignatoria*, *Commendatoria*. Ergo e.g. si seligatur epistola *Gratulatoria*, consigna sub illo titulo primum epistolas, quæ ejus argumenti apud Ciceronem occurrunt. Si accuratius procedere velis, separa cætera argumenta publica à privatis

vatis & domesticis, & facile etiam invenies, licet confuderis. Sub hoc *Gratulatoriarum* genere jam collegit *Melchior Junius* in *Scholis suis epistolaribus* quæ inveniuntur apud *Ciceronem* exempla. His tu adde quæ ex *Plinio* aut *Recentioribus*, addi possunt. 1. *Gratulatorie*,

De recuperata valetudine apud *Muretum* Lib. I. epist. 43. 54. 56. item Lib. 3. ep. 16.

De Genere bono apud *Plinium* Lib. VI. epist. 76.

De uxore bona apud eundem Lib. IV. epist. 19.

De otio senectutis apud eundem Lib. II. epist. 23.

De cura via *Æmilia* demandata apud eundem Lib. V. ep. 50.

De Discipulorum profectu apud eundem Lib. VI. epist. 12.

De valetudine recuperata ad *Cardinalem Richelium* *Balzacius* in epistolis selectis latinis pag. 216.

De emptâ domo *Muretus* Lib. III. ep. 34.

De Discipuli in studio eloquentiae profectu Muretus Lib. III. 43.

De dignitate Cardinalitia Manutius Lib. I. ep. 1.

De Episcopatu Lib. I. epist. 2.

De Legatione Anthonio Augusto delata, veritus ne bonæ literæ ejus absentia jacturam faciant, Manutius Lib. II. epist. 9. de reditu ad eundem. Manutius Lib. II. epist. 10.

Amico de publico status felicitate Idem Lib. III. ep. 22.

De Magistratu Franz. Modius ep. 16.

De officio Scholastico, Modius ep. 41.

De discessu in alium locum cum adjungenda querela, Acidalius ep. 39. & 40.

Responsionum exempla ad Gratulatorias.

Ad Gratulationem de recuperata in urbe dignitate & novis nuptiis Cicero Lib. IV. epist. 14. de honoribus Cicero Lib. IIX. ep. 6. de auguratus dignitate Plinius Lib. IV. epist. 8. De deposita dicendi provincia Muretus lib. I. ep. 48.

(2) *Gratiarum actio.*

Exempla Ciceroniana collecta vide
apud *Melchiores Junium*. De commo-
dato Libro *Acidalius ep. 4*. De Monstra-
ta ad eloquentiam via *Muretus lib. III.*
epist. 42. Pro beneficiis præstitis *Muretus*
lib. III. ep. 83. Pro eo quod humanissime
se acceperit *lib. III. ep. 25*. Pro præpositis
beneficiis, *idem ep. 43*. Pro munere misso
idem lib. I. epist. 90. Pro causa amici dili-
genter acta, *idem lib. I. epist. 96*. Pro com-
mendatione *Acidalius epist. 5. & 7*. De
munere pro dedicatione Libelli *Acida-*
lius epist. 77. Pro receptione in amicitia-
m, *Acidalius ep. 22. & 56*. Pro literis re-
cècuratis *Acidalius ep. 25*. Pro Turdis
missis *Plinius lib. 5. epist. 3*. Pro liberto in
gratiam recepto *Plinius lib. 9. ep. 24*. Pro
laudatione in libro aliquo *Plinius lib. 9.*
epist. 31. Pro literis ad se scriptis *Manu-*
rius lib. I. ep. 3. Pro honorifica sui mentio-
ne ad Cardinalem *idem lib. II. ep. 12*. Pro
laudibus in se collatis *Manutius lib. II.*
epist. 12. Pro munere misso *idem lib. II. ep.*

15. & 26. Pro conservatione sua in officio. *Idem lib. III. ep. 1.* Pro æquo judicio *idem lib. I. ep. 3.* Pro consolatione *idem lib. III. ep. 43 lib. IV. ep. 1.* Pro salutatione *idem lib. IV. epist. 2.*

Responsiones ad Gratiarum actiones.

Exempla vide apud *Ciceronem lib. II. epist. 18. lib. V. epist. 11. lib. X. ep. 19. Muretum ep. 77. & 91. lib. III. p. 26, 34, 84.*

(3) Laudatoria.

Nonnificum aliis mixta extant apud *Ciceronem* quæ vide apud *Plinium*. Laus *Æliani* à parentum splendore, pulchritudine, honoribus, divitiis *Plinius lib. I. ep. 14.* Laus *Pompeji Saturnini* ab acuminis in causis agendis à versuum & epistolarum elegantia *Plinius lib. I. ep. 16.* Laus *Bythinii* quod amico statuum posuerit *Plinius lib. I. ep. 16.* Laus *Philosophiæ* *Plinius lib. I. epist. 10.* Laus *Athsenodori* *Plinius lib. III. ep. 11.* Laus magnificentiæ in extruenda porticu *Plinius lib. V. epist. 12.* Laus studii Theologici *Muretus lib. III. epist.*

epist. 42. Laus Tragœdiæ *Muretus lib. III.*
epist. 50. Laus Versuum elegantissimorum *Muretus lib. III. ep. 67. lib. I. epist. 93.*
Orationum Muretus lib. I. 56. operis ab aliquo scripti Muretus lib. I. ep. 97. Petri Bembi idem lib. II. ep. 11. Nizolii Manutius lib. II. epist. 4. Adolescentis ingenui & eruditi Manutius lib. IV. ep. 14. Consiliarii à probitate & eloquentia Manutius lib. IV. epist. 4. Juris Consulti quod Philosophiam studiis suis junxerit Manutius lib. IV. ep. 5.

Responsoria ad Laudatorias.

Vide *Muretum lib. III. epist. 1, 2, 12, 28. lib. I. epist. 31, 97. Plinium lib. III. ep. 11. Modicum epist. 93. Putcanum in promulsione ad laudem eloquentiae, uti & lib. II. epist. 4. & 23. Balzacus lib. I. ep. 1. ubi respondet ad laudes à Poeta quodam sibi tributas quæ epistola est perelegans.*

(4) *Epistola reprehensoria.*

Exempla Ciceroniana vide apud *Melchiorum Junium.*

(5) *Epistola Conciliatoria.*

Exempla Ciceroniana vide *apud Junium, Muretum*, ubi non paucæ extant adscriptæ ut *Alexandri Justiniani lib. I. epist. 14. Andreæ Duditii lib. I. epist. 68. Truterii lib. I. ep. 25. Canterii lib. I. epist. 42. Chytræi lib. I. epist. 80. Giphanii lib. I. epist. 73.*

Responsionis ad Conciliatorias.

Exempla *apud Muretum lib. II. ep. 27. lib. I. ep. 15. lib. II. ep. 33.* extant.

(6) *Dedicatoria Epistole.*

Exempla Ciceroniana habet *Junius. Puteani* exempla uno Volumine congesta sunt & prodierunt sub Titulo: *Pompe Prossphonetica.* Exempla alia singularia *apud Autores* occurrentia seorsim notentur.

(7) *Epistola Commentatoria.*

Exempla Ciceroniana vide *apud Junium, Muretum lib. I. ep. 11, 19, 44, 45, 48. lib. III. epist. 90. lib. I. epist. 67. 68. lib. IV. epist. 6. Commendatio ad locum vacan- tem Muretus lib. III. epist. 58. Commenda- tio ad consequendum debitum Manu- tius lib. I. epist. 29.*

Re-

Responsoria.

a, quando commendanti Amico gratificamur Ciceroniana habet Junius vid. *Plinium lib. VI. epist. 12. epist. 9. lib. IV. epist. 17. Muretum lib. I. ep. 49. Manutium lib. II. ep. 20.*

b, quando non gratificamur exempla apud *Ciceronem lib. X. epist. 12.* ubi se excusat Planeo quod ei in Consulatus petitione non adfuerit in aliis rebus sua illi officia deferens.

(8) *Hortatoria.*

Ciceroniana habet Junius, ad comparandam per studia immortalitatem *Plinius lib. I. epist. 3* ad studium & venationem *Plinius lib. I. ep. 6.* ad gratitudinem & modestiam *Plinius lib. I. ep. 19.* ad audiendum Rhetorem Nisæum *Plinius lib. II. epist. 3.* ad adeundam hæreditatem paternam *Plinius lib. II. ep. 4.* ad editionem versuum *Plinius lib. II. epist. 10.* ad temperantiam in morbo *Plinius lib. III. epist. 12.* ad opus aliquod perficiendum *Plinius lib. III. epist. 7.* ad studium literarum *Plinius*

ninus lib. IV. ep. 16. ad publicationem scripti
rum Plinius lib. V. ep. 11. ad reditum
 in urbem *Plinius lib. VII. ep. 3.* ad descri-
 bendum bellum Dacicum *Plinius lib. II X.*
epist. 3. ad Maximum ut Civitates Acha-
 jæ humaniter tractet. *Plinius lib. II X. ep.*
24. ad editionem scripti *Plinius lib. IX.*
epist. 1. ad indulgentiam erga Filium *Pli-*
ninus lib. IX. ep. 12. ad divulgandas episto-
 las *Muretus lib. I. ep. 30, 53.* ad studia co-
 lenda *Muretus lib. I. ep. 58, 59, 60, 61.* ad
 conversationem cum bonis *Muretus lib.*
L. epist. 62. ut bono ingenio rectè utatur
Muretus lib. I. ep. 63. ad jungendam Poë-
 sin cum literis gravioribus *Muretus lib. I.*
epist. 93. ad suscipiendum munus Eccle-
 siasticum *Muretus lib. I. epist. 86.* ad Græ-
 cos autores legendos *Muretus lib. I. epist.*
94. de contemnendis obtreſſatoribus
lib. II ep. 8 ad pertexendum opus *Mure-*
tus lib. III epist. 41, 68, 74. ad eloquentiam
Manutius lib. I ep. 4, 10, 11. ad opus perfici-
 endum *Manutius lib. II. epist. 6, 9, 21, 24.* ad
 judicæ colenda *Manutius lib. II. epist. 30,*
31. lib. III. epist. 2. ad studia cum amore di-
 vino

vino jungenda *Manutius lib. IV. epist. 7.*
ad curandam valetudinem *Manutius*
lib. I. epist. 9 lib III. ep 7.

Responsoria.

a, cum assentimur, exempla vide apud
Plinium lib. I. epist. I. lib. II ep. 19. Muretum
lib I. ep. I. Manutium lib. II. epist. 5. lib. III.
epist. 55.

b, quando recusamus exempla apud
Ciceronem lib. V. ep. 15. Plinium ep. 6. lib. I.
& lib. IX. ep. 10. Manutium lib. I. epist. 5.
lib. III. ep. 40.

(9) *Suasoria.*

Hæ potissimam partem cum hortato-
riis conveniunt. Ad aliam alicui de-
spondendam *Plinius lib. I. epist. 14.* ad fi-
liam alicui in disciplinam dandam *Pli-*
nius lib. III. ep 3. ad Poetas legendos sed
versus non scribendos *Muretus lib. I.*
ep. 65 ad communicationem faciendam
Muretus lib I. ep. 31. ut librum edat. *Ma-*
nutius lib. II. ep. 18.

(10) *Diffuasoria.*

Exempla *Ciceroniana* vide apud Ju-
E 5 nium.

nium. Loci mutationem & otium dis-
svadet Socrates *Mureto lib. III. ep. 32.*

Responsoria.

Vide exempla apud *Ciceronem lib. IV. epist. II. lib. XI. ep. 29.*

(II) *Petitoria.*

Exempla *Ciceroniana* vide apud *Ju-
nium*. Pro comparando Libro *Plinius
lib. I. ep. 24.* pro comparando Pædagogo
Plinius lib. IV. epist. 15. pro depingendis
imaginibus *Plinius lib. IV. ep. 28.* ut Ro-
mam veniat *Plinius lib. VI. ep. 6.* ut in gra-
tiam aliquem recipiat, *Plinius lib. IX.
ep. 21.* ut se alicui excuset & commendet.
Muretus lib. I. epist. 34. ut versus aliquot
conscribat *Muretus lib. I. ep. 38.* Nationes
Germaniæ ut Bataviam veniat ad do-
cendum jus *lib. II. ep. 75.* De annuis pen-
sionibus justo tempore solvendis *Mure-
tus lib. I. ep. 84.* De libro aliquo emendo
Muretus lib. II. ep. 3, 39. De communica-
tione quarundam antiquitatum *Manu-
rius lib. II. ep. 7.* pro typis fundendis *Ma-
xutius lib. II. ep. 32.* ut Librum aliquem
describi curet, *lib. III. epist. 4.* ut opus ali-
quod

quod perficiat *lib. III. ep. 9, 10.* ut gratuletur amico de conditione.

Responsoria.

a, cum petito locum damus, exempla vide apud *Plinium lib. I. ep. 8.* ad petitionem de scriptis mittendis *lib. I. epist. 14.* ad petitionem ut filiam fratris despondeat *lib. II. epist. 18.* de Pædagogo quærendo *lib. III. ep. 8. & 12.* se venturum ad cœnam. *lib. III. epist. 15.* de emendatione versuum *lib. IV. epist. 1.* de reditu in patriam *Manutius lib. II. ep. 41.* Se Parmam venturum *Manutius lib. II. ep. 16.* ejusdem argumenti *lib. II. ep. 13.*

b, cum non damus, exempla vide apud *Plinium lib. I. ep. 7. lib. II. ep. 12.* *Muretum lib. III. epist. 76.* qua declinat vocationem Batavicam, vide & epistolam sequentem & *lib. I. ep. 26.* ubi se excusat de conditione quam invenire non possit. *lib. I. epist. 39.* Excusat se de non scriptis Versibus *lib. I. ep. 66.* recusat vocationem Regis poloniæ *Muretus lib. I. ep. 81.*

(12) *Communicatoria.*

Exempla *Ciceroniana* habet *Junius.*

De oratione vulganda *Plinius lib. I. epist.*
 20. de oratione publicanda *Plinius lib.*
II ep. 19. de advocacyne qvadam susci-
 pienda *lib. III. epist. 4.* de prædiis vicinis
 emendis *lib. III ep. 19.* de Poena vel abso-
 lutione qvorundam *lib. IX. ep. 14.* de libro
 dedicando *Muretus lib. I. ep. 8.* de Loco-
 rum qvorundam intellectu apud Ari-
 stotelem *Muretus lib. I. epist. 40.*

Responsoria.

Plinius lib. I. ep. 23. de causis qvibus-
 dam agendis *lib. VI. ep. 27. lib. VII. ep. 18.*
 de pecunia custodienda *Muretus lib. I.*
epist. 34.

(13) *Consolatoria.*

Exempla *Ciceroniana* vide apud
Junium. In obitu Amici *Lypsius Cen-*
tur. III. ep. 5 *Centur. V. Misc. epist. 100.*
 in obitu aviæ *Lypsius Centur. III. ad*
Belgas ep. 26. In obitu Filiæ *Lypsius*
Centur. IV. Miscell. ep. 29. Filii, cen-
 turia singulari ad Germanos *epist. 2.*
Centur. II. ad Belgas epist. 28. Centur.
III.

III. ad Belgas epist. 5. Fratris, *Lypsius*
Cent. V. Miscell. epist. 29. 80. Generi,
Lypsius Cent. V. Miscell. ep. 80. Matris
Lypsius Centur. III. ad Belgas epist. 5.
Cent. V. Miscell. ep. 72. Nepotis *Lypsius*
Centur. V. Miscell. epist. 97. Patris *Ly-*
psius Centur. V. Miscell. epist. 6, 20, 32.
Centur. III. ad Belgas ep. 33. Centur.
IV. Miscell. epist. 48. Sororis *Lypsius*
Centur. IV. Miscell. ep. 39. Soceri *Cent.*
IV. Miscell. epist. 48. Uxoris, *Lypsius*
Cent. I. epist. 67. Cent. ad Belgas epist.
19. Cent. V. ad Belgas ep. 21. Centur. IV.
Misc. ep. 21. In rebus adversis *Lypsius*
Cent. I. ep. 51, 81. 86. Cent. II. ep. 4. &
53. Cent. IV. Miscell. ep. 47. In amis-

sione Librorum *Lypsius Centur. II.*
epist. 60.

Responsoria.

Exempla Ciceroniana habet *Junius Ma-*
nutius lib. III. ep. 47. respondet *Consola-*
toriae epistolae Mappai,

(14) *Mandatoria.*

Ciceroniana habet *Junius*. Hujus generis pleræque sunt *Bembi epistola Leonis X.* Pontificis nomine scripta item *Latini Latini*. *Manutius lib. II. epist. 29.* de Horologio emendo scribit.

(15) *Disputatoria.*

Materiae hic variae sunt & occurrunt apud *Ciceronem* non paucae ejus generis, sed ex non tam ad epistolas spectant. Exempla apud *Plinius lib. IV. epist. 30. lib. VII. epist. 27.*

(16) *Expostulatoria vel Aesuatoria.*

Exempla *Ciceroniana* vide apud *Julium*. Apud *Julium Caesarem Scaligerum epist. 60, 61, 62, 63.* Exprobratio ad desertam religionem *Casaubonus ep. 286.*

Responsoria ad expostulationes.

Exempla *Ciceroniana* habet *Junius*. Ad expostulationem ad jocos male acceptos *Manutius lib. III. epist. 2.* Referendae huc sunt epistolae omnes *Satyrici argumens* & *Eristici* quorum multa exempla

pla inveniuntur apud *Erasmum in epistolis*. Vide plurimas epistolas *Adami Theodori Siberi* quibus exagitat *Henrici Decimatoris Sylvam* quæ mirè sunt elegantes.

(17) *Quarula.*

Ciceroniàna habet *Junius*. De corruptis judiciis *Plinius lib. II. ep. 14.* de comitorum ordine immutato *Plinius lib. III. ep. 28. lib. IV. ep. 25.* de interitu *Helvidiarum* sororum *Plinius lib. IV. epist. 21.* de fragilitate humana *lib. IV. ep. 24.* de obitu *Tamii lib. IV. epist. 5.* de immatura morte *Julii Aviti Plin. lib. V. ep. 9.* de morte puellæ *Plin. lib. V. epist. 16.* de non exstructo sepulchro *Plinius lib. VI. ep. 19.* de valetudine *Vannæ Plinius lib. VII. ep. 19.* de obitu uxoris *Plinius lib. II. X. ep. 5.* de obitu servorum suorum *Plinius lib. II. X. ep. 16.* De libro furtim sibi subrepto *Muretus lib. III. ep. 29.* de variis occupationibus *Muretus lib. III. ep. 31.* de vitiositate temporum *Muretus lib. III. ep. 37.* de morbo *Muretus lib. III. epist. 48.* de morte *Ragis,*

gis Muretus *lib. I. ep. 29.* de impedimen-
tis itineri objectis Muretus *lib. I. epist. 35.*
de neglecta occasione alicujus conve-
niendi Muretus *lib. I. epist. 17.* Acidalius
epist. 2, 51, 68, 6. de injuria sibi facta Mu-
retus *lib. I. ep. 77.* Quod compellare ali-
quem sibi non licuerit Muretus *lib. II.*
ep. 14. de contemptu literarum in Italia
Acidalius *epist. 15* de abitu alterius A-
cidalius *epist. 39.* de opere suo se in scio e-
dito. Acidalius *ep. 57.* de misero Patriæ
statu Modius *ep. 84* de morte viri docti,
modius *ep. 11, 66, 71.* de temporum imbe-
cillitate modius *ep. 44.* de morte Cardi-
nalis Manutius *lib. I. ep. 3.* de morte Bu-
nelli Manutius *lib. I. ep. 16* de morte fra-
tris sui & uxoris morbo Manutius *lib. I.*
ep. 5. de Remora itineris Manutius *lib. I.*
ep. 14. de injuriis hominis nequam Ma-
nutius *lib. II. ep. 2* de dissensione inter se
& amicum *lib. II ep. 22*

Responsoria.

Cicconiana exempla habet *Junius.*
Ad quærelam de libro subrepto Muretus
lib. III. ep. 30. ad quærelam de variis oc-
cupa-

cupationibus Muretus *lib. III. epist. 32.* ad
quærelam de barbarie in studiis Juris
Muretus *lib. I. ep. 24.*

(18) *Commixtoria.*

Exemplum est apud *Ciceronem lib. I. ep. 11.* in qua *Attellus Ciceroni* commi-
natur ob fratri injuriam infectam.

Responsoria.

Exempla apud *Ciceronem lib. V. ad fa-
miliares ep. 3. lib. XI. epist. 3.* in illa *Mæcello
Cicero, in hac Brutus & Cassius Antonio*
respondent.

Nunciatoria.

Exempla Ciceroniana habet *Junius*,
apud *Plinium* sunt *lib. I. ep. 5. lib. II. epist. 11, 20. lib. IV. ep. 11. lib. V. ep. 1, 14. lib. VI. ep. 16. lib. VII. ep. 10, 24. Manutium lib. II. epist. 21, 28. lib. III. ep. 6. Muretum lib. I. ep. 92, 72. Acidalium ep. 15, 34, 36.*

Hunc ferè in modum instituenda est
*collectio argumentorum in Locis Commu-
nibus epistolaribus.* Si quis velit luculen-
torem inter materias ordinem, quærere
potest, quanquam & hoc cum molestia
aliqua conjunctum. Nam difficili nego-
tio

tio vel confusè posita in oculos incur-
renr, ubi ordinis neglectus commodo
est. Poterunt etiam è *Scriptoribus pre-
regrini idiomatis elegantioribus* illam
notare, quia & illis interdum in lingua
latina uti possumus.

Altera pars *Locorum Communium e-
pistolarium* consistit in *collectione for-
mularum*. *Formulae enim & enthyme-
mata Oratoria* commodè inter se con-
nexa absolvunt epistolam; quare & in-
terdum sub *Locis Communibus* argumen-
torum enthymemata etiam colligi pos-
sunt. Nam quancquam in singulis ge-
neribus fontes eorum dederit *Aristote-
les*, specialia interdum tamen ex rebus
ipsis nascuntur, quæ non semper in men-
tem cogitanti veniunt. Quod *formu-
las* atinet, laudabilem præstitit operam
*Johannes Stockius in Libro quem inscri-
psit Thesaurum epistolarum, Locorum &
formularum*; Hunc aliquis sequatur in
colligendis formulis syaserim, ita, ut in-
ter distinctæ chartæ puræ exempla similium
inscribat. Collegit verò formulas ex
opti-


optimis autoribus tam veteribus quam recentioribus ordinè satis laudabili, quanquam & novis subinde titulis augeri possit. Si quis *Lingvæ Gallicæ* peritus est, subicere etiam ex optimis in illa lingvæ *Epistoliographis* formulas potest. Cum enim illæ mirificè sint urbanæ, eam namque dictionis virtutem præcipuè sectantur *Galli*. Multa ex illis mutuari sagacior quidam potest, ita tamen ne genium *Lingvæ Gallicæ* cum *latinx lingvæ* genio confundat, aut ex illis assumat auribus latinis alienum. Idem quis sed distincto libro tentare in Germanica lingua potest, quanquam hic raros habeamus *Epistoliographos*; Videndum ut è *Cancellariis aularum* aliqua exempla protrahamus. Collegit & *Erasmus Roterodamus* in Libro de ratione conscribendarum epistolarum sub singulis generibus quasdam *Sylvas*, ut vocat exemplorum & formularum, sed pauca & confuso ordine, nec memoratis autoribus. *Henricus Stephani* in *Dissertatione de variis generibus epistolarum*

larum Ciceronis, quædam etiam de formulis cuiuslibet generis commentatur, sed ut mos ejus fert, confusa: Legi tamen possunt quæ affert. Synæresin etiam quandam inter formulas instituit cum *Ciceronis* (nam nonnunquam Cicero una aliqua formula sæpius utitur, quod exemplo aliquo in epistola aliqua Consolatoria probat *Henricus Stephani*) tum *Ciceronianas* cum *Ovidianis* e. g. in exemplo Consolatorio ex *libris tristium*, Collegit & *Rupertus in Mercurio suo Epistolico* formulas è *Casauboni*, *Scaligeri*, *Lyssii* epistolis potissimum depromptas. Sed cum eorum pleræque sint epistolæ familiares & dicantur imitatione acutâ factæ, quæ delectantur in primis eruditi, cum judicio illis formulis uti quis debet. *Garkii* formulæ epistolares parum bonæ frugis habent, ac multæ illarum, nescio è quibus lacunis haustæ.

CAP. VII.

De

*Imitatione in Epistolis scri-
bendis.*

 Um in omni styli exercitio potissimam partem obtineat *imitatio*, merito etiam illa in epistolis scribendis attendi debet. Nisi enim, quemadmodum pictores ad exemplum aliorum pingere discunt, ita nos stylum fingamus, operam atque oleum perdemus. De hac jam supra aliqua diximus, nunc quibusdam exemplis, quæ generalia à nobis dicta sunt demonstrabimus. Ac primum quidem antequam ad ipsius epistolæ scripturam accedas ante omnia: te exercebis *in formularum variatione*, notando quam ipse Cicero sæpè unam, eandemque formulam variet, quam alii recentiores potissimum & quidem præ aliis Manutius formulas Ciceronianas exprimant. Hinc ipse simile quid tenta-

tat, quæ in re exemplo tibi præibit *Erasmi lib. I. de copiarum verborum cap. 31.* Ubi has formulas: *Tuæ literæ me magnopere delectarunt, semper dum vitam tuam meminero*; per decem & amplius paginas variationibus suis exornavit. Nos exemplum aliquid proponemus ex illa formula *Ciceronis ad familiares lib. I. ep. 8* *Tu velim tibi ita persuadeas nullam rem esse vel minimam quæ ad te pertineat, quæ mihi non carior sit quam meæ res omnes.* Hanc formulam, si per copiam verborum ad *Erasmi* instar variare velis, quantus tibi campus aperietur. Sed cum illa simplicior sit, nos *variationem Rhetoricam* instituemus & quidem secundum *figuras Patheticas* ea serie, quæ illas exposuit *Emanuel Thesaurus p. 211.*

1. Cognitio.

Quod Rerum tuarum major mihi cura sit quam mea, id tibi puto esse certis speciminibus cognitissimum. Dubitare te certè nunquam sinam.

2. Ignoratio.

Quanti tibi mea fides sit ignoro equidem,

dem, eam mihi esse scias velim, ut vehementius de tua salute laborem quam de mea.

3. *Ostensio.*

En dextxam cum hoc calamo! en fidem cum hoc animo, qui non tam suus quam tuus est, & quem nullæ tangunt curæ nisi tuæ.

4. *Narratio.*

Quid alii tibi de sua fide narrent aut jactent parum tu ad animum revoca. Id scio. Surdis sæpè narrare fabulas, cum amicorum fidem imploramus. At hæc ego tibi narro non fabulas sed amici oracula, nihil mihi amicitia tua esse jucundius qui fortunas tuas inter meas reputo, salute tua meam contineri existimo, cujus ego majorem quam mei ipsius rationem sum habiturus.

5. *Informatio.*

Cum nihil nescis, id nunc à me docere vel reclamantibus Philosophorum scholis, ne numero quidem differre amicos ac nos, præcipuè cum te in mei velut possessionem dudum vocaverim.

Quic-

Quicquid tu volueris, ita id volo, ut nec mea voluisse cupidius, quicquid iusseris, ita exsequor, ut nec mea promptius exsequi possim.

6. *Affirmatio.*

Crede mihi, nihil est, quod tua causa non velim vel me ipsum si iusseris, odero ut amem tua.

7. *Negatio.*

Nunquam fiet, ut à meo animo tuus vel latum ungvem dimoveatur. Per-eant qui inter nos divortium volunt. An unquam per me jacuerunt desertæ res tuæ. Nunquam Citius mihi oculos, os manus negaverim, quam ut *illos* ad nutus tuos cœcutire; *hos* ad iussa tua obmutescere, *has* tibi compressas atque desides esse patiar. Qui tuo spiritu magis vivo quam meo, tuis oculis mihi magis prospicio quam meis, tuo ab ore pendeo, tuis manibus fulcior ac sustentor.

8. *Ironia.*

Qui suis utilitatibus ducuntur, suis in rebus gerendis, opibus coarctandis Continuarii Briaræi in aliorum auxiliis

vix Scævola, eos amicos appelles scilicet, eos committas, si quid rectè actum velis. Sint procul à nobis istæ virtutum & amicitia. A me eorum nihil metues, patet tibi cum animo fides, hominis magis tibi quam sibi obnoxii, magis tuis quam suis rebus invigilantis.

9. *Reticentia.*

De rebus tuis angeris? Me vide; in me recipio. Sapienti satis.

10. *Præteritio.*

Non dicam, quanta in me tua semper sint merita. Vivunt tamen illa, ob oculos versantur, manibus palpantur, aures vellicant, animo insident; licet mearum citius rerum, adeoque mei ipsius, quam tui tuarumque rerum adeoque me capiat oblivio.

11. *Iusjurandum.*

Ne vivam nisi vivo tuus, Hos ego oculos tango, quibus te fero; Hanc ego dexteram testor fidei meæ pignus: nihil me omissum diligentia in rebus quæ ad te pertinent, vel cum dispendio mearum rectè curandis.

12. *Testatio.*

Quid tui causa fecerim tuæ magis de-
porro facturus sim faxo, ut rerum potius
ipſius quam meo teſtimonio conſtet, ubi
enim in rem præſentem venero, ita ad
ea, quæ ſunt è re tua animum advertam
ac ſi nullo in momento res meas ſim po-
ſiturus.

13. *Animadverſio.*

Accedam ad res tuas curandas: nam
meæ ſunt, meæ ſunt, quia tuæ. Tu a-
micum me habeas? Sed mentem ſed re-
rum ſuarum ſatagentem. De amici re-
bus ſecurum? Adeone tua tibi vel diffi-
dencia vel modestia imponit ut fidei a-
mici nihil committas, nullum humeris
ejus onus imponas?

14. *Parentheſis.*

Si me amas, amas autem quàm me
maximè (non committas ut ab alio) alii
enim alia magis & ſua quæ tua curabunt
(res tuæ curentur, quæ non ut alienas)
nihil enim inter amicos alienum eſt, ſed
ut meas, & plus quam meas planeque ut
tuas curabo.

15. *Correctio.*

Tantum non mihi est à rebus meis
otii aliena ut curem, sed curo tamen tua.
Imo hæc non sunt aliena sed mea. Sed
ego illa curo plus quam mea, quo tu
plus oculis istis à me ipso mihi charior.

16. *Repetitio.*

Quoties tuas mihi literas mittis, toties
Præconis cujusdam vocem audire vi-
deor. Qui mihi suum hoc age inculcet,
hoc scilicet age, non quod tuum est, sed
amici negotium. Quod ideo magis
tuum est, quia non est tuum sed amici
negotium.

17. *Admiratio.*

Pape, quam tu mirabilis homo es!
novum hoc monstrum mihi est, nova in
amico in familiari verecundia. Tam
intempestiva modestia. Non audes in
me rejicere tua negotia, cui nihil magis
est in votis, quam ut tua impleat vota,
atque in tuis sua.

18. *Exclamatio.*

O fortunatum illum felicem illum
diem quo tu negotiorum tuorum me fa-

cis participem, jam demum te verè amo, quia te me amare video, ut fidei meae aliquod specimen requiras, quam ita tibi totam cum animo ipso addico, ut nec ipse in aliquam ejus partem admitti velit.

19. *Exaggeratio.*

Quis credat tanti tibi nomen nostrum esse, ut negotio tuo tam arduo conficendo homuncionem hunc præficere non dedigneris. Ego verò tanti beneficii memor, omnem ei rei curam, operam, diligentiam, nervos, vires, vitam spiritum ipsum impendam.

20. *Extenuatio.*

Res tuas benè ut curem rogas. Quid hoc rogare ridiculum est. Hominum, tui amantissimum, studiosissimum. Tu ergo quia polles autoritate imperare potes, quo flagras amore debes, jube, impera, tuus sum, mancipii tibi jure acquisitus: quanquam & tuæ mihi preces, quemadmodum magnatum sunt imperia. Nunc cum me rogas, currentem incitas, qui tui ut maximum habeo re-

verentiam, ita maiorem rei tuæ gero curam quam meæ.

21. *Memoratio.*

Memorem mones amice, etiamnum, hærent mihi in animo tuâ iussâ, ac tum mei ipse memor ero, hærebunt, Citius enim mei, ipsius quam tui tuarumve rerum, quas diligentissime curabo, mihi oblivio abripiet.

22. *Præfagium.*

Quæ mihi mandatis dedisti, ea quæ debeo, tibi exeqvor, & jam nescio quid mihi animus præfagit boni, fore ut quamprimum ad vota tua, inno supra illa expediantur. In me quod accredas mihi velim, mora non erit ulla. Id enim prædico tibi habiturum te quidem aliquos, qui res tuas ea, quæ suas, diligentia, neminem, qui majori quam suis impedit, curaturus sim.

23. *Dubitatio.*

Tene audiam potius quam me dubito. Tu rebus tuis recte curandis me præficere vel non vis, vel non audes. Ego verò volo, & si me audis, tibi ut

mihiquævis imperes, impero. Res enim tuas diligentius quam meas curabo. Amici non sumus, si tu an imperes ego an faciam dubitemus. Neque tu fidem meam in dubium, scio vocabis, nec ego tuam fiduciam.

24. *Inquisitio.*

Nunc ego quæro abs te, quare alii potius quam mihi res tuas curandas commiseris? Quando me vel infidum vel negligentem in rebus tuis inveneris qui plerumque à meis quam à tuis sum omissior, justas certè conquerendi adversus te causas habeo. Actio instituetur. Tu mihi & reus & judex eris. Nisi te ipsum condemnaveris, cave ne te condemnem. Centum enim epistolarum mihi multam solvas, antequam te absolvam.

25. *Interrogatio.*

Atin vero? Non te mihi gravem fore tuis negotiis? an hæ amico ante, an me dignæ voces sunt? Quia tu mihi fronte hæc occinis, quo animo? an mea tibi vides suspecta? An tua ego nunquam
se-

segnius curavi? An meæ sunt tot occupationes ut tuis excludar? Fuitne semper major apud me in tuis quam in meis rebus sollicitudo? Qvis obsequio, officiis, industria promptior? Responde si vir es, defende te, si amicus?

26. *Responsio.*

Visne ut in me moles hujus negotii recumbat? En Atlantem, qui ferat animo intrepidum nec latere infirmum. Vis hominem industrium, diligentem? Entibi qui omnia tua ita geret, reget, gubernabit, ut nihil à te ipso amplius expectes.

27. *Interpretatio.*

Amicus tuus sum, id est, res tua uterè illa prout libet. Verbo innue occultos interpretabor sensus, optimus amicus amici interpret es, id est omnia quæ vult ille volet alter. Manus alter alteri commendabit, ora, animos. Res amici curabit plus quam suas.

28. *Occupatio.*

Ergone nullum fuit è tot negotiis quæ inter amicos quasi divides, cui me ad-

moveres? jam scio, iterum veterem cantilenam mihi occines, tot negotiis circumfideris ac penè opprimeris, ac nova quæris. Nolo facilitate tua abuti, nolo publicis detrahi, quæ meis impendo tempora. Tu vero aufer mihi istas excusatiunculas, Non ita aulæ servio, ut inservire amicis vel nolim vel non possim. Totos citius dies, omnes, quæ supersunt, horas, omnia momenta aulæ ac mihi eripiam ut tibi tuisque rebus impendam. Aulam denique res suas habere sibi malim, quam ut à tuarum mihi rerum cura sit discedendum.

29. *Fictio.*

Quod rerum tuarum curam mihi imponis gaudeo: Committe huic homini, omnia finge ex tuo ingenio promptum, alacrem, officiosum. Argum me finge qui centenis oculis vigilet. Briaræum finge, qui centum manus ad opus tuum affert. Non fallant spes tua ac vota. Mea etiam vota meumque genium fraudaturus, ut tua impleam desideria, tuæ me accomodem voluntati. Finge denique

niqve novam aliquam mei in te metamorphosin, sic idem tecum & plus quam tu ipse & cupiam & exsequar.

30. *Imaginatio.*

Jam videor mihi, te vivere morosulum, meditabundum, circumspicientem omnes angulos, circumcurstantem omnes plateas, prensantem amicos, quos in negotio tuo expediendo consulas. At me non respicis. Quid dic, quid velis. Illud mihi Pythagoræum αὐτὸς ἴφα αὐτὸς ἐπαρίσσει. Nienim ego, quicquid tu dixeris, ita effectum dederim, ut ipse non possis accuratius omnem apud te fidem decoxero.

31. *Expressio.*

Ego tuas res non curem plus quam meas? Si Jovis quadrigas inscenderis aut Diogenis accenderis lucernam, parem in alio fidem frustra quæras. Manibus pedibusque saxum tuum hoc volvo. Uno omnia Spiritu si possem negotia exhausturus. Si mihi centum linguæ essent, centies tibi hæc inculcarem, nihil esse quod non tui causæ cuperem;

Si Centimanus essem Briaræus vel centies effecta darem, quæ semel tu facta cupis.

32. *Prosopopæia.*

Si charta hæc consiliorum meorum, particeps loqui tecum posset, quæ vellet, candorem tibi nostrum vel ipso colore, suo confessa desideria nostra panderet, quibus in obsequia tua rapimur. Si ipsa fides hæc scriberet, me puto rebus tuis unice commendarem.

33. *Apostrophe.*

Agite ergo, ite literæ nostræ ad virum nostrum amantissimum; Ite atque hæc ei in aurem: Heus tu, si quid curatum velis, huic tu homini curandum dato.

34. *Ratiocinatio.*

Nulla mei tibi cura est, quid ita rogas? Quia nulla mihi vis esse tui tuarumque rerum curam. Ego verò rogo te non solum sed & pro jure meo contendo, ut mearum partem me admittas. Debes enim quia Amicus. Velle debes, quia fidei meæ certus. Ejus puto non pauca habes specimina. Quid enim? annon sem-

semper ita curavi res tuas, ut nec tu ipse possis diligentius.

35. *Conclusio.*

Amicus meus es: Ergo fac, ut de videam, non nomine sed opere ipso talem. Feci inqvies juvi qvibus potui, re, opera, consilio. Sed heus ô bone, mutuus amicorum amor est. Ergo & reciproca sint officia. Nisi enim respondere officiis me velis (cupio certè quam qvì maximè) cum omnia mei causa agis, nihil agis ac ipso beneficio es ingratus.

36. *Epiphonema.*

Ego cum in omnibus & consiliùm & operam tuam requiram; ita omnia agis mea, ut nec ipse diligentiam meam requiram. ego verò cum tui causa omnia agere velim, ne minima qvidem in re nostrum desideras officiùm. Ista qvidem vis, aut ut mollius dicam, fraus est, Heu! quam est miserum ita vivere ut si vel maxime nolis, vivas tamen ingratus! quam est hoc in amicitia ambitiosum! addo, quam callidum! ut solus benè mereri videaris, amici excludere officia.

37. *Compendium.*

Nihil est, quod tibi tuarumque rerum commodo impendere nolo. Nihil adeò mihi dulce est & suave, quorum ego juram non facere malim, quam ut tuæ amicitiae per negligentiam meam vim, inferat, plenum tibi in operas, res, consilia, fortunas, salutem, vitam denique meam jus transcribo. Atque ut paucis multa dicam, tibi toti me totum.

38. *Perplexitas.*

Quid agam? Hinc animum timor distrahit. Hinc amor. Illinc mea etiam commoda. Hujus ego Jovis in me fulmina temerè concitare nolim. Te ut iratum mihi habeam? Sanctæ amicitiae lex prohibet. Commoda mea ut negligam? Amici uxor, liberi intercedunt. Quid velim ego nolimve nescio. At certe tui causa vel cum salutis meae dispendio velle omnia debeo.

39. *Approbatio.*

Idem istud est amicum esse! O factum benè! beatum me tuis literis, quibus rerum tuarum curam mihi imponis. Jam

te amicum esse sentio. Tuque me eum
faxo, sentias, cui statutum est omnia ferre
ac pati, quam ut in te & in fortunas tuas
iniqvius aliquid statuatur.

40. *Imperium.*

Hoc tibi edico severitate, plusquam
Prætoria, ne cuiquam alii, quam mihi
res tuas commendes. Eam tibi lege n
jus amicitie ponit, sanctum, inviolabile.
Ut parendi mihi necessitatem imposuit,
plus in rebus tuis quam in meis labora-
turus.

41. *Admonitio.*

Quid vis imperem. Dictum, factum.
Vis ne curem res tuas? Meæ erunt. U-
num illud repetens iterumque monebo,
ne mihi magis quam tibi ipsi diffidas.

42. *Obsequium.*

Non ero, ut ille in fabula ad manda-
ta claudus, cæcus, mutus, mancus, debi-
lis. Quæ enim apud Maronem vento-
rum Deus mihi tali in genere liceat, nec
fumos vel ventos vendenti. Tuus est
tu amice quod optes,

explorare labor mihi iussa capessere
fas est.

43. *Blan*

43. *Blanditia.*

Nunc amote amice mi, ocelle jucundissime, cum me in negotiorum tuorum consortium admittas, qv̄i tuis emori malim, qv̄am meis immorari.

44. *Salutatio.*

Salvete mihi vel centies literæ, qv̄æ saluum mihi nunciastis amicum nostri-que memoriam, ut vos exosculor ut lego lubens. Nihil enim ista memoria mihi accidit sv̄avius præsertim cum ea obsequiis officiisque mutuis fovetur. Qv̄æcunque etiam jussu feratis, ferte, mea semper reportaturæ obsequia.

45. *Apprecatio.*

Dii te ament amicorum optime pro amore hoc in me tuo. Jam enim (qv̄od bonum faustumque tibi mihiqve sit) totum expedi vi negotium. Jam bene processisse mihi primum hujus amicitia specimen tui causa gaudeo, mei causa triumpho, qv̄i omnia moliturus sum, ne prænitere te amicitia mea possit.

46. *Veneratio.*

Gravissimum est, qv̄od fidei meæ commisi-

misisti negotium ac periculosa plenum
opus alea, videbo tamen ut illis difficul-
tatibus te eripiam, nulla etiam supplicia
formidaturus Deum veneror, ne tam
præclaram bene demerendi occasionem
mihi è manibus elabi sinat.

47 *Abominatio.*

O factum male! annon pluris tibi sum
quam homo ille mercenarius, cuius tu
fidei res tam arduas commisisti, aufer illi
lucellum & aderit fides quæ excedit lo-
culorum amplitudinem. Certiora à me,
quam ab illo homine, rei tuæ præsidia
expectare potuisses, debuisses. Ut tuas
enim erigerem res vel meas, paterer de-
sertas.

48 *Objurgatio.*

Verberavi te hæcenus cogitationis,
duntaxat tacito convitio, nunc te palam
objurgo Euctionem temporum, prædo-
nem literarium, helluonem librorum,
amicitiæ desertorem, causæ tuæ prodi-
torem, qui in tam arduo tuo negotio
non tam tibi quam sumis ut amico res tuas
commendes qui certe diligentius quam
suas

suas aut tu ipse tuas gesturus esses. Dicam ne ego vel hanc tuam socordiam, vel superbiam vel astutiam. Nam certe vel salutis curam tu abjecisti, vel me huic rei ineptum esse existimas, vel denique hoc tam pertinaci silentio artes quasdam, quibus vix sui amicitia solet, alere mihi videris. Vel mores tuos multa vel amici nomen abice.

49. *Irrisio.*

Vis scire quid agam? Albis, quod ajunt, dentibus te rideo qui dignum abstulisti diffidentiae tuae praemium, cum amicum haberes, cui secure crederes omnia, quæ sivistis alios. quorum vel malitia vel negligentia res in summum discrimen tuae deductæ. Nunc eum nemini obtrudi possunt ad me itur. Disce fidem nostram monite & non temnere amicos! inunc & impone illis negotia, qui tam pulchre tibi imponunt.

50. *Exetratio.*

Male sit morbo illi, qui me hætenus rebus & meis & tuis subtraxit, nunc, postquam ille à me recessit ad me redeo, &
ad

ad te & tua. Homo quantus quantus sum
omni fide, officio, servitio tuus.

51. *Oratio.*

En erit unquam
Ille dies mihi cum licet tua noscere
iussa.

Totos ego menses compressis mani-
bus sedeo : Totos ego annos expecto
nec quicquam in literis tuis comparet,
in quo fidem periclitari velis , quam tibi
propriam perpetuamque spondet amicus.

52. *Vocatio.*

Ubi jam sunt illi Aretologi , philoso-
pha sua sententia, ignava opera. Jam ve-
niant ac viros se præsent verbis adeo
splendidi , nunc illi delitescunt , nunc
quisquam eorum domi est. Tu si sapias,
veteribus amicis , quorum tibi spectata
fides est, utere , inter eos me habes sem-
per tuum , & organon *ἐμψυχον* In tua
sum potestate , & quæ de tuis in mea esse
vis, in tua esse non desinent.

53. *Votum.*

Si quid habes , in quo amici fidem re-
quiris , en tuus sum , ad aram fidei meæ
nunc

nunc sisto, tibi victimam me voveo, tibi me totum omniaq; mea consecro.

54. *Obsecratio.*

Non desinam te fatigare precibus, ut mea tandem utaris amicitia, nisi ipse habeas inutilem: Quare afficias me injuria tibi supplico. Quamquam enim vulgus, ut vetus habet verbum, amicitias utilitate probat: vinculo tamen alicujus amicitiae illae contineri debent, ne collabascant.

55. *Commendatio.*

Qui multos tibi commendare soles, nova apud te commendatione ipse me egere video. Adeo enim mei oblivis es, ut operam nostram nulla in te desiderare videaris, cum nullis libentius quam tuis rebus curam impendam.

56. *Concessio.*

Scribe modo. Tuis ego desideriis subscribam. Nihil tam meae potestatis erit, ut non ipse velim tuae, omnibus quibus poterō officiis tibi commendaturus.

57. *Gratiarum actio.*

Gratias tibi ago, quod magno me beaveris beneficio. Quod enim majus amico beneficium contingere possit, quam ad officia beneficiaque invitari. Utinam eorum aliquam partem implere possem, quæ ad te ornandum pertinent.

58. *Recusatio.*

Odi aulicos illos verborum apparatus, quibus adversus amicum uteris, annon nostri Græcorum illud: ἀπλῆς ὁ μὲν ἔστι τὴν ἀληθείαν ἐφύνη? Nolo blanditias. Jussa volo, quæ quo severiora, eo mihi blandiora. Quo tu me minus rogas, eo promptiora me tibi erunt officia.

59. *Exultatio.*

Cum mea diligentia effectum tibi viderem, quod tu flagitatas cupidissime exultare lætitia ac triumphare gaudio cœpi. Et hunc ego è negotiis tuis fructum primus capio; Primum mihi quod sit gaudium, tuum verò secundum. Quam effectui in eo prærogativam non invidabis, ut qui studio ac efficiendi desiderio

fiderio me ipsum industria praeveni, tua quoque gaudia praevenirem.

60. *Jactantia.*

Nunc ego de rebus tuis benè à me gestis χαίρω. Hanc ego enim gloriolam in hoc amicitiae certamine vindico nulli fide, diligentia concessurus. Tu modo cave, ne tua vel diffidentia vel socordia, gloriae huic nostrae quicquam detrahatur, quam ita custodire cupio, ut si idem tecum velis, restuæ jaceant nunquam.

61. *Gratulatio.*

Jam licet acclamem tibi feliciter, & mihi de feliciter expedito negotio, nec potes tam tibi ipsi aut alius tibi ita gratulari, ut ego mihi gratulor, atque in finem de hac felicitate tua, quæ & mea est, gaudeo. Nihil enim mihi gratius unquam accidet, quam si per meam operam grati aliquid accidere tibi possit.

62. *Plausus.*

Plaude jam peracta tua est fabula. Ego Roscius in hac scena personam tuam, perbellè peregi, successit è voto res. Quid vis amplius? tibi plaudo & mihi. Ipse
domi

domi simulac nummos contemplor in
arca, quos tibi industria mea extorfi, Plu-
ra tui causa vellem, si velles.

63. *Ejulatio.*

Hei mihi ! adeone me à bona fortuna
derelictum ! ut, tui causa efficere nihil
valeam, qui vellem omnia. Non equi-
dem omnia possumus omnes in aulis
præsertim in quibus ab unius Jovis nu-
tu pendent omnia. Sed & hic interdum
familiis & Satellitiis aliquid licet.

64. *Exprobatio.*

Satisne causæ tibi esse putas ingratis,
quod omne inter nos amicitia commercium
solutum velis. Nam certè amicitiam
mihi sustulisse videris, qui fomenta
ejus tollis, ac ista mutuum officiorum
solatia. Quænam hæc satietas, quod fa-
stidium te à nobis abalienat ? Omnes
alii etiam, quos non satis nosti, à te ha-
bent, quod agant ; Ego nihil qui & ani-
mo levi sum conjunctissimus & rerum
tuarum gerendarum cupidissimus.

65. *Pœnitentia.*

Jam penè me promissorum meorum pœnitet, cum tam segniter res tuæ mihi procedant, non mea quidem sed unius moratoris culpa. Hæc mihi quotidiana sunt supplicia. Ipsa itaque necessitas mihi manum injicit, ubi removero hæc obstacula, ita res expeditas dabo, ut nec me pœnitere laboris & hujus ipsius tædii possit, nec te mea amicitia.

66. *Spes.*

Bene te sperare jubeo, in portu enim causa tua navigat, jamq̃ ad op̃atum finem res omnes spectant. Jam gaudeo, impletas tibi esse à me spes tuas, quas de me conceperis. Atque ut ita semper speres rogo. Ego illud operam dabo, ne spes tuas fides mea destituat.

67. *Desperatio.*

Quanta spe decidi! actum de amicitia nostra est, animam agit, nisi tu succurras. Ne quid enim dissimulem, non mediocriter animi angor, quod ab alio quam à me, cujus tu fidei credebas omnia, negotia velis curari. Ego verò ad
infa-

infaniam cupio. Tu vide, ne hoc mœ-
rore & desiderio contabescam. Jam ipsæ
res meæ mihi sordent, ipse mihi displic-
eo, cum displicere tibi mea studia
vides.

68. *Timor.*

Metue ô bone, quem non metuis.
Habemus interdum amicos, qui blandi
sunt oris, amarî verò pectoris. Ego pro-
fectò non parùm tibi tuæqve causæ me-
tuo, qui parum adeo tibi ipsi metuis.
Mira alacritate omnia observo, omnia
etiam tua timens. Notæ enim mihi sunt
hominum insidiæ, atqve ita spero, lento
& suspenso gradu ipsam causæ arcem in-
vadam.

69. *Verecundia.*

Pudore confectus penè sum, cum à re-
rum tuarum cura exclusum me esse sen-
tio, quem unum atqve unicum amicum
appellare toties consuevisti, qui tuis re-
bus eam semper adhibuit diligentiam,
quam non adhiberet vel suis vel alio-
rum negotiis. Nunc itaqve verecundia
deterritus pluribus te verbis non roga-
bo.

bo, ut quicquam oneris mihi imponas. Metuo enim, ne si repulsam feram, secundo pudori animus ipse succumbat.

70. *Audacia.*

Magnum in me facinus tui causa suscepī, facta jam est alea, atque utinam videre posses, quo vultu, qua confidentia, quibus cervicibus, quo spiritu negotia tua subeam, nulli cedere paratus nec ipsos equuleos formidaturus, ut rem tuam tibi conficiam, quæ meis omnibus, mea quoque salute est charior.

71. *Impudentia.*

Jam ergo os ferreum & perfrictam tibi frontem opponam, qui nullis moveri precibus potes. Ingeram me negotiis tuis vel te invito. Velis nolis morem te mihi gerere oportet homini, qui eadem qua hæc à te audacia petit (animos enim addit amicitia) effecta daturus est. Si me importunatius hæc flagitare miraberis, cogita non erubescere amici literas.

72. *Excandescencia.*

Totus in fermento sum, neque cui succenseam scio, Non mihi, nihil enim
eorum

corum, quæ ad rerum tuarum curam spectant, è manibus dimitto. Indignor tamen ac propemodum ringor, me nihil adeò promovere. An itaqve cum fato meo expostulem? Sed & hoc stultum est, homine prudente indignum tibi videtur. Ego potius impatienti desiderio tempus illud, quo tua mihi vota exple-re liceat, expectabo.

73. *Mixa.*

Quæ (malum!) ista cunctatio est? Hæc tua mihi verba aures circumsonant. Væ illi, qui has mihi moras nectit, & cujus ego culpa istam apud te suspicionem incurro. Si non fecero ignavo huic homini malè aliquo pacto me esse dicito ignavissimum. Habebis tamen in me vel Fabium aliquem, qui cunctando etiam res tuas sit restitutus.

74. *Nemesis.*

Non ergò impunè tibi abibit ista nunc injuria. Jam par ego pari. Tu me à tuis exclusisti negotiis, ego te à meis. Jam discce in posterum suo precio æstimare amici fidem.

75. *Miseratio.*

Miseret me tui, qvi adeò cum difficultatibus rerum tuarum confictaris, nec ex iis eluctari angustiis potes. Ergone amici tui ita tibi excidit memoria, ut in earum partem eum admittere nolis, qvi ea fide tua curat, ut fidelius non possit sua.

76. *Confessio.*

Nullæ mihi res magis quàm tuæ curæ sunt, ea enim me fateor ambitione teneri, ut inter amicos tuos & qvi plurimum tui causa cupiunt, principatum quendam affectem.

77. *Deprecatio.*

Parcè precor, ô amice, satis poenarum jam luimus. Citius enim aqua & igne mihi interdixeris quam officiorum communione, quæ ex amicitia oritur, sine qua vel ipsa vita mihi acerba est.

Certum est in sylvis inter spelæa ferarum

Malle pati.

Qvi iis carere utilitatibus, quas tua mihi parit amicitia, quæq; in eo præcipuè consistunt,

sistunt, si tibi ulla ratione utilis esse obsequio ac opera mea possim, quæ in rem omnem pono diligentiam.

Videmus hinc, per quot *figuras Pathe-
ticas* una aliqua variari *formula* possit,
quibus si jungantur aliæ figuræ, quan-
tus hic cumulus oriretur? Multæ hæc
sunt figuræ, quæ non continentur in vul-
garibus Rhetoricis, quæ eas hætenus
nondum in certum ordinem redege-
runt. Mira enim est earum variatio. Ali-
ter *Aristoteles*, aliter *Demetrius*, aliq;
Græci Rhetores ordinem earum & nomi-
na posuerunt. Jam verò & *Latini* vehe-
menter discrepant. Aliter enim *Cicero*,
aliter *Quintilianus*, aliter *Ruffinianus*,
aliter *Aquila*, aliter *Lupus* eas ordinant.
Nemo tamen eorum rectam iniit ratio-
nem. Multum in eo laboravit *Franciscus
Robertellius Ulinensis*, in *Libro de artifi-
cio dicendi*, in quo syllabas figurarum, ut
apud Autores modò laudatos inveni-
untur, inter se confert, Synonyma con-
jungit, diversa distingvit. Primus ille est,
quantum scio, qui figuras accuratè di-

finxerit, in *figuras* scilicet *Sententiarum*,
Verborum, *Structurae* & *Numeri*; Quæ tres
posteriores vulgò ad *figuras* dictionis
referuntur, quæ longè commodius ita
distingvi possunt. Primus ille *figuras*
sententiæ ad affectiones animi redegit,
ad quas certè redigendæ sunt, cum vel
ipsa natura Magistra in quotidianis Col-
loquiis ipsi animadvertamus, quod hoc
vel illo affectu impellente sermonis
schemata nobis vel nescientibus pro-
rumpant. Sunt tamen pleraque confu-
siora. Emanuel verò *Thesaurus* ad cuius
imitationem has variationes expressi-
mus, *libro suo de ingenuosa eloquentia*,
occasione argutiarum, quas in artem re-
digere voluit, singularum *figurarum Pa-*
theticarum ordinem commentus est,
quem secundum animi facultates dispo-
suit, atque eò reduxit *figuras*, quæ vulgo
ap. *Rhetores* occurrunt, partim alias ad-
didit novas, sed quæ etiam *figura* ali-
quam rationem habent; Quæ in eo non
continentur Rhetorum *figura* reduci
commodè ad aliquam ejus classem pos-
sunt.

sunt. Delegimus verò præcipuè *figuras Patheticas* in varianda *hac formula Ciceroniana*, quod omnes formulæ ex affectu aliquo prorumpant. Quanta ejus variationis ubertas sit, quilibet videt. *Figura verborum, structura* in dato exemplo frequenter occurrunt, aliæque *figura Pathetica* sub aliis, quæ tamen distinguvi ab intelligentibus facile possunt. Illud verò iterum iterumque moneo, illis exercitiis subigendos esse Tyronum animos & præparandos, quæ si fuerint frequentiora, nunquam deesse illis copia formularum potest, vel si sexcentas scribant ejusdem argumenti literas. Post *variationis exercitium* in eo se exerceat Tyro, ut *epistolas* vel *Ciceronianas*, vel *Manutii*, vel *alterius cujuscumque auctoris Ciceroniani* epistolas *alia forma componat*, nimirum *periodos breviores dilatando, ampliores coarctando vel transponendo*; quæ simpliciter illic dicuntur, ornate hic proferendo, *phrases phrasibus, formulas formulis substituendo*, ita ut in tota

epistola mentem auctoris retineat, verba, structuram, compositionem, periodos mutet. Quò fiet, ut quasi nescientibus sub manu copia verborum & formularum nascatur. Ejus rei experimentum capiemus:

Exemplum 1.

*Ex Lib. 13. epistolarum ad Famil.
epist. 74.*

Non puto te fugere, quæ & præsens tecum egerim & per literas de Lucii Oppii familiaris mei & Lucii Egnatii negotiis. Et novi sane tuum in me amorem & observantiam, & nota tibi est, quæ mecum tibi intercedit necessitudo, ut non facile crediderim, te rerum mearum & amicorum oblivisci velle, nisi & mei ipsius obliviscaris. Ne verò ipse & literis in me parciore & in causis amicorum segnior videri possis, iterum de amicorum salute ago per literas, quorum tu causam agas etiam atque etiam rogo, cavebisque quantum in te erit, ne mihi iterata hac com-
men-

mendatione acta sint agenda. De Lucii Egnatii negotiis imprimis velim cogites ; Nosti enim, quantum hominem amem, quanta sit nostra familiaritas, ut vel eo solo, si me ames, ad desideria mea implenda possis debeasq; permoveri. Puta eundem esse, qui petit, cum eo, pro quo petit, nec illi tam hoc officium crede, quam mihi exhibiturum, qui in re mea non magis laborarem, dum laboro in re amici, quæ est etiam è re mea. Fac ergo, ne inter solos nos dispereat amor noster & illaudato perimatur silentio, quod profecto fiet, nisi etiam aliis amoris nostri constantia summaq; animorum consensio innotescat. Sit ergo Lucius Egnatius quoque inter illos, qui è facili tuo assensu cognoscat, quanti tu æstimes me, ne ille dubitet, se à me æstimari. Triplicem itaque amicitiam uno quasi solidabis & conservabis officio. Tuam erga me, Meam erga te, Tuam atque meam erga Lucium Egnatium. Vide ne tam splendidam bene merendi oc-

caſionem prætermittas, quod te vehementer rogo.

Si jam contuleris cum Ciceroniana epiftola, omnia videbis illa comprehendī, quæ hic fuſius deducta ſunt. Cum hic periodo prima habeatur: *Eſſi non dubito, quin memoria teneas.* In noſtro exemplo primam hoc facit periodum. In Ciceroniana: *pro tua in me obſervantia &c.* commata duo, alteram mihi faciunt periodum, & commodè quidem ſatis, nam enthymemata quædam in illis verbis reconduntur. In Ciceroniana epiftola porrò his verbis: *Tamen etiam atque etiam uſque commendo,* tertia mihi periodus formatur, ita tamen, ut ſpecialium nulla mentio fiat, quæ hîc quidem involvuntur, mihi in ſequentem periodum rejiciuntur. Addo præterea duas rationes, ſcilicet ne literis parcius, & in amicorum cauſis ſegnior videar, quæ à Cicerone non ſunt poſitæ. In Ciceroniana: *Tanta mihi cum eo neceſſitudo familiaritasq; eſt;* comma unum mihi

mihi facit periodum. Apud Ciceronem
verba illa: *Utsi mea res esset, non ma-*
gis laborarem, novam mihi periodum fa-
ciunt, puta eundem usque è re mea.
Apud Ciceronem periodus quæ incipit:
Quapropter, usque existimo, duas mihi
facit periodos.

Exemplum II.

Ex Epistola sequenti 75.

Perscripsi ante aliquot dies ad te de
negotio amici, quod multis nominibus
tibi commendatum, quamvis propter
silentium hætenus tuum, vix, quid spe-
rare habeam, constet. Peccare in amici-
tiam nostram quodammodo viderer, si
bis peterem à te, qui vel ad nutum so-
lebas esse promptus. Cum verò sciam
tantis te contineri implicariis negotiis, ut
facile non quidem amicitiae officia, sed
illorum maturationem in moram possit
subripere. Iterum mitto hæc meas, quæ
aurem tibi vellicent, præsertim cum Ca-
ji Aviani Flacci amor me ad scribendum
adegerit. Cujus causa nihil non tenta-
verim

verim & mihi herculè debeo. Quod si memoriam hæc tibi revocare attinet, quæ nescire te recens tempus non finit, nosti, quid præsens ego non solum tecum egerim, sed & quam tu humanissimè respondes. Nec poteram facile credere, abiisse tibi ex animo argumentum epistolæ, quam de eo accurate scripseram; sed putavi tamen me eis commodis non invigilaturum, si aliquid scribendi occasionem prætermitterem, frequentiam litterarum vocans in subsidia commendationis. Non poteram deesse amico, cuius preces mihi sunt imperia, quam in suspicionem me à te adduci posse videar, quasi in dubium vocem eam quam semper hætenus tam erga me quam alios exhibuisti constantiam. Ignoscetamen si desideriis occupatus vehementius flagitem, quæ & semper æquissima esse credidi, & tibi non ingrata.

Ex his adductis exemplis facile, ut puto, patet, quomodo in hoc exercitio res sit instituenda. Cum ex his tum *variationis* tum *amplificationis* ex exercitiis prom.

promptitudinem aliquam in imitando
 nactus fueris, atque ita styli puritatem
 jam possis distingvere, alios quoque præ-
 ter *Ciceronem* in consilium vocare potes,
 easque, quas habent formulas, colligere, ac
 in tuum usum convertere. Nec dissva-
 ferim ex epistolarum *autoribus Gallicis*,
 qui multi sunt & arguti, accipere, quan-
 tum linguæ latinæ genius non respuit.
 Id verò certum est, *Ciceronis formulas*
adeò esse exquisitas, ut comparatæ cum il-
lis Gallorum veneres sordere mihi videan-
tur. Sed habent tamen & illi interdum
 nonnulla, quæ delectare possunt, ac mi-
 re svavia sunt. Nos exemplorem,
 firmabimus. Latinam itaque dabimus,
 & quidem amplificatam, quæ occurrit
 apud *de la Serna* brevior.

Exemplum I.

Epistola, ad imitationem Gallicæ.

Tu verò supersedere poteras istis ver-
 borum lenociniis? Tantum enim abest,
 ut ad palatum literæ tuæ mihi fue: int, ut
 bilem potius moverint. Vide itaque,

ne stomachum in te erumpam, qui dapsilia usque dicta nauseabundo ingeris. Itane inter amicos agere oportet? quemadmodum inter peregrinos vel aulicos, quibus omnis in lingua habitat amicitia, verbis magnifica, rerum animique vacua. Aut itaque te plane oblitum juris tui crediderim, quod hic me beneficia tua tibi pepererunt: aut me meritorum tuorum immemorem existimas? Illius quidem, cum quo quotidie reviviscat, non interire potest apud te, nisi per modestiae tuae culpam, recordatio. Horum si aliter quam cum vita mea memoriam deponi posse credideris, non exigua me injuria affectum interpretator. De me sic existimes, ac tibi persvadeas vehementer velim, nihil mihi amicitia ac officiis tuis fuisse unquam vel fore antiquius, quae quidem ea constantia tuebor, ut te citius jussorum materies defecerit, aut multitudo eorum defatigaverit, quam ego obsequii promptitudini succumbam,

Exem.

Exemplum II.

*Ex Epistolis Gallicis Selectis Balzaci
Part. 2. Lib. 10. epist. 21. scripta
ad Dominam de Ville
Sevin.*

Quoties ad te mitto literas, ea semper lingua utor, quæ in gente nostra publica est, & nobiscum penè nata. Ne alterius orbis atque hujus nostri Civis esse videar. Tutamen, quæ tua est humanitas, persuadere mihi laboras inesse singularem aliquam literis meis eloquentiæ vim, quam tantum abest ut in iis agnoscam, ut ne vix quidem conatum ejus ostendam. Nam quæ tu mirari te dicis, vix tolerabilia mihi visa sunt, nisi tibi per humanitatem tuam summam ea videantur, nisi cum verborum tuorum suavitate ipsa tuorum officiorum vis atque efficacia conjuncta esset, suspicari possim de istis aulicæ cujusdam indolis delitiis, quibus bellè eleganterque mihi illudatur. At verò cum id à veritatis caractere atque adeò à te etiam alienum

fit, vehementer te rogatum velim, ne imposterum mihi laudibus illis, ad quas penè obstupui, pudorem incutias. Tu potius crede adeò vanum me fore, ut laudes, si quas aliqua in re merebor, non subterfugiam, sed hoc loco ut agnoscam, nec opportunum satis nec ambitiosum mihi videtur. Animus noster hisce in literis se conspiciendum præbet cogitationum suarum simplicitate, quales illæ à matre cubent verecundiæ quidem colore ac nullo fuce tinctæ; neque enim tantum naturæ instinctu quam artis ductu Rhetoricarum. Affectus meus his in literis tibi loquitur, nec verò quæ in animo concipiuntur, benedicendi sibi artem flagitat, aut ad ejus præcepta exigere solet. Nulla est affectuum, nulla moris disciplina, vel à Græcis vel à Latinis, vel ab Aristotele vel à Cicerone tradita. Ac quanquam nullus sermonis pingere coloribus datum mihi sit, ipsa tamen veritas silentium mihi rumpit, ipse affectus os mihi solvit; quod testari de ani-

mo,

mo, de obsequiis, de officiis erga te meis
possit.

Exemplum sequentis

Epistola.

Si respirare à morbo vel tantillum
fuisset dudum ad laudes tuas regessissem
non adeò abjectum me esse animo, ut
illius rejicere cupiam, nec adeò arro-
gantem, ut velim illis suffragari. Fide
certè historicà illis credere, ut hominis
esset, nimia persuasionis laborantis ita
offendi hoc velut figmentis aliquo offi-
cioso ingenii esset morosioris, ea tamen
in re illud seqvar temperamentum, ne
tibi esse fraudi possit. Tuorum ergo ver-
borum elegantiam intueor velut à te
profectam, ut nihil eorum, quæ ad me
pertinent, eadem cogitatione comple-
ctar. Quæ ratione illa nunquam effatu
suo frustrabuntur, quum me relinqvant
persuasissimum, sed de virtutibus tuis
summis, sed de ingenii tui elegantia, sed
de admirabili non laudabili, sed laudan-
tis eloquentia. *Plu-*

Plures occurrunt apud *Balzatum* argutissimæ epistolæ ac formularum suavitate mirè venustæ, quas ille tamen ad Ciceroniarum aliarumq; epistolarum indolem expressit. Non enim, uti jam dixi, *Latini à Gallis* hac in re superantur. Ad imitationem *Epistolarum* etiam illud præcipuè commendari debet *exercitium quo ex sermone ligato aliquid vertitur in solutum*, unde promptius differentia utriusque styli discitur. Illud enim commendant *Pamphilus Persejus* in *Secretario suo*, quem *Italica lingua* scripsit, cuius partem in latinam linguam vertit *Weselovius*, qui ejus in *Italica lingua* exemplum dat illustre in *Sperone*, qui suo ævo *Italicè* scripsit ut ex *Rythmis Dantis* multa accommodavit sermoni soluto, unde & Profator *Didante* dictus fuit. In latina lingua si quis latè instituisse velit, uti potest *Epistolis Horatianis*, quæ Versu quidem scriptæ, ita tamen, ut sermonibus videantur propriiores. Si enim *Periodos* modo aliter formes atque illa immutes, quæ quodammodo numerum sapi-

sapiunt, & Poëticam dictionem, nullo negotio elegantem epistolam in soluta lingua conficies; Qui usui accommodatius erit, si aliquando *formulas ex Cicerone paralelas* congeras, quibus sensum eorum, quæ in *Horatianis Epistolis* occurrunt, eleganter varies. Idem quoque tentare poteris in *Ovidii Epistolis*, quæ plus habent *poëticæ*; formularum tamen elegantia etiam cum *Ciceronianis* certant, quem *Paralelismum* notavit *Henricus Stephanius* in *Dissertatione de vario epistolarum genere*: Ac possunt tales formulæ ex *Epistolis Poëticis* inter reliquas etiam colligi, usui futuras ei, qui cum iudicio & cum intellectu illis utetur. In *Horatianis epistolis* præire nobis potest *Lubinus*, qui perpetuam Paraphrasin in *Horatii Poëmatum* edidit, sed is, quia sensus verborum investigat, multaq; circumscribere opus habet, quoniam paraphrasis est & Commentarii vice fungitur, non eam habet sermonis compositionem, quæ convenit epistolæ. Nos exemplum pro-

ponemus ex *epistola IX. Lib. I.* quæ brevis est, & *Commendatoria*. Sed quæ mira brevitate omnia ista comprehendit Enthymemata, quæ poterant afferri ad aliquem commendandum, quem potius coactè quàm sponte commendamus.

Versio Epistolæ IX.

Quanti tu me facias Nero, Septimius unus intelligit, vehementer enim rogavit, precibusquæ suis quasi coëgit, ut commendare se tibi ac tradere vellem, hominem nec ingenio tuo nec domo tua, qui optimos quosque seligere soles, indignum. Nam quoniam me propiore junctum amicitia censes, facile quid apud te efficere valeam, ac me ipso quidem novit accuratius. Multa quidem causabar, sed cum verendum mihi esset, me data me opera extenuare nostram amicitiam putarem, aut utilitati amici incuriosus, meis rebus & rationibus potius consulerem. Atque ita apud amicum in culpam incurrerem, perfricare fron-

frontem apud te malui urbanorum more hominum per impudentiam extorqueas à te, quod modestia vel non poteram vel non audebam. Quod si violata apud te modestia amici causa reus non tamen vituperor, rogatum te peramanter velim, ut in domesticorum tuorum numerum hominem bonum tibi ut spero, ad omnia obsequia promptissimum recipere ne dedigneris.

Atque hi sunt præcipui illi modi, quibus Tyrões exercere se possunt tum ad firmitatem in charactere epistolari acquirendam tum ad promptitudinem in Enthymematibus investigandis; quæ his in exercitiis quasi sponte sua se ingerunt, atque ipsis nonnunquam formulis quasi immiscentur. Hinc ubi maturius iudicium accesserit, nunquam illa deferent, si qui animum ad scribendum instituunt. Scio esse, qui suadent, ut Tyrões è formulis Cicèronianis hinc inde collectis, quasi centones quosdam congerant, ipsaque verba exscribant, modo vide-

viderint, ut aptè conneſtant; quod & ego in prima ætate non improbo, modo illud in maturiorem ætatem non traducatur, atque illæ formulæ, quibus aſſueti ſumus integræ adducantur, quod à Plagii crimine non quicquam abeſt.

CAP. IIX.

De

Literis Germanicis.

ELoquentiæ epistolæ ut in *Latina*, *Gallica*, aliisqve lingvis ita & in *Germanica* magna eſt neceſſitas. Ejus tamen ſingulis lingvis ſingularis quidam genius tum *ratione elocutionis*, tum *ratione compositionis ac ſtructuræ*. Etiam in *Germanicis literis* varia agnoſcenda ſunt illa genera, quæ in *Latinis*: Namque & hic diſtingvendæ *familiares ab illis*, quæ de certo negotio ſcribuntur, atq; in certo aliquo Genere verſantur. *Familiaribus epistolis* lex nulla eſt poſita, niſi ut ſtylo facili atque terſo ſcribantur citra aliquem

quæ vocum delectum singularem, aut numeri ac periodorum curam. Ad *familiares* quodammodo etiam referendæ sunt, quæ in *meris consistunt formulis*, & quodam *verborum lenocinio*, quæ *le complement* voce Gallica dicimus, quæ literarum genus in Gallico sermone est usitatissimum, eos etiam Germanos imitari licet, ita tamen ne confundatur utriusque linguæ genius. Ac sunt ejus exempla benè multa apud *Harsdörferum* in Libro, cujus Titulus *Teutscher Secretarius*. Generatim autem hic notandum est, ita temperandas esse Veneres Gallicas, ne violetur Gravitas Germanica. *Epistolæ certi argumenti* eodem modo dividuntur in *Petitorias*, *Commendatorias*, *Spasorias* &c. Ex tamen si scribantur ad *Principes*, *Viros Illustres*, temperari certa quadam ratione debent. *Dictio Germanica*, quantum fieri in Epistolis potest, pura sit, non nitatur phrasibus confictis, aut ab usu civilis remotis, metaphoris, audacioribus verbis, dithyrambicis

bicis & compositis, quibus *Poëtaſtri* quidam nunc nimis indulgent, tum demum eleganter ſe ſcribere exiſtimantes, ſi verba quædam conſingant ſonora, poliſyllaba, ac ridicula epitheta, qualia non ſine naſſea ſæpè leguntur in *fabulis Comiſis*, quas *Romanas* dicimus, aut in *Bucolicis*. Tantum abeſt, ut illo ornatu elegans reddatur diſtio, ut potius quibusdam quaſi Morionum tintinnabulis conſpicua reddatur.

Puritatem linguæ cum inculco, adeò rigidus eſſe nolim ejus propugnator, ut locum non concedam verbo alicui latino aut Gallico : Inprimis ſi illa ſignificantius rem exprimant, ut penè non ſint in Germanica lingua, quæ illis ἐμφάσεις respondeant. Adde quod vulgati illa uſus ſint, & ex continuo cum Gallis commercio penè civitate noſtra donati. Ridiculam tamen eorum affectationem, omnino improbo, atque iis in locis, ubi commodè vox Germanica poni poteſt. Nec admitterem ego quibusvis in literis, ſed in iis, quæ de *argumentis civilibus*

& *Politici* scribunt. Multi enim hic occurrunt *termini forenses, latini, Gallici*, quæ si quis Germanica voce exprimere velit, ita loqvetur, ut Germanis ipsis intelligi non possit, atque ex alio orbe quasi in hunc locum delatus videatur. Ut mirer inutilem cujusdam operam, qui *Lexicon talium terminorum latinorum & Gallicorum* confecit iisque Germanica Vocabula substituit: ac vehementer jam olim devisi sunt, qui *Cancellariis & judiciis* suam præscribere normam voluerunt *Criticæstri Germani*. Exemplum hic à *Latinis* capiamus, qui vel in epistolis scriptis didacticis melioris sensûs gratia Græcas voces retinuerunt; *Græca* enim lingua, quia prior fuit latina, atque Romanis vicina, ac quotidianum illis cum Græcis commercium, honorem hunc Græcæ lingvæ habuerunt, quamquam *Græci* nunquam latina suis immiscuerunt, adeò, ut eum verba autorum latinorum essent alleganda à *Plutarcho*, ille convertere in linguam Græcam verba latina maluerit, quam ipsa appone-

re,

re. *De Orthographia* nihil hic monere opus est, cum ad Grammaticam pertineat. Non possum tamen hic satis mirari stultitiam *Samuelis Burickii*, qui libro libro (*die Hochteutsche Cangelen*) novam *Orthographiam* comminiscitur, ac Græcorum accentus Verbis Germanicis apponit. Ut in omni sermone sic in Germanico singularis particularum usus est, præcipuè verò in hoc, quod longis periodis utitur & polycolis, quorum membra plerumq; per particulas connectuntur. Diligenter itaque illæ notandæ sunt ac genuinus earum usus, quem in *Scriptis, Documentis, Instrumentis, epistolis Politicis, Recessibus imperii similibusq; Scriptoribus* venari oportet. Hæc enim ea in re pro norma sunt, adeò, ut si quid contra communem loquendi consuetudinem illic reperiatur, notandum sit. Quod & in latina lingua Viros eleganter doctos præcipere memini, ut quasi quæ in *Scriptis Politicis* reperiuntur barbaræ locutiones & termini sed usu donati colligantur tum ad intelligenda talia scripta,

pta, tum ut imitemur; si nobis ipsis talia scribenda sint. In iis magis oportet usum communem respicere, quam elegantiam styli. Ridebitur enim, qui in re cultum spernente ac apud Barbaros elegantiae praeium mereri volet. Particularum usus praeteris notandus est, in Germanica lingua, quas visus mihi est, diligenter collegisse Spath in seiner Secretariat-Kunst Part. 2. cap. 5. Quoniam verò Liber ille diffusus est, ac omnia artis Grammaticae & Rhetoricae praecepta ac pene Encyclopaediam aliquam in suum opus compegerit, ac proinde non in omnium manibus sit, placuit illa, quae ad contextum Sermonis Germanici faciunt hinc excerpere:

Particula Copulative sunt.

Und / auch / darneben / in gleichen / nichts weniger / nichts minder / ebenmäßig. Sowol auch / wie auch / sampt / zusampt / darneben / neben dem / ferner / hierüber / über diß / weiter also / gleich-

5

falsch

fals / ebener massen / darauf / endlich /
leztlich / zum Beschluß / Summa.

Particulæ Disjunctivæ sunt.

Und nichts / noch / weder / viel min-
der / hingegen / im wiedrigen / wiedri-
genfalls. Horum usus est in epistolis,
quibus multæ res narrantur, variæq; cir-
cumstantiæ & causæ adducuntur. Hæ
inserviunt refutationi, negationi, ex-
cusationi. Exemplâ vide apud Auto-
rem.

Particulæ Conditionales sunt.

Wosern / dafern / so nun / wenn gleich /
ob nun wol / solte nun. hätte nun / wür-
de nun / nun ist zwar an dem / ohne Zwei-
fel nicht zu leugnen / nun läst man zwar
an seinem Orte gestellet seyn / gesetzt / im
Fall / den Fall gesetzt. Quas excipiunt

Particulæ Apodicticæ.

Diemeil aber / damit aber / nachdem /
jedoch &c.

Particula Conclusiva.

So alsdenn / so muß ich bekennen/
so ist kein Zweifel / ist nicht zu leugnen.

Particula Discretiva.

Doch / iedoch / dennoch / aber doch /
gleichwol / vielmehr / ja aber / sondern /
anders mehr / ja mehr / anderweit / besse-
rer / nicht vielweniger.

Particula Causales.

Quarum usus est in excusationibus,
probatationibus, consultationibus, dehor-
tationibus. Denn / dieweil / alldieweil /
weil / sintemahl / demnach / nachdem / an-
gesehen / zudem / zumahlen / inmassen / in
Betrachtung / bevorab / besonders / die-
sem nach / hierauf / derohalben darumb /
damit nun / in Erwegung / umb des
willen / dannenhero.

Narrativa.

Welcher Gestalt / was massen / was /
wie.

Relativa.

Dißsals/ hierinnen/ deswegen/ des-
halben/ dannenhero/ hierunter/ in die-
ser Sach/ angedeuteter/ erzehlter/ an-
geführter/ angezogener/ gedachter/ ge-
sagter/ erwehnter/ berührter/ angereg-
ter/ obangeführter/ ietzt erzehlter mas-
sen/ bey solcher Beschaffenheit/ gestal-
ten Sachen nach.

Correctoria.

Geschweige/ ein anders ist/ ich will
nicht sagen.

Comparativa.

Wie nun/ auf gleiche Weise/ ebener
massen/ also/ gleicher Gestalt/ gleicher
Weise/ nichts anders/ eben so.

Expletiva.

Zwar also/ hiemit/ hiedurch/ demo-
nach/ Nun &c.

Hæ potissimæ sunt particulæ, quarum
usus est in connectendo sermone Germa-
nico, solet tamen in illis etiam quoddam
esse

esse novaturientium studium particulas alias vel abruptum vel novas fingentium. In quibus mihi quidem placuerit ratio communis, quæ pro regula hic esse debet. Sic à multis scribitur: *Umb dohmehr pro Umb destomehr. Dis habe anvormelden wollen pro zu vor & similia.* De *particulis, quæ Epithetorum* vice funguntur, inferius plura. *Verba* ipsa debent esse perspicua, uti & eorum constructio, item & sonora, unde numerus sermoni concinnatur. Ita ingrata est ejusdem literæ repetitio e. g. *Die dir diese Dinge dürfen sagen* Ita effertur: *Diejenigen / welche dir solche Sachen sagen dürfen.* Sic *Homæoprom* ingrata sunt, e. gr. *Die Sterblichkeit erinnert uns unserer Gebrechlichkeit / daß wir hinlegen sollen die Zeit / und verlangen nach der Ewigkeit.* *Verba fugienda sunt nimis prolixa, crebrius cumulata, brevia item nimis cumulata.* *Hæc* benè nec incipiunt nec finiunt periodum; *illæ* rectius incipiunt & claudunt periodum, *quam*

quam id cavendum, ne affectata sit vel ficta ac nimis condensata. Facit & ad nume-

rum periodi *circumlocutio aliqua* Germanico sermoni familiaris, quæ illum mirificè ornat. v. g. Planè non est sonora illa periodus ob ineptam compositionem tum ob brevitatem verborum, :

Daß die Sache / worümb ich ihn gebeten / seinen Zweck nicht erreichet / vernehme ich nicht gerne ; Doch sage ihm für seine Mühe dienstlichen Danck / und verschulde dieselben anderwärts / so gut ich kan.

Magnificentius ita sonabit : Wiewol ich ungerne vernehme / daß die Sache / warümb ich denselben neulicher Zeit ersuchet / ihren gewolten Fortgang bißhero nicht gewinnen mögen / so bleibe ich dem Herrn dennoch mit schuldigem Danck nicht wenig verbunden / und verpflichte mich hinwiederrüm zu allen möglichen Gegendiensten. Hic jam *particulæ Relativæ* (*wiewol / so*) ornatam faciunt periodum, *commata* etiam inter se longè sunt ornatiores, *finis* quoque periodi in verbo

verbo prolixiori magis sonorus. *Multa quoque sunt voces, quæ interdum usu Cancellariorum aliter significant, quam ex sua natura aut constructione significare debent*, in quibus prudentis est, erroribus nonnunquam indulgere. Ita non immeritò culpat SPATHIUS in *arte Secretariatus*, participia presentis temporis activa pro passivis usurpari, v. g. Die zu euch tragende affection i. e. die man zu euch trägt. Die unterhabende Sachen i. e. die Sachen / die unter Händen sind. Das beylegende Ampt / i. e. das beygeleget soll werden. Sed hæc adeò non sunt trita, ut multi ea velut flosculos ostentent in literis germanicis. Ita in *particulis* vulgo addi quædam syllabæ solent: Schließlich pro Schließlich. Baldem pro Bald. Nurten pro Nur. Zwartem pro Zwar. In quibus nonnunquam aliquid horum terminorum ingenio indulgendum est. Sic frequens etiam est *omissio pronominis Ich* / quod quidem interdum admitti potest. Si verò nimis

erebrò fiat, nescio quod affectatum genus loqvendi præ se ferre videatur e. g. Obzwar gerne gestehe / daß bey dieser Sachen ein Antheil habe / so kan doch nicht leugnen / *ic. Verborum nimia distractio indecom est*, Si e. g. Nominativus periodum incipiat, & post sex vel septem commata verbum, , quod se refert ad priorem Nominativum, periodum claudat. *Titulorum in Germanica lingua magna ratio habenda est*, de quibus consultantur Autores illi, qui in germanica lingua ea de re scripserunt, quibus è titulis nasci solent quædam epitheta familiaria, quæ verbis addi solent, quæ omnia ad normam *rum ex persona scribentis, rum ex persona ejus, ad quam scribitur*, hauriuntur. Sic ad *Principem* scribitur Gnädigst/ ad virum illustrem, Großgezeigt/ Hochgeneigt/ Hochgünstig / Hochgewogen/ quæ epitheta adjectiva plerumq; solent addi verbis. Epitheta ad munus spectantia sunt: Vortrefflich; Hochansehnlich / quod est Legati Titulus. Hochver-

vrd=

ordnet/ Hochwohlbestatter/ Hochbetron-
ter / Generales sunt Tituli muneri illu-
stri competentes. Hochgeneigter/ Hoch-
gewogener/ Hochvermögender/ Borneh-
mer / Hoch=oder Groß=werther / Tituli
sunt, quos Patrono dare solemus, unde
etiam epitheta talia adverbialia forman-
tur : Hochgeneigt / Hochvermögend /
Hochgültig. *In epistolis ad viros illustres,
Principes pollicitatio officii solet premitti.*
Eur. Hoch=Fürstl. Durchl. seyn meine
unterthänigste Dienste zuvor. Ad virum
illustrem nobilis ordinis, Eur. Excellenz
seyn meine gehorsame Dienste zuvor. Ti-
tuli illi abstracti. Euer Durchl. Eure Ex-
cellenz, adeò religiosè à quibusdam ob-
servantur, ut semper repetantur, nec
Pronomen relativum ejus loco admit-
tant, quod ineptum ego puto, & stulta
qvadam affectatione inductum. *Tituli
tales etiam in frontispicio literarum poni
debent.* Solœcismus itaqve est, si ponat-
ur pro illo pronomen denselben oder
desselben / quod & in privatorum literis

indecorum est. Non enim dici sic debet,
 Desselben Schreiben habe ich wohl emp-
 fangen. Sed Meines Hochgeehrten
 Herrn Schreiben habe ic. ic. Si Tituli
abstracti ponantur, pronomina etiam de-
bent poni convenientia. Pronomen Ich
semper postponi debet nomini ejus, ad
quem scribitur, si persona sit superior.
 Malè itaqve dicitur: Ich habe seinen
 Brieff empfangen / sed Meines Hoch-
 geehrten Herrn höchst angenehmes
 Schreiben habe ich wohl empfangen.
Subscriptiones literarum semper ad per-
sonarum munus respiciunt. Unterdienst-
 licher / Gehorsamster erga Superiores
 scribitur; Gehorsamster Diener erga
 quosvis pares. Unterdienstlicher Diener/
 id quod ridiculum est, sed ejus loco po-
 nendum unterwilligster / schuldigster /
 treuwilliger / aufwärtiger Diener; Treu-
 ergebenster / quod priores excedit. *Erga*
quosvis amicos Dienstbegieriger / Dienst-
geflissener / Treueyfriger / Treugeflissener.
 Alii plures comminiscuntur Titulos;
 Mirè

Mirè enim felices in hac ὀνομαστωσίῃ
 nonnulli sunt, ut Dienstbereitfertiger/
 Treudienstbereitwilliger / quæ affectata
 sunt & inepta. *Fæmina* ita subscribunt
 demüthigst pro unterthänigst / quia epi-
 theton est sexui fæminino indecorum.
 Solet etiam verbum **Ehren** addi ab il-
 lis, tum quod ipsi mulieri ab aliis dan-
 tur, tum quod ipsa mulier aliis dat, ut
 Ehrenwilligste. *Si plures sint personæ*
conditione muneribus distinctæ, vox re-
 spectivè solet addi, e. g. Unserm Vielge-
 ehrten Herrn respectivè Schwager und
 Gefattern. *Generalia sunt Epitheta*, quæ
 substitui solent cum nascitur personæ di-
 gnitas, ut: gebührend/schuldiger massen/
 billig/ nicht unbillig. Sed ea fugiendæ
 sunt, si de dignitate constet, vel potius in
 excessu hic peccandum, ne offendamus
 illum ad quem scribimus. *Si repetitur*
persona vel personæ alicujus nomen, solent
 addi ista epitheta: Ungemeldeter/ anieho
 gemeldter / ermeldter / gewehnter / obge-
 dachter/ obgemeldter/ iektbesagter/ meh-

rentheils berührter / iekt erwehnter. *Si persona illustris*, adduntur particulae: Höchst/Hoch/Hochwohl. *Nomina, quae officia nostra & studia exprimunt, alia sunt erga viros illustres, alia erga pares & inferiores. Cum ad Principem scribimus, usurpamus voces: Hoch-Gräß. Gnade und Huld. Principes inter se his vocibus utuntur: Freund- Wetterliche Gewogenheit und sonder- bahre Hohe Freundschaft. Cum ad Viros illustres scribimus, his utimur verbis: Die Hohe Gunst/ Gewogen- heit/ die Grosse Gütigkeit. Ad amicos & pares illis vocibus utimur: Angenehme Willfährigkeit/ Gefallen/ Bemühung. Cum pollicemur officia nostra, ad Principes scribimus: Seine unterthänigste devotion an den Tag legen. Ad viros illustres: Seine gehor- samste Dienste u. Ad pares: Gegen- dien-*

dienste / allerer sinnlichste Dienste und Willen / *re. Addi etiam solent nonnunquam in literis peritoris , præcipuè formula quædam , quæ magnum decus obtinent , nec facile omitti possunt* e. g. Seiner Hochmögenden autorität nach / durch dere hochgültiges Ansehen / Hochgültiger Recommendation, Seines vielgültigen / vielmögenden Orts / Seiner befreundten Freundwilligkeit, Höflichkeit nach / wohlbe-
 fandten Fleisses / Seiner gewöhnlichen / berühmten / wohlbewährten Freundschaft und Leutseligkeit gemäß.
E quibus illæ ad Viros Illustres, bæ ad amicos & pares scribuntur.

Hæc sunt penè illa, quæ circa voces in literis Germanicis sunt observanda, quorum interdum major cura esse solet, quam ipsarum rerum. Notari etiam possunt *Synonymica voces*, quarum Usus in *stylo germanico* admodum frequens

est *adq, ut in latino*. Id enim mirè ad numerum facit & periodum ornandam, sed illa nonnisi è crebra lectione observari possunt, soletq; ipsa res, de qua agitur, ea subministrare, modò videamus, ne quicquam fingamus, quod ab auri-
bus germanis abhorreat, quare illa tamen legere oportet Scripta, vel quæ *civilis gustus* sunt, ut *Recessus imperii, Instrumen-
ta publica, literas Cancellariorum &c* Qui *Gallicismos* admiscere suis literis solent, admodum ridiculi sunt, & qui lectioni literarum Gallicarum assueti sunt, geniumq; earum imitantur, genium dictionis germanicæ corrumpunt, quas è manibus abjiciendas esse rectè monet.
SPATHIUS in *seiner Secretariat-Kunst Part. 2. p. 241*. Ac pestem vocat illorum, qui ad hæc exercitia primum accedunt: longè enim aliter dictio formatur in *lingua Gallica*. Alius planè numerus est, alia verba, epitheta, compositio, Periodus, quæ omnia sunt alienissima à numerosa Sermonis Germanici compositione. Ne-
que


que dicam de *facilitate quadam & tuti-
loquencia*, quæ Gallicum sermonem qui-
dem non dedecet, dedecet verò Germa-
nicum *Epistolæ germanicæ æconomia sive
Dispositio* iisdem partibus constat, quibus
latina, eademq; hic occurrunt *enthyme-
mata*, qualia in omnibus epistolarum gene-
ribus apud latinos adhiberi diximus. Par-
tes omnes orationis hic etiam quærere
ineptia est. Quamquam dari epistolas ta-
les posse etiam in germanica lingua non
inconcinnè ordinatas exemplo aliquo
ostendit SPATIUS in *seinem Secretariat-
Buch* Part. 2 pag. 125. Communior aliàs
Methodus epistolæ, ut epicherematis vel
Syllogismi Oratorii instar adornetur,
quemadmodum & Libelli supplices
Summarii. Ordo verò Propositionum
inverti solet, ac interdum illis rationes
quædam addi. Qualem methodum in
latinis Oratiunculis extempbraneis RA-
DOVIUS præscripsit, ac habet ejus exem-
pla aliquot SPATIUS l. c. p. 225. Sunt &
nonnullæ *formula generaliores & com-
mu-*

muniores, quæ ad partes epistolæ potiores adhiberi solent. Sic e. g. certæ sunt *formulae narratoria, confirmatoria, refutatoria, epilogistica, initiales*, quas diligenter collegit SPATIUS libro citato. Præterea & aliæ sunt *formulae*, quæ certis epistolarum generibus competunt, ut *epistolis commendatoriis, petitoriis, mandatoriis, nunciatoriis &c.* Quarum idem indicem aliquem dedit, ac possunt tales formulæ notari ex epistolis elegantioribus ac libro quodam seorsim colligi. Sunt & *connectendi quædam formulæ communiores à figuris Rhetoricis petitiæ*, quæ benè asservandæ. *Communissima est per formulas comparatorias ejusq; particulas, etiam cum nulla rerum insituitur comparatio.* e. g. Gleichwie nun dem Herrn alle angenehme Dienste zu erzeigen mich verbunden erkenne; Also werde mich äussersten Fleisses bemühen / denselben in der That sehen zu lassen &c. *Alius est connectendi modus per oppositionem contrarii*, e. g. Ob nun wohl Ursache satssam hätte

te!

te / dieser verdrießlichen Sache auf alle
 Wege und Weise mich zu entheben / so
 ist doch die Verbündligkeit gegen ihn so
 groß / daß ic. *Alius modus est per commu-*
nicationem: Nun gebe ich dem Herrn
 zu bedencken / der Herr erwäge doch / be-
 trachte / bedencke / schliesse bey sich selber;
 Demnach lasse zu dero Hochfürstlichen
 Durchl. höchstvernünftigen Ermessen /
 Hochverständigen Gutachten ich hiemit
 unterthänigst gestellet seyn. *Alius modus*
est per concessionem, e. g. Gesezt nun / es
 sey diesem also. Wenn nun gleich alles/
 wie erzehlet / so beschaffen / ich lasse es ge-
 schehen / lasse es dahin gestellet seyn. *Alia*
connexiones per correctionem, exclama-
tionem, detestationem, prasuppositionem
occurrunt quidem in epistolis, sed non
ita semper, atque frequenter. Cæteræ
formula digressionum, regressionum &
transitionum fingi ad modum literarum
 possunt. Ex his, quæ de literis ger-
 manicis adduximus, satis, credo, liquet,
 quomodo in epistolis germanicis for-
 man-

mandis res institui debeat; quāquam
& hic multum relinqvatur exercitio &
industriæ. *Puritas & elegantia sermonis
non affectata inter optima ejus ornamenta
sunt, quæ cognosci possunt è vitiis styli
germanici, quæ aliquot exemplis propo-
nit SPATIUS in der Secretariat-Kunst P. 2.
cap. 16. ad epistolas vel Libellos, qui ad
rem litigatam & processus spectant, com-
mendari potest VOLCKMANNI No-
tariat-Buch.*



PARS II.

continens

Exempla Epistolarum.

DIximus in Prima Parte de En-
thymematibus Oratoriis, quæ
adhibentur ad epistolam scri-
bendam, nunc praxi ipsa osten-
demus, quomodo illa adhiberi debeant.
*Atq; ea sunt singularia & propria unicui-
que*

que epistolarum generi, dividuntur enim
 illæ ratione causarum; Nam vel laudamus,
 vel suademus, hortamur, petimus, commen-
 damus, amicos nobis conciliamus, vel ac-
 cusamus, reprehendimus, exprobramus ali-
 quid, in quibus omnibus enthymemata
 illis generibus familiaria adhiberi de-
 bent. Genemlia ista enthymemata non ab
 Aristotele tantum, sed à quibusvis Epi-
 stoliographis sunt consignata, ordinatè
 verò & distinctè ab Aristotele. Nos ini-
 tium faciemus à Generis Deliberativi epi-
 stolis, in illo enim præcipuè versantur
 negotia, quæ cum amicis communica-
 mus. Primum sit exemplum epistolæ, quæ
 Pater hortatur filium, ut tempus in Aca-
 demia benè collocet, nec otio aut luxu
 transmittat. Enthymemata, quæ illuc
 faciunt ex Aristotele Lib.1. Rhetor. cap.6.
 desumi possunt. Hic & prudentiæ & be-
 nevolentiae ostendi debet, cui servit in-
 tegrum caput 4. lib.2. Rhetor. Quod &
 emulationis excitari potest, quomodo
 id fieri debeat, ostendit Aristoteles Lib.2.
 Rhet.

Rhetor. cap. II. Enthymemata illa ἡ δὲ & αὐτὰ ex Aristotele excerptis Scraetius dispositione epistolica 19. Hæc quidem adhiberi omnia possunt, si epistola ejus argumenti scribenda est. non tamen omnia enthymemata simul adhiberi debent, sive quod quædam vulgaria sint ac per se nota, nec magnoperè inculcanda, sive quod sciamus, unum validius esse altero in movendo, ideoque omitti pro lubitu & rei ratione possunt, quæ nobis videntur. In hoc nostro exemplo ubi parens scribit, vel omitti enthymemata possunt, aut obscure subinnui. Parentibus enim pro ratione voluntas est, nec tam hortari eos filios decet quam imperare iis. Ex persona itaque scribentium & ejus, ad quam scribitur, moderanda sunt argumenta, & vel majori studio inculcanda vel pressius breviusque attingenda. Primum hic enthymema est præcipuum. Scopus propositus: deinde turpitudine temporis in luxu consumpti. Πάσι γὰρ erit præcipuum amor & sollicitudo parentis, qui
gra-

graphicè depictus omnium instar argumentorum est, quibus minæ etiam pos-
sunt addi si spreverit monita. Hæc prudentiæ præcipuè eluceat. Ad imitatio-
nem proponi possunt epistolæ Ciceronis
ad Trebatium Lib. 7. ad Famil. epist. 9.
Et 1. Lib. 1. ad Quintum Fratrem, Epistola
pulcherrima sanè & luculentissima, quæ
fratrem ad præfecturam Asiæ benè geren-
dam hortatur. Quæ formulas aliquas
subministrare possunt transitiones en-
thymematum. Quamquam ultima hæc
Ciceronis *ad Quintum Fratrem epistola*
non tam epistola sit, quam Oratio, nam sty-
lo penè Oratorio conscripta est, periodos
numerumq; habet oratorium, verba ma-
gnifica plus quam epistolarem genium spi-
rantia, sententias gratissimas & recondi-
tas, ad compendium aliquod istius, quod
gerit Magistratus Civilis.

Exemplum Epistolæ.

Annus ipse est, quo è domestica di-
sciplina, è manu atqve adeò è sinu meo
dimis-

dimissus eo in loco versans, cuius & celeberritas decantata est, studiaque, quæ à Viris scientissimis docentur, ad ipsa sapientiæ penetralia facem tibi præferre, possunt. Ac meministi sanè vel me tacente, quæ sollicitudine ac diligentia per auctorum optimorum abdita circumdixerim saluberrimisq; monitis, tum ad scientiam non vulgarem consequendam, tum ad actus in vita civili instituendos jam inde à puero instruxerim, ut nihil quidem eorum deesse tibi possit, nisi tu ipse committas, ut oblivione eorum tibi ipsi deesse velis. Quoties porro animum repetote è conspectu meo semel uniceo in loco vivere, in quo libertas vitæ facile degenerare in licentiam potest. Toties me suspensiones tui causam habent sollicitissimum. Non habes monitores, qui tibi aurem vellicant, otianti nisi animo tuo jam obfirmato duci te pateris, quod an tenera ista ætate sperare habeam, dubitandum mihi sanè est. Occentabunt tibi undique Syrenes, quibus nisi aures ob-

obstruxeris, ipse ille locus, qui ad salutem animi tibi datus erat, in discrimen vel ipsam pernitiem adducet. Excute igitur si sapias omne voluptatum ingenium undique te circumstantium, quæ à regia virtutum via in transversum te rapient nisi prudentia vel Doctorum vel tua vias tibi muniveris. Dum alii Bacho madent poculisque implentur, tu operam da, ut literis tingaris easque quasi diuturnam explere sitim cupiens, arripias avidè ac mentem rerum cognitione satures. Cum meretriculas scitantur alii, tu virgines Musas secutus earum ingenti perculsus amore sacra tractare ne desinas. Præ cæteris eloquentiæ tibi studium habere commendatissimum, quo velut vinculo quodam humana omnis continetur satietas, quæ ut instrumento necessario omni in vita uti possis. Huic si adjungas rerum civilium prudentiam, non poenitendos Academiarum fructus mihi videberis consecutus. Quod si ergo ita vitam institutam tibi intellexerim, ut industri-

dusiriam pariter ac pietatem omnibus viribus sectatus, suis quasi locis & frenis commodè regi contendas, habebis me parentem indulgentissimum, qui nec sumptibus parcat, nec laboribus, ut te omni studiorum genere reddat quam ornatissimum. Sin, scias velim, non de futura mihi media, quæ vel ignaviam tibi excutiant, vel male viventem pœnis coërceant. Vale.

Huic epistolæ si responsoriam parare velis, non opus est, prolixè enthymemata circumspicere, repeti enim pleraque possunt. H. D. G. verò grati animi & αά- D. G. amoris filialis addi possunt. Pro amore & sollicitudine paterna gratiæ agenda, diligentia nostra ac industria modestè laudanda, obsequium, gloria jactanda, pollicenda omnia, quæ in potestate tua sunt.

Exemplum Responsoriæ.

Spirant paternum affectum & sollicitudinem literæ, quas ad me nuper dedisti,

lecti Parens optime : Quæq; cum hor-
tari me laborant ad excolendum studiis
& virtutibus animum acta mihi agere vi-
dentur : Id certè efficient, ut multis mi-
hi opus esse monitis videantur. Percepi
illa Parens optime, & hærent etiamnum
menti infixapræcepta ex ore tuo volata,
quæ ut quondam aures implevere, ita
quotidie nunc animo observantur. Nec
desunt hic alteri quasi parentes, qui o-
mnibus mihi penè horis eadem occi-
nunt. Habeo monitores vivos ac mor-
tuos : Illos audio, hos lego, & ex utris-
que rationes vitæ subduco. Nulla mihi
otia nisi docta, neque interpoculorum
remiges, quòd multos facere video, dies
noctesq; comburo. Cane enim pejus &
angve barbariem hanc odi ipsos barba-
ros, quibus interdum in Academiis ha-
bemus barbariores ablego. Cujus meæ
vitæ testes non tantum domesticos, sed
& alios omnes habeo, bonos sanè ac do-
ctos, cum quibus familiariter vivo. Huic
vitæ porrò insistam, atqve operam da-

bo sedulò, ne ab ea intransversum rapiant communia Academiæ & ætatis vitia. Quare certa spes me tenet, nullam in me quidem fore causam, quæ paternum istum amorem abalienare vel saltem imminuere possit, quo magis perpetuum eum spero ac propria omni opera conatu studiisq; favendum.

Epistola Conciliatoria.

*Ea solemus favorem & benevolentiam Virorum illustrium nobis conciliare. Enthymemata, quæ hic adhibentur, petuntur à laudè ejus, ad quem scribitur. Cujus argumenta plurima sunt apud Aristotelem Lib. I. Rhetor. cap. 9. è quibus elegantur commodiora. Id quod persuadere illi nitimur his rationibus fiat, quæ reperiuntur apud Aristotelem Lib. I. Rhetor. cap. 6. commate 351. Rhetor. c. 7. commate 49. & 63. πᾶσι δὲ ἔσται verecundία, sua
exte-*

extenuatio, confitentia, gratus animus.

*Exemplum Epistolæ
Conciliatoricæ,*

*qua Enthymata petuntur à laude, & à
verecundiæ, extenuationis & con-
fidentia potissimum ex-
primitur.*

Quamquam obturbare præstantium
Virorum negotia vel imprudentiæ vel
impudentiæ saltem speciem præ se ferat,
Tuq; Vir præstantissime ea dignitate col-
locatus sis, ut ab ore tuo pendeant o-
mnes, ad nutum tuum vertantur omnia,
ea tamen me vis blanditiarum me impu-
lit, ut à descriptione temperare me non
potuerim, Scio non defuturos, qui cri-
minis me alicujus reum pronuncient,
importuna hac mea interpellatione pu-
blicis commodis molestum vel audaci-
am saltem non ferendam interpretentur.
Sumpfitoties in manum calamam, to-
cō 1 2 iies-

tiesq; magni tui nominis reverentia illum excussit: Quam ut tacitus tibiq;ve ignotus haftenus apud me religiose servavi, ita interpretibus tibi literis eam declarare in parte aliqua pietatis meae, ut ut temerariae collocavi. Hanc, quanquam ipse improbo inveniet tamen ut spero, magnum sibi in humanitate tua patrocinium, quae sublimitatem illam ingenti ad summa, quaeque sublatis ad rerum infima quaeque demittit. Qua fretus spe perfricare meam frontem incipio & ultro hanc audaciam, quae ad te tantum virum viam affectat, & reprehendere intempestivam illam verecundiam, quae in lucrandis Patronorum animis ignava est ac parum sedula. Velis nobis igitur aequi boniq; consules hoc meum placendi studium, quod sua tueatur innocentia, tua nec improbavit summa aequitas, ad cuius tribunal omnem hanc liticulam, quae mihi tecum ipso intercedit, iure meritoq; devolvo. Quare vide, an causa mea cadere possim, qui ipse me dedo

do tibi totum, & inter res tuas te addi-
cente iudice haberi volo. Expectabo in-
terim, quam in partem casura sit senten-
tia, cui me pariturum ea, quæ par est, ob-
servantia, promitto.

Responsio ad Epistolam Conciliatoriam.

In responsione ad priorem epistolam
ENTHYMEMATA non sunt longè
quærenda; quæ laudantibus & am-
plificantibus sententiis potissimum con-
stant. Laudatur affectus erga se, erga
studia sua & benevolentia si-
gnificatio, gratiarum actio. Hæc hu-
manitatis est & modestiæ, gravitatis
etiam tota Epistola referta.

Exemplum I. Epistolæ Responsoriæ.

Non potuerunt ingrata mihi accide-
re literæ tuæ tantæ humanitatis, ut vel

Catonēs morosissimos exorent, nedum
 qvī nunquam ea rusticitate fui, ut ami-
 citiam meam ambientes intolerabili fa-
 stu repellerem. Distingor equidem ne-
 gotiis & mihi ipse penē desum rebus
 meis, sed tamen ita totum aulæ me non
 dedo, ut humanæ me societatis oblivio
 capiat, ut amicorum meorum velim ja-
 cturam, eorum præsertim, qvī tanto me
 affectu, ut tu facis, prosequuntur. Qua-
 re nihil magis mihi ingratum est ingra-
 tissimis literis, quā intempestiva illa
 verecundia, quā ita dediscas velim,
 ut nunquam impoſterum hunc infuca-
 ta, amicitia errorem committas, neque
 profectō is sum, aut esse cupio, qvī me-
 ticulosam aliquā reverentiam malit,
 quā amoris fiduciam. Indignor etiam
 tibi in laudibus meis intemperantissimis
 quas tantum abest, ut meas tibi velim,
 ut ne qvīdem humanas. Quare per ami-
 citiam meam, quā utraqve manu lar-
 gior, obtestor te atqve adjuro, ne impo-
 ſterum istis lenociniis sincerum amorem
 tuum

tuum injicias, aut mihi invito elogio-
rum meorum lectori molestus esse per-
gas. Cxterum cum nullum svavius lu-
crum, quam amici favor esse possit, nunc
quoque mihi de nominis tui accessione
gratulor, adeoque non tam rogatus,
quam sponte mea inter tuos numerari
volo, qui te semper colui & apud amicos
meos deprædicavi. Te verò etiam atque
etiam rogo, ut in affectu isto persistas,
meq; porro ames. Vale.

*Exemplum II. Responsoriæ ad
Conciliatoriam, quâ Poëta missocara-
mine amicitiam alicujus ambit
unâ cum excusatione
silentii.*

Ut grata mihi semper est conversatio,
quæ à clarissimorum virorum literis peti
solet, & tua mihi non parum jucunda est,
quam æquè mihi exoptare velim, actu
illam summo studio & missis etiam mu-
neribus ambis. Quorsum verò immo-

dicæ illæ laudes pro summa tua humani-
 tate tam liberali manu spargis? à quibus
 cum longius abesse me sciam, ignosces,
 si ea in re te nimis Poetam vel à verita-
 te abfuisse, quam à Poeta veluti à jurato
 teste non adeo rigidè exigendum ipsi te
 Poetæ docuerunt: vel ut mitius appel-
 lem finxisse aliquanto liberalius te dixe-
 ro. Ut extra vos rapi nonnunquam so-
 letis Vates, ita extra se & ordinem illum,
 quo communis hominum æstimatio lo-
 cat, alios sæpe ponitis non homines, sed
 ideas delineantes vel Metaphysica cum
 Philosophis grassaturi. Ac facile quidem
 apud me illa benignitatis tuæ culpa ex-
 cusationem invenerit, modò apud te ne-
 gligentia culpam silentio meo subeam.
 Quatamen si me audis, liberare me quo-
 dammodo potero. Nec enim tam agresti
 animo esse credas velim, quasi præstan-
 tium ingeniorum amicas compellatio-
 nes fastidioso spernere silentio consue-
 verim. Nam cum primas tuas omnino
 non acceperim, secundas verò, quod ad
 prio-

priores sese rejiciebant, vel non satis cœperim, vel quod ab ignoto homine obiter traderentur, ut nesciverim, quæ via mitterem ad te literas; Factum hinc est, ut intercedente mora illa literarum ab officio retractus penè oblitus fuerim respondere. Cum interim tertiæ tuæ obveniunt & aures mihi vellicant, nunc ut emendum opus erit, si quid ea in re à me peccatum est: Tu verò gratiorem mihi mulctam imponere non poteris, quam si missis subinde literis vel cum convitio provocaveris. Quod si & muneribus animos placandi quædam vis inest, mitto quædam præ manibus fuere carmina in ἀντίδοτον, quæ si tibi, ut mihi tua placuerunt, est quod eo nomine mihi gratuler. Ego verò obmissum tam egregium munus multum te amo. Ad ipsas illas aras, quas carmine celebras, te adjurans, ne Phœbeos illos ignes, quæ non nisi crebra aluntur exercitatione, extinguere permittas. Vale meq̃ amare, quo cœpisti affectu, persevera.

*Exemplum III. Responsionis ad
Conciliatoriam, quæ ad Carminum
aliquorum transmissionem
scripta.*

Nunquam credidi fore, ut levibus atque exiguis meis chartulis tantum statueretur pretium, quod fieri abs te ex humanissimis tuis literis intellexi. Tantum enim abest, ut laudes illas, quas affectus mihi tuus plena manu admetitur, agnoscam, ut potius indignum me iis æstimem; Siquidem meo me pede & versiculorum pedibus metior. Quare vide, quid agas, Vir amplissime, ne summa ista iudicii tui liberalitate (pene prodigalitate dixeram) homini aliàs facile intra suam pelliculam se continenti majora, quam par est persvadeas, vel ea cupidius de me prædices, quæ detrahant de iudicii tui opinione apud veros rerum & honorum meorum æstimatores. Ne verò vim facere profusissimæ tuæ voluntati &

ar-

arguerete summum seculi nostri virum,
 & præterea mei studiosissimum videam,
 quod & inhumani esset & ingrati, quali-
 cunque interpretatione laboranti veri-
 tati succurrendum est & ab ingenio &
 affectu tuo rependendum, quod illi de-
 cedit. Interim gratulor musis meis, quod
 suorum carminum vinculis animum,
 tuum ligare & fascinare potuerint, ut fa-
 miliarius mihi jungi velles. Quod ut
 unice hætenus in votis habui, ita nunc
 postquam fores benevolentiae mihi pa-
 tere video, majori fidentia viam ad illam
 affecto. Vale, Vir excellentissime, quem
 enixe rogo, ut quandoque amicitiae
 Tuae gloriam primus non invidisti, ita
 porro summa ista humanitate ac favo-
 re beare pergo hominem tui observan-
 tissimum,

Epistola Commendatoria.

*Argumenta Ævulina, ἡθικά & πολι-
 τικά partim à personis, partim à re ipsa,*

*que specialius notata vide à SCRODERO
Deposit. 10.*

*Exemplum, quo Vir doctus Viro
docto commendat juvenem &
simul silentium ex-
cusat.*

Quamquam in literis ad te dandis hac-
tenus fuerim infrequentior, non tamen
vel ab officii mei remissione vel quacun-
que alia causa id profectum est, nisi quòd
manibus ac sterilibus literis otia tua pu-
blicè profutura immodesti esset homi-
nis, tuaque humanitate abutentis existi-
maverim. Earum certè frequentia quam
raritate magis peccare mihi videor,
Quod nunc scribam, precibus suis me
commovit juvenis ob modestiam ac ra-
ras ingenii dotes mihi commendatissi-
mus; magna etiam tui nominis fama
commotus omni ope studioque annisus
est, ut viam ad favorem tuum sibi para-
rem, quam cum prae omnibus me sibi
posse

posse monstrare crederet , inhumanus
certè & inofficiosus videri potuissem , si,
quem omni consilio studioq; hæcenus
juvi , honestissimis in desideriis destitue-
rem. Fuit is quasi in sinu meo enutritus,
ab ore meo pependit monitis atqve præ-
ceptis ad omnem divinam humanamq;
sapientiam incitatus ; humanioribus ve-
rò uteris , quoad fieri potuit , ita est cul-
tus , ut præclaræ messis spem ipsa in se-
mente fecerit. Horum omnium ego te-
stis domesticus , majori tibi fiducia juve-
nem hunc commendo , eoq; magis , quo
ille desiderio te cognoscendi ardet. Ac
multum profecto hominem amo , quod
jam tum ea in ætate eo judicio præ-
ditus prævideat , quos ex tua Viri in
omni doctrinæ genere summi & in com-
mune omnium exemplum nati familia-
ritate fructus percipere habeat. Noli
itaqve dubitare favore tuo dignum esse
juvenem , quem bona ejus mens atqve
indoles suo quasi jure expetere videtur,
ac sane virtus vel absqve præconio ani-

mis hominum foveri meretur. Dabis denique id amicitiae etiam nostrae, quam cum sanctam integramque conservaveris, nunquam non tuum esse velis, qui meus est, atque adeo communi isto jure humanitatis, ut sunt omnia amicorum, communia, frui patiaris. Quare mihi ipsi factum interpretator, quicquid illi benigni feceris, gratoque agnoscam animo, quod & ipse faciet. Nec solum in suo sinu de eo gaudebit, sed & laudibus publicis praedicabit. Vale, & me cum illo ama.

Responsoria.

Euthymemata Responsoria ad Commendationem inventu facilia sunt. Η'δ' & precipuum est in laudatione, commendatione & benevolentia sua testatione. Πα'δ' & spei ostendatur, quo promittantur sibi & civitati multa ex commendato bona. Argumenta δ' εὐλικά de-

depromi possunt ex cap. 23. Lib. Rhetor. Aristot. quæ explicatius legantur apud Scraderum Disposit. 13.

*Exemplum Responsionis ad
priorem Epistolam.*

Magnæ mihi fuerunt literæ tuæ voluptati, majori futuræ si crebriores nec tam parca, ne dicam avara à te manu mittantur. Quare vide, ne socordiæ & negligentia tuæ imputem, quod tu, si Diis placet, prudentiæ vis esse argumentum, ne scilicet manibus literis otia mea literaria occupentur. Belle tu quidem & lepide isto artificio usus es, ut quoniam tibi vel negotia tua vel segnities officium literarum non permittit, à me ipso langvoris tui excusationem arcessas. Non feram imposterum has arguntiunculas, quibus imponi sibi amor noster non patitur, & tu profectò id operam dabis, ut etiam, cum aliis non urgeris, possis velisquæ scri-

scribere. Multum itaqve amo juvenem
vel eam ob causam non mihi ingratum,
quod saporem hunc tibi excusserit. Amo
certè ingenua pectora studiis bonarum
artium innutrita, qvalia à Te Viro hu-
manarum atqve divinarum rerum sa-
pientissimo diligi commmendariq; novi.
Vel eo nomine gratus omnibus bonis
erit, quod te usus sit familiariter, qui ne-
minem admittis ad arctiorem fatieta-
tem, nisi qui te dignum se tuisqve mori-
bus præstat. Numerabo igitur tuum
etiam inter meos quandoquidem tuum
vis esse meum. Ac si à me quid proficisci
poterit, quo studia ejus honestosq; co-
natus juveni, nihil quid in me patiar de-
siderari. Tu modo subinde tales ad me
mitte, qui te ad frequentiores literas
excitent, mutuumq; amorem datis quo-
qve obsidibus confirment. Vale.

Epistola Gratulatoria.

*Hæc præ re, de qua gratulamur, di-
versa habet Enthymemata specialia.*
Varia

Varia enim sunt, de quibus gratulamur: Gratulamur de honoribus, de bonis variorum generum, de factis illustribus, in quibus omnibus argumentis repetendi sunt speciales loci ex genere demonstrativo. Exempla aliquot Gratulatoria in Dispositionibus suis Epistolice habet Scriverius, qui ex Aristotele eruit præcipua ad rem facientia Enthymemata. Variant etiam illa ratione personarum, quibus gratulamur, earumque, qui gratulantur. Aliter enim instituenda est gratulatio ad Principem, quales institui possunt de variis materiis, e.g. de collato Principatu, de nato heredem, de parata victoria, de illustri aliquo facinore, de expugnata urbe, de novo anno. Aliter item instituenda cum gratulantur ipsi Principes. Aliter cum Magistratus inferiores & cives. Aliis utimur Enthymemati-

matibus cum scribimus gratulatorias
 literas ad pares & amicos; Illic fami-
 liaribus quibusdam Enthymematibus
 expediri res potest. De ea Tractatione
 fusius dicetur in ipsis Rhetorum libris
 atque ab ipsis Epistolographis, ut non
 sit opus iis immorari. Nos exemplum
 gratulationis de Doctratu & quidem
 in Facultate Juridica.

Exemplum.

Cum soleam semper Amicorum for-
 tunis affici æquè ac meis, Tu verò inter
 eos principem facilè teneas locum, ut ti-
 bi persuasum habeas velim nullius ho-
 minis ad me magis pertinere fortunas ac
 salutem quam tuam, ut meis etiam po-
 tiorem habere rebus non dubitarim.
 Nunquam viatores hic transeunt, quin
 eos de rerum tuarum statu interrogem,
 si segnior ipse es in literis. Et nuper me
 magna lætitia perfudit nuncius de sum-
 mis

mis in Juris sapientia tibi oblatis honoribus , adeò ut affectus gaudii statim in hanc eruperit epistolam. Ego verò tibi gratulor hanc dignitatem , quæ quia digno data est , eo nomine præcipuè nunc appellanda est ; Quem enim latent admirabiles ingenii tui dotes , quas in puero suspexerunt Magistri in Juvene coætanii , in viro admirantur omnes , quibus penitiorum literarum aliquis sensus est. Accedit his illa morum honestas , animi candor , amica virtutum omnium conspiratio , sine quibus nec ipsa tibi sapientia saperet ; Nec isti tui honores in pretio habendi , qui nisi in benè præparatum pectus inciderint , magno hominum bonorum malo incidunt. Quare non tam tibi quam reipublicæ honores istos gratulor , quæ istum in te virum nacta , nunquam tuo infelix esse præsidio potest ; Sive enim te consiliis admoverit aliquando inveniet in te Mæcænatis vel Agrippæ alicujus ingenium ; Sive Tribunalibus præfecerit , Lycurgum

gum aliquem vel Zeleucum inveniet, ut nunquam in rebus gerendis prudentiam, bene gerendi honestatem desideratura sit. Quæ futura esse jam tum animo & spe percipio, itaque propediem eveniant opto, ut verò honorem istum ad majorem gradum fuisse intelligamus, quem non in tertiis ac secundis tantum, sed in primis consistere dignum judicant omnes.

Si quis in cæteris gratulandi argumentis occupari velit, Enthymemata singularia suppeditabunt tum dignitatum tum personarum. *Sunt verò dignitates vel militares vel scholastica, vel superiores vel inferiores. Sacra sunt Pontificatus, Archiepiscopatus, Episcopatus, Sacerdotia, Civiles, Regnum, Ducatus, Præfectura; Militares iidem varie. Scholasticae sunt Gradus iique, vel Theologici vel Juridici, vel Medici vel Philosophici. Porro ratione temporis vel perpetue vel ambulatoria, vel transmittuntur ad heredes vel ad vita tempus durant: ut Consulatus,*

Le-

Legationis dignitas, Nobilitatiō. Aliæ sunt successive, aliæ electivæ, quibus in speciebus singulis sua nascuntur Enthymemata, quæ exercitium ipsum longè suppeditat promptius. Mihi certè non incommodè videtur, quemadmodum aliquando hoc consilium in Poeticis Inventionibus subministravi, ita quoque hic pleraque omnia contineri posse memoriali illo tristissimo versiculo:

Quis, quid, ubi, quibus auxiliis, cur, quomodo, quando?

Non enim tantum in hoc versu generales illi tituli, quibus Enthymemata continentur, comprehenduntur, sed præterea loci illi dialectici, qui suppeditant argumenta, tum amplificantia tum moventia. Sic tò *Quis* comprehendit laudem personæ, cui dignitas confertur & à qua defertur, subministrabit etiam argumenta personam, quæ scribit, spectantia. Tò *Quid* continet laudes ipsius dignitatis, ubi de magnitudine ejus, maiestate

state & præminencia dici potest. Comparatio instituitur inter personam & dignitatem, quemadmodum ille munus suum ornet, non verò multum ornetur ac ab illo, quas vires afferat, quam prudentiam. Tò *Ubi* loci circumstantiam habet, si in solenni loco, in templis, sub dio, coram altari in urbe aliqua præcipua conferatur dignitas. Qui copiosior fons est pro Poetis & Autoribus quam Epistoliographis; illis enim hic licet fingere allocutiones ad genium loci, ad Deum, ad Urbes, ad aras, quancquam & si modestè versetur in eo Epistoliographus levi aliqua apostrophe simile quid facere possit. Tò *Quibus auxiliis* designat causas impellentes & socias, inter quas referri potest electio & successio. Si electio, dicas illum virtute sua meruisse dignitatem non emendicatis suffragiis, casu, dolo, fraude, adeoque sua abstulisse debita & procœmia. Si successio, dices, hæretitarias in illo esse virtutes & data occasione commendetur primogenitura &

& ſucceſſionis juſ, quæ illuſtrari poſſunt
 variis comparationibus à natura arborum,
 agrorum, animalium &c. petitis. Antecellor
 quoque poterit laudari, ita tamen ut Succellor
 præferatur. Si quæ fuerint etiam omina vel
 divina auſpicia, huc pertinent. Poetis ea
 fingere licet. Recenſeri etiam poſſunt, ſi quæ
 præceſſerint merita ac laudari. Tò *Cui* cauſam
 finalem notat, qui in Magiſtratibus eſt
 ſalus publica, reipublicæ vel totius vel
 partis ejus legitima adminiſtratio, ju-
 rium conſervatio, Gentis & imperii in-
 crementum, ſacrorum cura, tribunalium
 & juſtitia incorrupta adminiſtratio, li-
 terarum, Academiarum, Scholarum cu-
 ra, & reliqua Magiſtratûs Politici officia.
 Tò *Quomodo* involvit varios ritus in ipſa
 dignitatis collatione obſervari ſolitos,
 quorſum ſpectant preces, unctiones, in-
 veſtituræ, infulæ, pallia, faſces, coronæ,
 laurus, ſceptra, claves, gladii, annuli, po-
 ma aurea, & ſi quæ alia ſunt, auſpicii Le-
 gii vel Ducalium vel Episcopalium, &
 alia.

collata à Parente beneficia extollas. Generatim hic considerabis circumstantias varias, an annus fuerit clymaactericus, an periodicus, vel similes; an dies incidat in natalem, cui gratularis: an annus inter morbos vel alias vitæ ærumnas sit exactus: an peregrè, an domi, an in bello vel in pace. Ratione personæ sub manu etiam nascentur varia Enthymemata aut argumenta amplificantia. *Exempla Epistolarum gratulatoriarum de novo anno suppeditabit, RUPERTUS in Mercurio epistolari.* Nos ejus etiam aliquod exemplum proponemus, & quidem sub nomine ordinis literati ad Principem, quæ & Orationis vice esse possit.

*Exemplum Gratulationis ad
Principem de felici novi anni
initio, nomine ordinis
literati.*

Felicibus iterum auspiciis, Princeps
Serenissime, anno veteri finem imponi-
mus,

mus, novumq; exordimur, quo in primis
tempore ut ex antiquissimo omnium
Gentium ritu, omnium solent fervere
studia, ita nos quoque, ne muneris nostri
immemores videamur, omnia tibi bona
hoc ex initio auguramur, nosq; ad anni
hujus felicitatem componimus Indorum
Philosophorum morem imitaturi. Ac-
cedebant illi vertente anno regium Pa-
latium & rationem eorum, quæ vel ob-
servassent vel egissent, edebant, ita & nos
tibi communi nostro Apollini studio-
rum nostrorum specimina, cumq; iis fi-
dem, omniaq; obsequia offerimus. Tibi
in acceptum ferimus, quod libere hic
Spiritus trahere tuos, tuaq; vesci aura
mausæ nostræ possint in novo hoc litera-
rum sacratio, quod tuis auspiciis ad o-
mnem æternitatem consistit. Quin &
illæ tibi Phœbo suo non annum hunc
tantum nobis, sed integra secula panden-
ti ingrati animi documentum vesticales
illas voces, quas unice depromit in omne
ævum duraturas, strenæ loco, persolvent.

Ea olim ex luco streniæ Deæ petebatur ;
 at nos ex Musarum sylvis illam tibi de-
 cerpimus , non verbenam veterum mo-
 re , sed laurus nostras tua confitas manu
 oblaturi. Ea munera sunt, quæ tibi pro
 more veteri his ipsis Calendis dedica-
 mus , sed quæ offerre non possemus, nisi
 tua liberalitas ea nobis concessisset Quod
 si olim Cives Imperatoribus munuscula
 miserunt , & tibi offerimus arctioribus
 obstricti vinculis majori jure obnoxii.
 Verum cum munera potius expectare
 quam dare consueverint Musæ ne ta-
 men & illæ morem hunc migrent, se ipsas
 tibi dabunt, quod eo gratius tibi donum
 erit, quod majus est omnibus, quæ à quo-
 quam afferri possunt. Largiantur alii ac
 promittant aureos montes nos eruditi
 Parnassi pulveres largimur , è quibus
 non minus aurum, vel illud quod auro
 contra carum est, quam ex ipsis fodinis
 effoditur. Tradimus tibi vectigales ani-
 mos nostros, & quicquid fundo illo sub-
 nascitur, omnem ejus culturam, omnes

proventus non annos aliquos, sed integra secula duraturos. Delibamus tibi de fontibus Castaliis tuis, auspicii gratia, hac velut ratione, à qua virgine tincti teq; ipsum tincturi. Votorum integras segetes, plena tibi manu offerimus. Neque enim annare tantum & perennare te feliciter iubemus, sed & de nostris annis, imò ab ipsa æternitate (quod Musis solis licet) integra Tibi secula decerpimus. Vive Principum decus, literarum stator, vive ad votum; sed supra omnium hominum vota & secundum tua fata.

Epistola Dehortatoria.

Entbymemata, quæ hic adhibentur è Locis Generis Delibandi, omnia sunt petita. Nam quemadmodum in Hortatoriis spademus, ita in Dehortatoriis disspademus. Illic argumenta ducimus ab honesto, utili, jucundo, necessario, facili; Hic à locis contrariis. Specialia Entbymemata

ta sub locis generalibus contenta materia
 speciales suppeditant, sed quæ facili nego-
 tio ab his generalibus velut quibusdam
 indicibus demonstrantur. Nos exemplum
 hic dabimus dehortatoria Epistola ad eum
 scripta, qui relicto studio Theologico vi-
 tam militarem elegerat. Enthymemata hic
 paratu facillima, quæ ex Locis Generis De-
 liberativi erui possunt. Ab altera parte
 petantur argumenta studium Theologicum
 suadentia, ab altera parte argumenta vi-
 tam militarem dissuadentia. Utriusque
 generis argumenta inter se conferri pos-
 sunt.

Exemplum Epistolæ De- hortatoria.

Percussus nuper insperato nuncio de
 munitione tua ac vitæ militaris electio-
 ne præ studii Theologici fastidio. Diu
 mecum dubitavi, an auderem te com-
 pellare literis meis, qui atroci adeo non
 in Musas tantum sed & in sanctissimam
 Eusebiam raperis odio, ut omnem ejus

cultum ejuraveris. Nosti multorum de te vota & expectationes, quibus quam pulchrè scilicet tu nunc respondeas non sine animi mœrore ac horrore mecum reputo. Tu solus è fratribus tuis relictus es nobis, è cujus præstanti indole omnia tibi præclara augurabantur non familiares tantum tui, sed qui & pulcher-
rimas animi tui dotes penitus noverant. Nunc omnis illa spes in irritum cadit, totq; præclari conatus impia ac inconsulta tua temeritate planè interficiuntur, dum Tu, quod studiorum tuorum præmia tam segniter procedant, nescio quâ turpissima indignatione cum fronte & pudore ipsam mentem exuis, atq; à divinarum rerum studiis avocas. Quod si ejus aliquid tibi relictum est, redi ad illam, redi ab exitio tui ad te ipsum, ac illum te nobis præsta, qui antea videbaris, gnavum, acrem, sedulum, industri-
um. Cogita quam te perditum è sapien-
tiæ divinæ humanæq; castris transfu-
gam, detestentur parentes, execrentur

Com-

Commilitones, oderint omnes boni. Si
hactenus tibi non licuit decerpere labo-
ris tui fructus, quis scit, quid postea fu-
turum sit. Forsan in ignoto fors tua flo-
ret humo, cumq; tam propè brabæo sis
ut manu prehendere possis, quamvis
turpe in ipsa via in ipsa meta ante ipsam
palmā deficere Nosti quas Tu molestias
pertuleris, quæ nunc omnes frustra sunt
susceptæ, postquam è sacro milit in pre-
fanum degenerasti, magnus olim futu-
rus, si tuis castris relinquereris, divinæ
palæstræ Promachus. Objice nunc ani-
mo tot bellorum calamitates, tot furta,
rapinas, cædes, scelera, quorum te nunc
spontè vel reum facis vel testem aut so-
cium. Et putas illa cum bona mente posse
consistere, cum virtute, pietate, cujus à
te expectabamus specimina. Quam
verò metus ne quis te ad glóriam
sternere vias existimās ad perniciem
tuam sternas, quæ ultrix à tergo inse-
quetur tam nefaria consilia, cum Tu de-
relictus ab amicis, à parentibus, à Deo,
à bona mente certissimæ relinqueris mi-

feriæ. Noli succensere mihi, si dehorationem meam in expostulationem convertam. Non potes te ipsum abjicere, revocant te Parentes, retrahunt omnes boni, ipse intercedo & divini tribunalis memoriam in animum revoco. Ergo age, quod restat, incumbere denuo honori tuo, & tibi vindica. Nam cum in quacunque re laudabili turpe sit referre pedem, vide quid in divina sit, manum admove re aratro & respicere. Tantum te moneo, oro, obsecro, ut has literas eo animo legas, quo à me scriptæ sunt pio benevolo & Christiano, qualem tibi opto. Vale.

Epistola Svasoria.

*Enthymemata adhibentur Generis Deliberativi, de quibus in preceden-
tibus plura diximus. Nos exem-
plum proponemus Svasoria de matri-
monio.*

Exem-

*Exemplum Epistolæ, quæ suade-
tur Cælibi matrimonium.*

Miror eqvidem quid hominis tu sis, quem adeo à re uxoria aliènum tuus mihi narravit amicus. Satis diu pro præ mutasti variamq; eruditionem ingeniūq; dotes non uno cælo natos, non uno solo eductas in patriam tuam transtulisti. Ecquando igitur intra tuam te regionē domum scilicet tuam ut Rex & Imperator circumscribes. Præterea & ipsa tibi ætas jam accedit, Hesiodi tricennales terminos quos si excesseris metuo,

Alma Venus ne fera tamen respectet inertem!

Tondenti quando candida barba cadet:

Si sapias, muta hanc mentem, redi ad te, imò ad virum, irruè in uxoriōs amplexus. Stoici, rectè vivere, appellant, naturæ ductum sequi; atq; in eo, si Tullio credimus, sapientes sumus; si naturam ducem optimam sequimur. Sequimur

autem, si nec cum Deo, qui homini illam vitam sociam addidit, Gigantum more pugnemus, nec naturæ, à qua societas illa instituenda est, repugnemus. Quemadmodum enim Deus ac sagacissima natura cum vita maritat unam cum stipte fabam, non nimis sapienter ab iisdem appositus uxori vir & viro uxor, ne alter sine alterius fulcro collabatur. Vel in ipso coelo invenies conjugata sydera, quæ nec Deos potuisse solitarios vivere testantur. Aspice aerem, & videbis aves pariter volantes. Ingredere sylvas & videbis cervos gregatim pascentes. Nulla tam immanis fera est, quæ sit sine socio. Quis ergo homo tam immanis & tam ultra naturam ferinam ferus, ut nec admittat parem nec amicum nec conjugem. Neque profectò coelebs solum naturæ sed & patriæ peccat, parum enim diligens civis est, qui de propaganda civitate non gerit curam. Rectè ex sententia Anthistenis uxorem ducere debeatur & naturæ & patriæ. Quis Socrate ca-

stior?

stior? uxorem tamen duxit, imò Xanthippen. Quantus Philosophus Seneca, is postquam à Cathedra quæsiuit, sapientiam in thalamo invenit Paulinam. Sic quidem Cælibatus inter homines scelus est, quem non tolerat natura, quia illam tollit, non Deus, quia vetuit. Tu mihi tamen audire videris nescio, quæ naturæ propudia, homines argutos, qui nescio quibus ineptiis sophisticis ducti cælibatum conjugio præferunt. Jam hic recitare audias suos elenchos. Nolo in rem malam incidere, mulieri enim malitiam quasi uno jure adscribunt, quæ mala attrahit, ut Cæcias nubes. Alius dicit, nolo malitiarum remigium, quod rimarum undiqve plenum. Nolo hirundines sub tectis alere, loqvaces enim dicit illas, ut vel tres earum facere possint nundinas, vel una laboranti lunæ succurrere. Alius, non opus est mihi Melitæa Catella, nolo ventres pascere & fruges consumere natas. Alius, nolo illas speculi consultas pupillas, quibus

dum moliuntur, dum comuntur, annus
labitur. Alius, nolo glires illas, quibus
tota dormitur hiems, quæq; domi sedent
semper compressis manibus & diem hu-
meris protendant. Alius, nolo pati me-
rum mulieris imperium, quod mixtum
esse debere ipsa jubet natura, ipsa jura.
Alius, nulla mihi res est cum iurgiis, quas
si voce duriori aliqua compellas *Famam
sem vivi nasum tentaveris urfi.* Verum,
ô coecas hominum mentes! ipsos qui-
dem illos non viros esse, aut masculum
quid sentire dicas, qui ita judicant. Bæ-
pe etiam sunt, qui de virtute sua despe-
rantes viri esse ignorant, quia uxores
suo esse malas vitio permittant dum vel
intempestivè sunt severi, vel intempe-
ranter remissi. Ut hic obtinet *Terentia-
nam* illud de filio quidem effatum, uxori
etiam non malè applicandum; *ut suam
quisq; vult esse, ita est.* Alius mavult esse
ἀγαπῶν, ne liberis obstitam domum ali-
quando habeat, imò (quod execreris)
alat, Qualia quidem portenta è naturæ
fini-

finibus eliminanda, quia intra illos consistere recusant, quos conservant, quos ampliant, qui naturam novæ proles accessione semper dotant. Multum abeunt illi à Gracchorum Patris sententiâ, qui omnibus bonis chariores habebat liberos. Vide autem, mihi quantus sit Pater familias. Primum hunc & ex antiquissimo jure Regem iudices, & cui olim ius plus quam Regium. Qvis mihi autem cœlebs? Solus ille nec alterius nec suus est, sibi servit, sibi imperat, sibi ferit, sibi metit, sibi vivit, quare etiam sibi moritur, quia non est, per quem in morte vivit. quia non vult, ut alii per se vivant. Indignos illos dicas, qui vivunt in tempore, quia non vivunt pro tempore aut alius commoio. Aufer ergo mihi istas Vulgi opiniones, qui talia auribus instillant: ἡ μὴ γὰρ αὖν ἰσχυρὸν ἐν ἔχει κακόν. Apage Saturnina illa iudicia & hyberna somnia. Sint hæc aliorum λόγους, non erunt nostræ, non tuæ. Tu aliam nobis, si sapis, meditaberis, Philosophiam ac

Sapientiam, illam scilicet, quam Justinianus tuus dicebat humano generi immortalitatem artificiosè introducere. Contemne istas Diogenis vovulas, qui suscitanti cuiquam, quando ducenda esset uxor? *μὴ δὲ ποτε* respondit & *μὴ δὲ πότε ποτε*. Neque enim arbitror inter Philoſophiæ tuæ placita, *Cynismum* profiteberis, ad quam Scholam, ut relegenter digni sunt homines, qui vitam tuam vivunt, Cœlibes *μισόγαμοι* omnes hujus caninæ sapientiæ Professores: Nec scio aut sapientior fuerit ille nescio quis è Philosophorum ordine, vel ut rectius dicam Sophistarum, qui sapienti esse uxorem ducendam negabant vel ipsam sapientiam. Horum nos quidem hominum magnifica interdum audimus verba & Philosophicam sententiam, qui tamen mirum quam interdum in ipsa Sapientiæ suæ monita impingant ac ægrè barbas ac supercilia sua cupidinis telis subducant. Inculcabo tibi præ sordidis illis Sophistis, hominis non quidem ad Veneres
&

& gratias facti, sed morosi & severi, qui
 quæque vita sua melius & plenius Chrysippo
 & Crambone omnique Stoicorum familia
 virtutes expressit, effatum sapientissi-
 mum. Is majori laude dignum censebat
 bonum maritum quam bonum Civem,
 vel Senatorem. Audi voces has gravissi-
 mi Senatoris, acerrimi Censoris, qui ni-
 si fallor, rectius ad melius de vitæ officiis
 omnique societate civili judicium ferre
 potuit, quam omnes isti Scioli. Tu ope-
 ram nunc impende, ut in utroque omnes
 absolvas, ut & civis sis bonus & maritus
 bonus. sic optimus futurus aliquando
 Senator, ista omnia ab una pendent uxore:
 quis enim tu, sine illa, civis eris?
 quam Reipublicæ partem constitues?
 Quid tu olim eris patriæ pater, qui domi
 pater esse non didicisti? Quomodo ma-
 gnam illam reges familiam, qui ipse ne-
 scis, tantus etiam Philosophus, tantus
 etiam Juris Consultus, quid sit familia?
 Nisi enim fallor, longè aliter Catuli olent,
 aliter sues. Et frustra scholis sapimus, qui

in vita ipsa & in partibus ejus regendis
desipimus. Vocent alii *Cupidinem cæ-*
cum, ego *Argum oculatissimum*; Vocent
pkerum, ego Θεὸν μέγιστον καὶ ἀμειβασιλέα,
quem ipsa *Venus* apud *Maronem* magnam
suam potentiam vocat. Atque is si ma-
ximos Philosophos audimus, cœlestis
alius est, alius plebeus & sordidus; Ille
cum virtute alter cum improbitate con-
junctus; Ille sapientibus, hic insipien-
tibus convenit. Illum sapiens non insi-
pienter sub pectore fovet. hunc non in-
juste appellat Theophrastus otiosæ ani-
mæ morbum, quam ut fugere omnes in
tua ætate constituti, ita ambire debemus
honestum illum pium sanctumq; amo-
rem, quo ita arderete cupio, ut nec cu-
piam magis. Quare tibi vitæ sociam jun-
ge familiæ alicujus nobilioris ditiorisq;
præsidium, quo fultæ fortunæ tuæ latius
lætiusq; ferantur, atque ad illud fasti-
gium ascendant, quo pervenire auspi-
ciis tuis non potes, sic fructum ferēs la-
borum tuorum, ferēs etiam amorum,
cum

cum tibi per domos lustrabunt parvuli
 illi *Ascanii & Junonilla* pulcherrima
 Thalami tui pignora. Cogita, quantæ
 tibi voluptatis sit futurum eos videre,
 virtutum tuarum hæredes, qui ut in bo-
 norum omnium & nominis tui ita & in-
 genii bonæq; mentis possessionem vo-
 centur, quos tu olim in sera ætate con-
 stitutus honoribus florentissimos con-
 spicere aliquando possis ad eadem te-
 cum honorum subsellia sublatus; atque
 in spe illa non sum, sed & in ipso tuorum
 extremo complemento conqviescere.
 Quæ omnia ut feliciter tibi eveniant,
 cum ex animo optem, atque jam spem præ-
 cipiam, si tibi aliam superi mentem de-
 derint. Age ergo, cape jam, quæ à te ipso
 non capis, meo monitu consilia. Elige
 tibi & animi corporisq; dotibus conspi-
 cuam & familiæ splendore nobilem pu-
 ellam, quæ cum ævum omne exi- as, quæ
 pulchra faciat te prole parentem, pater-
 nasq; tuas Virtutes in liberis non tan-
 tum

tum sed & in natis natorum, & qui nascuntur ab illis, faciat immortales. Vale.

Epistola munerum oblativa.

Potest hæc commodè vel ad *officiosas*, vel ad *Conciliatorias* referri eadem enim hic *Enthyememata* adhibentur, eadem in *Quædam*; *Amicitiam* enim nostram commendamus, favorem alterius experimus, beneficium ejus extollimus, & si fuere quædam simultatum cause, eas sublatas cupimus, officia nostra pollicemur, quæ omnia inde reassumi possunt. Quia verò munus conjunctum est epistolæ, ad illud potissimum nobis respiciendum est, ejusque circumstantiæ expendendæ. *Damus enim illud vel sponte nostra*, ubi nullo infigne beneficium præcesserit, solummodo favoris obtinendi gratia; atque tum laudanda est persona, cui donamus, extenuandum munus cumque dignitate ejus, cui datur, conferendum; vel

vel damus beneficiis invitati atque tum
argumenta quoque beneficium laudan-
tia adhiberi possunt, potest & beneficium
cum munere ipso conferri. *Damus etiam
interdum manus solemnitatis, cujusdam
gratia*, ut in nuptias, ubi & extenuari
mumus potest & simul gratiarum actio
institui pro invitatione & gratulatio ad-
di. Possumus etiam hic ad formam mu-
neris alludere, si fortassis illud bene ad
rem ipsam quadret, e. g. si in nuptias of-
feremus vel torques vel horologia vel
Scyphos vel nummos memoriales raro
quodam emblemate & chractere signa-
tos, ex his omnibus pro re nata du-
ci possunt argumenta. Quod & fieri
tum potest, si vel civitas aliqua vel inte-
græ provinciæ vel Principi suo vel in
nuptias vel cum inauguratur, offertur.
Sed illa infinita sunt & cujuscunque in-
genio relinqvenda. Cæterum hic non
parum proderunt rituum antiquorum
collectanea, modo quis in iis ea mode-
stia versetur, ne obvia quæque rapiat aut
nimis

nimis remota & fabulosa vel frequentiori usu eorum nauseam pariat. Nos e g. suppediabitur hic Epistolam, qua fœmina quadam nobilis Viro alicui licentio put-
veres & aquas odoratas muneri mittit, & præterea alia quædam exempla, qua illi præmittimus.

*Exemplum I. Epistola,
qua aureus torquis offertur pro Sirena
Viro illustri.*

Dum animus iste expirat novoq; more solenni vota sunt strenis hinc inde missis amorem & officia profiteri solemus. Hæc cum & mihi aurem velleret consuetudo, aureum hunc torquem non in Vulcani sed amorum officina fabricatum velut anni in se redeuntis symbolum offero. Vinculis certè dignus videbaris, qui in isto fortunæ tuæ culmine omnibus servis & quasi Magneticis quibusdam catenis omnes instar Herculis

culis Gallici tibi obstringis. Denique cum
& me tibi tot beneficiis obligaveris, ex-
pedire me quodammodo posse credidi,
si de his quasi amicitiae compedibus im-
pedirem, nec aliter magno vel nomine
aliqua ex parte solvi posse cogitavi,
quam si ego totus in ære tuo sim, tu ali-
qua saltem tui parte in auro meo esse
possis. Id unum nunc à te peto, ut ne
graveris munus hoc exigui quidem pon-
deris, nisi ab animo dantis gravius illi
accesserit, recipere cum pulcherrimo a-
micæ adulationis nostræ voto. Ego id
precibus à Deo contendo, ut quemad-
modum torqvis hic in se redeundo per-
ennitatis symbolum exhibet, gloria tua
perennis, ipsi inferatur æternitati. Vita
autem tua quam bono publico impen-
dis, tot annos numeret, quot torqvis hic
annulis convolvitur. Vale.

Quæ in Epistola hac continentur En-
thymemata, potissimum à munere ipso,
quod offertur, deprompta sunt, ita ta-
men, ut quæ sunt argumenta ad Sixa ipsis
illis

illis circumstantiis , quæ à munere dependent , quasi implicentur. *Laus Viri* istius , ad quem scribitur , item *præstita beneficia* memorantur. *Votum* denique annectitur , quæ omnia ita sunt innixa adjunctis numeris istius , ut Enthymemata præcipua illa vix appareant , nisi penitus inspiciantur. Torques verò aurei considerantur , hic 1. *causa efficiens* (non in Vulcani sed amoris officina) 2. *genus* (vinculum ,) 3. *comparatum* , anni symbolum ,) 4. *effectus* (obligare ,) 5. *materia* , (aurum ,) 6. *adjunctum* . (pondus & pretium) 7. *partes* , (annuli ,) 8. *forma* (rotunditas in se rediens perennitatis symbolum) E quibus omnibus oratio hæc extruitur , sed ut intelligantur illa , quæ videntur Convenientiora nec è longinquo petita.

Exemplum III. Epistola ,
quæ pro munere nuptiali offertur O-
scyphion sive poculum avi-
formæ.

Ut

Ut ad Deorum sacra accedere sine mun-
neribus fas est, ita nec ad vestra, quæ Ve-
neris sunt & amoris, cuius nunc estis
Mustei, Flamines & Sacerdotes. Cum er-
gò circumspiceremus commodum mu-
nus poculum hoc invenimus e vi figura
ab Artifice elaboratum, quod primis
vestris amoribus non immerito conse-
cramus. Ab ovis cœnam ordit s fuisse
Veteres legimus, nos amoris, hinc au-
spicium interpretamur. Quod si enim
ex ovo totam quandam rerum natu-
ram prodiisse & ipsos quoque Deos Or-
pheus docuit. Si ex ovo cœlitus lapso
pulcherrimo Heroas progenitos acce-
pimus præclaro aliquo Symbolo votis
vestris & desideriis præludere videmur.
Quod ergo absque magnifica iactatione
dicamus absolutissimum amoribus ve-
stris omnibus numeris absolutis donum
dedamus, quod figura sua ipsum hunc
orbem (quem ovi nomine insignivit
Veterum Philosophia) exprimit. E
quo olim Persarum Regem bibere so-
litum

litum apud Athenæum Dimon refert, Nestoris etiam Ooscyphion describit Homerus, mundi imaginem repræsentans, aureis clavis velut quibusdam stellis transfixum. Jactamus non rei pretium sed formam, quæ sola in hoc munere commendanda vobis ingrata esse nequit, præsertim cum licet primi non fuerimus primum tamen omnium rerum, quod ante hominem ipsum fuit, imò quod primo homini originem dat primasque in negotiis Veneris fert, largiamur. Quod reliquum est, exoptamus eam vobis, (quam ovo indicare voluimus) fecunditatem, quodque poculo significavimus, ut perpetuis amorum philtris vos invitetis.

Qui variis inventionibus ulterius hanc ornare epistolam cupit, subsidia petere poterit ex elegantissima *Oratione* ERICI PUTEANI *de Ovo*.

Exem-

Exemplum III.

*Qua Illustris quaedam Fœmina Viro
Ornatissimo pulveres ac aquas
odoratas mititit.*

Arctioribus me tibi vinculis obstri-
ctam sentio, quam ut illo officii genere
solvi iis me posse sperem. Custodiam
tamen ea, quæ possum observantia tuum
erga me illum favorem nunquam è ma-
nibus dimissura occasionem, quæ ani-
mum tibi testare gratum possum. Inte-
rim tamen ut aliquando officii genere
te venerer fœmina certè non indignum
munus Viro an dignum ambigo. Mi-
to pulveres hos odoratos manu mea
præparatos, quibus suffitus facere sole-
mus, cum aquis odoriferis ignis artifi-
cio in hanc subtilitatem redactis. Noli
ridere exilitatem muneris, quo Diis in-
terdum litatum est. Ignosces itaque, si
ob divini tui ingenii dotes eote cultus
genere afficiam, qui Diis immortalibus

indignus non fuit habitus. Latius ea
famæ suæ odorem sparserunt, quam ut
vel obefæ vel non emunctæ naris homi-
nibus non liceat subodorari. Ego qui-
dem in beneficio reputabo, si tibi mune-
re hoc meo non displicuero, existimans,
minori me crimine daturam tibi fumos
quam vendituram. Vale.

Exemplum IV. Epistola,

*Quæ & Orationis vice esse potest, quæ
civitas aliqua Principi suo, post præ-
stitum Homagium, insigne mu-
neris loco offert Horo-
logium.*

Postquam urbem tuam ingressus es
Domine, animos tuorum ita subegisti, ita
præsenti majestatis tuæ luce illustrasti, ut
seiplos capere non viderentur ob gau-
dii eminentiam cum te exceperunt Do-
minum Clementissimum, tuo se imperio
subjecturi, Portas tibi nostras pandimus,
qui

Qui una eademq; opera viam ad favo-
rem tuum affectantibus fores aperis, in-
que sacratissima ipsa ejus adyta admit-
tis, ut dum tu apud nos divertis, nos si-
mul apud te divertamus. Claves tibi
tradidimus, ut nihil occlusum sit tibi,
qui magnarum virtutum Promicondus
te nobis totum reſeras. Idem tibi jura-
vimus, quam etiam injuratam ſervasse-
mus: Nisi etiam noſtra intereſſet, ut ſa-
cro tibi vinculo obſtringeremur, & quod
tibi Dei vices gerenti divina gratia obti-
git imperium, non niſi Deo teſte ſubire-
mus. Bono eſſe animo incipimus, poſt-
quam Te quaſi mentem quandam nobis
Parentis tui funere exanimatis redditam
intueremur. Quem cum alii bonis ver-
bis & feſtivis gratulationibus explicue-
rint, alii aliis ſpirantis lætitiæ documen-
tis oſtenderint, nos cum innumeris exul-
tantis animi plauſibus & votis hac exi-
gui muneris oblatione teſtatum fecimus.
Etenim ſi Diis quondam ſuis imperium
ingreſſuri victimis obtulerant, meliori,

ut arbitror, jure Tibi, qui Dei apud nos
vicem geris ad Aras Clementiæ tuæ mu-
nera nostra dedicamus Non quasi do-
nare Tibi ab iis aliquid possit, qui toti in
ære tuo sunt, & unicè à liberalitatis tuæ
fonte omnia hauriunt; Sed ut aliquam
inviolatæ fidei tesseram solenni aliquo
jure deponamus: Quemadmodum exi-
gui interventu annuli magni solent diu-
turniq; amores firmari. Recipe ergò im-
perii tui, quod jam suscipis, symbolum
hoc Horologium, quod quia machina
quædam est, qua temporis inditur men-
sura nulli magis quam Tibi competere
hoc munus credimus, qui viva quædam
est temporum mensura & summa tua
prudentia præteritorum seculorum ita
emetiris gloriam, ita futurorum even-
tus prævertis; ut non præsentis solum
tempore, sed & futuro præsentis animo
adesse videaris: Quemadmodum Horo-
logium non nisi præsentia temporis mo-
menta signat, cum ad futurum devol-
vitur, uti ad illius motus omnes dies

nostros patamur, ad æris pulsus operas
distingvimus, ita ad Juris nutus impel-
limur ad leges tuas, quæ nobis à Sceptri
tui indice velut distinctæ horæ præscri-
buntur, vivimus. Qvos exterius vene-
ramur, interiores rotarum amplexus
quoque tacitè moventur, non scrutabi-
mur, à tuæ verò prudentiæ pondere,
omnia sustinentur, omnia suis orbibus
volvuntur, quod nec leve nimis tardio-
res, nec nimis grave concitatiores mo-
tus imprimet, sed aurea mediocritate ju-
stis ad æquilibrium momentis omnia
ponderabit. Et hæc singula in mentem
nobis venerunt, cum id tibi munus de-
stinaremus, quo velut perfectissimo quo-
dam symbolo imperii tibi ob oculos si-
steretur imago. Ita tibi certè hoc conve-
nire credidimus, ac si Jovi fulmen Dia-
næ jaculum, Apollini laurum, Neptuno
Tridentem, Marti gladium dedicasse-
mus. Id verò unicè rogatum Te volu-
mus, ne pro munere accipias exiguam
obsequii nostri tesseram. Nos tibi potius

iplos nos damus, cum majus Tibi donum reddi neqveat qvi Te unum omnium salutemancipasti.

Epistola Gratiarum Actoria.

In harum Epistolarum *Exordiis* vel 1. *excusare* audaciam scribendi, vel 2. ejus occasionem adducere, vel 3. voluptatem significare, vel 4. statim ab ipsa gratiarum actione incipere solemus. *Gratiarum actio* ipsa habebit *argumenta partim confirmantia* vel *à causis*, nos scilicet ideo beneficium hoc gratiarum actione dignum judicare, quod sit honestum, laudabile, cum virtute, liberalitate, magnificencia, animi magnitudine conjunctum; vel *ab effectis*, quod beneficium nobis præstitum sit summè necessarium, plurima maximaq; commoda nobis afferat. Denique sit jucundum; partim *Argumenta amplificantia*, quæ duci possunt

sunt *tum ex compariis*, ubi ostendemus
amicum primum solum inter multos
præcipuum fuisse, qui beneficio nos affe-
cerit; *tum ex adjunctis*, quod ultro da-
tum, non precibus non aliorum opera
impetratum; quod datum sit non teme-
rè ex casu, sed recto consilio; quod da-
tum sit à viro summa dignitate prædito,
cui nostra accepta libenter feramus;
quod collatum sit beneficium in nos in-
dignos, in nihil tale promeritos, quorum
etiam facultates in referenda gratia sine
tenuis vel planè nullæ. Quod datum sit
citò, tempestivè. *Conclusio* continebit
1. pollicitationem memoris gratiæ ani-
mici cum extenuatione nostrarum virium;
2. Petitionem, ut, quæ fecit amicus, ea
augere velit, & porro nos benevolentia
complecti. 3. Votum, ut si nos pares be-
neficiis esse non possimus, Deus benefi-
cium acceptum compenset. Cæterum hæc
argumenta ita moderanda sunt, prout
rei vel personæ conveniunt, neque

enim omnia in omnibus & ad omnia ad-
hiberi possunt. Possunt hic etiam in sub-
sidium vocari *Orationes Gratiarum Acto-
rie*, quæ apud Veteres recentioresq; oc-
currunt. Eisdem enim argumentis utro-
bique locus est, nisi quod in Orationibus
majori illa apparatu adhibeantur ac fu-
sius ducantur. Spectat huc *Gratiarum
actio Ausonii ad Gratianum Impera-
torem Discipulum pro collato Consula-
tu*, Mamertini *pro Consulatu ad Ju-
lianum*, Pertinacis *pro habito honore
ex imperio delato ex Herodiano Lib. 2.
Pro magnificis Titulis Alexandri Se-
veri ad Senatum Romanum ex Ælii
Lampridii Diadomeno. Pro munere
Senatorio civi benè de Republica me-
rito delato, Oratio Laureani Ducis Ve-
neti ad Cives ex historia Veneta Bem-
bi Lib. 2. Pro collata dignitate eqvestri
Heinsii ad Venetam Rempubl. Orat. V.
Ejusdem ad Morosinum Oratio, cum
ea*

*ea donatus erat, VI. Pro Bibliothecario
munere ad Curatores Academia Idem
Orat. VII. Puteani pro Titulo Professo-
rio ad Senatum Mediolanensem Ora-
tio, vide BOXHORNII Ideam 12.
qua quis ob Senatoriam dignitatem Prin-
cipi suo gratias egit. Talia proponemus
nobis exempla, ubi Epistolæ scribendæ
Gratiarum actoriæ sunt. Ac occurrunt
infinita negotia, in quibus earum Epi-
stolarum usus est, quarum exempla à no-
bis suppeditari non possunt. Nos unum
tamen hic subjungemus exemplam,
quod respondet priori, quo fœmina illu-
stris pulveres & aquas odoratas dono-
misi.*

*Exemplum Epistolæ gratias agen-
tis pro pulveribus & aquis
odoratis.*

*Afflarunt literæ tuæ me velut numine
quodam, aut ut verius dicam, inspira-*

runt mihi, nescio quos spiritus divinis
illis odoribus, quibus comitata ad me
venerunt. Nullæ sunt mihi præ illis vel
Hispanorum vel Romanorum delitiæ,
quæ cerebrum mihi potius excutere,
quam illi blandire videntur. Tui verò
pulveres illi, tuæ aquæ purissimo qui-
dem defecatissimo imbutæ odore, adeò
nihil ingrati spirant, sed suavissima vo-
luptate non cerebrum tantum perfun-
dunt, sed spiritus ipsumque sanguinem
roborare videntur. Si felicis Arabiæ aut
Insularum Fortunatarum esses Regina,
non poterat jucundius à tua mihi manu
offerri munus. Natura quidem prima
rerum odoriferarum opifex: Tu verò
ejus fecunditatem arte tua fecundio-
rem ditioresque reddis, easque in nobilio-
rem naturam assertas ab omni materiæ
sece purgas, & plus quam ipsum Solis
beneficium sidus potest, Dædalii ignis
tui beneficio largiris. Tuam itaque Sol
opem imploret, si ad eum perfectionis
gradum res illas velit deductas: Tecum

con-

consilia ineat, à te caloris temperiem discat, quæ corporum naturalium solertissima est dispensatrix, iisque quasi moderari Genius quidam videris. Quam ego scientiam in te tot dotibus virtutibusq; junctam cum religiosè venerer, tuis tibi ipsi muneribus velut Divæ litabò. Tantum enim abest, ut istum mihi cultum tribui à te patiar, ut in te rectiori, ut puto, jure transcribam. Vale.

Subjiciemus hic aliud quoddam. *Exemplum Epistolæ Gratulatoriæ, quæ Provincia aliqua vel civitas gratulatur præpotentibus ordinibus Fæderatarum Provinciarum de felici contra Angles victoria.*

Quod usu venire solet iis, qui inter infanos fluctuum impetus, procellarum insultus præsentisque naufragii pericula navigant, si forte derepente nova illis spes affulgeat, venti ponant, fluctus subsident, id nostræ Reipublicæ & Dei immortalis beneficio & vestro auxilio eve-

nit. Quod vestrae Reipublicae navem toti orbi fecerat admirabilem & formidabilem, ut nullos fortunae turbines metuerit, totiūq; dominari videretur Oceano conflictari illam cum his periculis voluit, ut iis superatis majus robur sumeret, & contra omnes tempestates firmaretur. Nam sanè obtusioris illum sensus esse oportet, qui non summa hæc Dei beneficia, quibus vigere vos in omnium Gentium spem videtur, animadvertat, ne tam à communi mente alienus, qui non fateatur ab ipsis Fatis manus fuisse injectas hostili ambitioni, ut ipsis illis Oceani fluctibus, vasta illa imperii maritimi (quod spe jam devoraverant) affectatio submergeretur. Vidit & miratus est orbis universus, quod qui mari nos excludere conabantur, quod omnium Gentium commerciis hætenus patuit, nullaq; pati nec Xerxis quidem vincula potuit, non contrario solum ignis elemento ac ipsa quasi indignante natura punirentur, sed & inundationibus

bus affligerentur. Quæ scilicet inexple-
bilis illa imperii maritimi scis non nisi
ipsi Oceano extingvi deberet, vel flu-
ctus illi, quos occupandi animo invase-
rant, ne terræ quidem possessionem illis
quietem permetterent. Quoties animo
recolligimus veterum temporum memo-
riam & magnam illam ex Iberia tempe-
statem, cui vel terga subduximus vel
frontem opposuimus; toties animos in-
victos & præsens illud Numen, quod
eos infederat, admiramur. Ut his ex ini-
tiis difficillimis sanè (quod solet circa
res magnas fieri) primum lacertos mo-
vere cœpit Respublica: Ita per auream
illam libertatem tot hominum sanguine
partam in illud fortunæ culmen ascen-
dit, ut omnem in se irruentem invidiam
facilè divino auxilio amoliretur. Nemo
vel inter ipsos hostes reperiretur, qui
cum summum pacis apud Vos studium
invenerit, & levibus etiam simulatibus
eam præferre semper, nec nisi ipsa in-
ter extrema arma corripere volueritis.

Quare nec divinis auspiciis in causa
æqvissima diserti sumus. Cujus bene-
ficii tam à DEO quam à Vobis Patres
patriæ exhibiti tanta est magnitudo, ut
ad eam celebrandam nos non solùm, qui
è tanto civium numero sumus paucissi-
mi, sed omnis adeo Populus convolave-
rit. Omnes jam liberum hunc aerem spi-
rare se credunt, postquam libero iterum
mari Dei beneficio, vestro consilio uti
contigit. Omnes salutem publicam ve-
stra fortitudine redactam agnoscunt,
quæ non harum tantum provinciarum
finibus continetur, sed ad ipsos alterius
orbis incolas propagabitur. Nos Deum
veneramur, ut quemadmodum vestris
auspiciis victoriam hanc genti nostræ
paravit, ita mox pacem perpetuam lon-
gumq; bonum largiatur.

Epistola Consolatoria.

- In Exordio harum Epistolarum statim
adhiberi possunt. Nam vel 1. de-
cla-

clarare dolorem nostrum possumus ex
casu adverso amici perceptum. 2. Amo-
rem, benevolentiam, studia, officia no-
stra commemorare. 3. Vires nostras in
consolandis aliis modestè extenuare.
4. Sapientiam & constantiam ejus, quæ
consolari volumus, laudare 5. excusare
intermissam ad tempus consolationem.
6. quamcunque susceptæ consolationis
occasionem indicare.

Entbymemata
pro mitigando dolore ex his præcipuè
locis sumuntur a) *à causa efficiente* do-
loris, quæ est malum, in quod incidimus.
Hoc extenuamus vel ut leve, vel ut
commune, non proprium, vel non diu-
turnum, vel ut à divina providentia pro-
fectum. b) *ab effectis*, si ostendamus bo-
num à malo ortum Gymnasium patien-
tiæ, si ostendamus esse honestum fore ali-
quando jucundum. c) *ab adjunctis* ho-
minis, si ostendamus vel naturæ huma-
næ necessitatem, fortunæ incertitudinem,
vitam ante actam, conscientiae bonita-
tem & vacationem à culpa, dignitatem
fa-

familiæ, sapientiam, pietatem, virtutesq;
cæteras, quarum omnium memoriam
incutiemus pro mitigando dolore. *d) à
comparatis*, ubi conferri inter se possunt
priora bona & præsentia mala, & his illa
præferri. *e) ab exemplis* aliorum, quo-
rum recitatione fiduciam in animo ejus
excitabimus. *In conclusione* possumus
vel breviter repetere argumenta vel ad-
hortari ad animi magnitudinem vel cau-
sas institutæ consolationis exponere vel
polliceri officia & studia. *Argumenta
Consolatoria* tam varia esse possunt, *ut
mala ipsa*, quæ in vita humana contin-
gunt, sunt varia; *utq; bona*, de quibus
gratulamur, sunt multiplicia: *Animi,
fortune, corporis*. *Hæc* verò iterum in
varias subdividi species possunt: Ita ex
adverso malo ejus sunt generis ac ordi-
nis. *Entbymemata* variant ratione argu-
mentorum specialium ac personarum;
Etiam Consolatorias super obitu juvare
exempla possunt *Orationum funeralium*

ac Programmatum funebrium, qvalia edi-
dere BUCHNERUS & SCRADERUS.

Exemplum Epistola Consolatoria
ad Imperatorem Leopoldum de obitu
primogeniti Filii nomine Princi-
pis vel Civitatis.

Constat *hac Epistola duabus præcipue*
partibus: Primò dolorem testatur publi-
cum, cuius magnitudo exaggeratur à
læticia ex nativitate filii percepta & distri-
butione in singulos ordines facta, ubi
causæ doloris recenscantur & effata ejus
jacturæ, quæ ex obitu illo sit metuenda.
Secundò argumenta Consolatoria adhi-
bet tam communia quam specialia, inter
quæ præcipuum est, quod spes novæ
prolis adhuc sit reliqua.

Quo majora animum nostrum por-
tentabunt gaudia, cum primum in lu-
cem ederetur non Austriæ solum, non
Germaniæ, sed totius orbis spes & secu-
ritas

ritas Augusta tua soboles, Domine, cō
atrociore omniū animos prosternunt,
postquam illas humani generis delicias
ereptas nobis sentimus. Quare nemo no-
strum est, qvī non cum diem, qvo Oriens
Imperii tui Sol in ipsa auroræ suæ pur-
pura extinctus est, ut atrum & nefastum
ē fastis exstingat. Nemo qvī nos publi-
ca illa mala bellorum tempestates, po-
pulorum excisiones, urbium desolatio-
nes mitiora esse mala existimet & levio-
ra vulnera, quam qvōd hodie univer-
sum humanum genus in unius jactura
infantis sibi inflictum dolet. Quasi ful-
mine qvōdam attonitos nos omnes fe-
ralis iste nunciū reddidit, omnisq; ista
animo percepta lætitia, omnis concepta
animo spes uno hoc ictu conturbata ac
funditus excisa: ut cum ipsius luctūs
magnitudinem animus capere non po-
tuerit, sup̄or nos invaserit, extremum
summi doloris documentum, qvī vix
Majestate tua digna loquitur, & ab omni
ingenii vi dejectus ferme infra scribendi

cona-

conatum subsistit. Quot hic mollioris animi sunt, lacrymis parentant omnes. Qui erectioris solo silentio dolorem profitentur: Qui cum per vocem non erumpit, in ipsa pectora crudeliter deservit. Vidimus laurus sacratissimo tuo capite excussas imo in cupressus mutatas, pro festivis illis ignibus ardent rogi & faces funebrales accenduntur. Pro vino quod perpetua scaturigine fluebat, nunc lacrymæ omnium manant, totq; oculorum fontes exhauriuntur. Quæ cum animo reputamus singula incrementum doloris impetus ab erectæ voluntatis recordatione, acquirit, ut non uno modo miseri esse videamur, quod & AUGUSTUM Principem & cum eo toto bona nobis ablata d'lemus. Accedit his omnibus gravissimus Majestatis tuæ mœror, qui istum, quem ex filii obitu sentimus, ad nos etiam pertinet, & eo affligit vehementius, quo propius ad te nostri cura pertinet. Et veremur, dum adsumus, Te Domine consolatus

laturi, ne consolatoribus ipsi indigeamus: nisi id potius agere velimus, ut communi saltem quærela communem dolorem sublevemus. Admitte ergo ad animum Domine quærelas nostras, ex nostro tuum leniri dolorem permitte, qui cum mutuus est, inter reciproca exspirare suspiria solet. Major animi tui est sublimitas, major firmitas, quod quàm levibus consolationum nostrarum fulcris indigeat. Major sanè est, quam ut à dolore abjectissimo omnium affectu imperari sibi patiatur Imperator; Nec malo etiam magno imparem se ferendo fatebitur Majestas, quæ cum invictissima animi magnitudine tot sibi hostes subjiciat, non permittit, ut de Triumphatore Triumphos ducat dolor. Quin si tibi ipsi parcere nolis, Domine, saltem nobis, quæ tua pietas est, parcas, ne continuus ille mœror tuus omnem illam spem, quæ nobis reliqua est, & quæ resarcire sola tanti nominis jacturam potest, intercipiat. Quare operam des, ne dum magno
luctu

luctu adversus filium pius esse velis, in Patriam impius esse videaris : Cujus cum Pater sis eamq; habeas filiam, vide ne illo tuo exemplo, quo erigi debebat, conficiatur. Illi verò hic bonæ spei fulgor inter tristicæ nubila elucescat, fore ut qui nunc apud superos quæsit immortalem, Tibi Parenti suo & nobis omnibus inter mortales immortalitatem, novo in Successore largiatur.

Sufficiat nobis hoc exemplum, qui plura velit, conferre potest ea, quæ suprâ notavimus. *Si quis respondere ad Consolatorias velit, dupliciter id facere potest. Aut enim in Amicorum Consolatione acquiescit, aut eandem ob doloris magnitudinem rejicit. In priori Genere laudamus amicum, ejus beneficium & studium; obsequium illi promittimus, argumenta ejus breviter repetimus, ac quantum illa nobis profuerit, indicamus. In secundo Genere commendabimus quidem humanitatem & officium ab Amico nobis præstitum, dolorem verò nostrum*
tan-

tantum esse testabimur, ut nullis eventis
argumentis possit. Corrigere itaque pos-
sumus, quicquid in prioribus literis
adductum est, eorumque vel ostendere
dissimilitudinem vel inhabilitatem ad
dolorem nostrum mitigandum. Do-
lor verò exaggerari potest, quem ut
levet amicus sua conversatione invita-
ri potest.

Epistola Dedicatoria.

In EXORDIIS *harum Epistolarum* sole-
mus exponere causas impulsivas dedi-
cati operis vel Scriptionis. *Argumenta*
ipsa varia sunt: Nam vel *personas* re-
spiciunt, vel opus ipsum. Si *Personas*,
tractari hic laus ejus personæ debet, cui
quid nuncupamus. Enthymemata pro
varietate personarum sunt varia. In pri-
mis extolli debet judicium ejus, de qua
scripsisti. Persona nuncupans extenua-
re se debet, atque exiguum ea in re, de
qua scribit, judicium alterius submitte-

re censuræ & ingenio. Quod *Opus* ipsum
 spectat, considerabitur illud *ratione cau-*
sarum impellentium, ut sunt à rei præ-
 stantia, in qua tradenda secuti sumus
 aptam vel brevem Methodum, noster
 conatus juvandi discentium studia. E-
 jus, ad quem scribimus vel voluntas
 vel singularis humanitas vel auctoritas,
 vel in eo doctrinæ genere, de quo scri-
 bimus, excellentia. *Per occupationem*
removeri hic etiam falsa causa possunt,
 spes scilicet vel lucri vel præmii. *Per*
remotionem etiam causa, quæ nos dehor-
tari ab hoc proposito potuerint, ostendi
possunt, ut sunt occupationes ejus, ad
 quem scribimus, multæ & crebræ rei
 ipsius difficultas & magnitudo, varia
 omnium judicia, ingenii & doctrinæ
 nostræ tenuitas, vitæ obscuræ conditio.
A Comparatis item argumenta ducemus;
 Nam vel in medium proferemus exem-
 pla eorum, qui idem fecerunt, vel colla-
 tionem instituemus hujus nostri operis
 cum aliorum scriptis, sed sine ulla jactan-
 tia.

tia, ne de nostris rebus plus quam æquum est, sperare videamur. *Conclusio Epistolæ* petitionem habeat & pollicitationem; Nam vel rogamus alium, ut de instituto nostro honestè sentiat, suaqve vellectione vel Censura dignetur; vel studia nostra ac officium promittimus, aut aliorum etiam operum editionem. *Exempla* hic varia subministrare possunt *Epistolæ Dedicatæ Libris præfixæ*, sed quæ singulari præ cæteris cura scriptæ sunt; delectum enim inter illas instituere oportet. Ad dedi jam supra illud consilium uno volumine colligendi Dedications operum à Viris latinæ lingvæ studiosis Scriptorum, quomodo habemus *Manutianas Dedications singulari Libro collectas*, **PUTEANI** plus quam centenas, quæ ex omnibus ejus operibus collectæ ab heredibus ejus Lovanii Anno 1639. sub titulo: **POMPA PROSPHONETICA SIVE PRÆFATIONUM**

NUM SYNTAGMA edita sunt.
 Quo in libello videre est mira Enthymema-
 tum & formularum pro diversitate
 rerum ac operum Variatio.

*Exemplum I. Epistolæ De-
 dicatoriæ,*

*Qua Viro alicui Magnifico funeralia
 quædam Carmina inscri-
 buntur.*

Jamdudum, Magnifice Domine,
 magnum tuum nomen tacitus ve-
 neror, & istam mihi occasionem
 dari opto, quæ publicè inter Clie-
 tes tuos homuncionis hujus nomen
 profiteor; inter quos sponte sua tua
 me humanitas non ita pridem me
 recepit. Volui ergo, ut devoti ani-
 mi ^{τεκμήριον} extaret in chartis illis fu-
 neralibus, quibus magnificum
 M tuum

tuum nomen circumponere ausus
fui, qva in re solertiam meam vide,
qvi foetui huic meo, qvi exanimis
inter ista funera in lucem prodiit,
tuo favore, vel ut Promotheo quo-
dam igne animam inspirari conten-
do. Suscipe itaqve hunc partum no-
strum, Magnifice Domine, vel ut
rectius dicam, cadaver. Cui vel ani-
mam largire, ut per te vivat, vel si
exeqvias illi paraturus bonæ famæ
balsamum adde, acerrima ingenii
tui censura primum eviscerato, ut
ætatem quomodocunque ferat, ne
tinearum & blattarum dentes exti-
mescat. Vale.

Exemplum II.

*Qva dedicatur Carmen Virgini illu-
stri doctissima, qva simul Con-
ciliatoria.*

Cum

Cum eximias Virorum Clarissimorum virtutes semper soleant venerari, noli mirari illustrissima Domina, quod literatissimam hujus seculi virginem, inusitato motus exemplo, his compellare literis non erubescam. Cujus audaciæ culpam partim in te ipsam rejicere non dubito, quæ cum literarum orbem eruditissimis tuis carminibus effascines, meas quoque Musas in tui venerationem illo nominis tui splendore pertraxeris. Certè quasi sydere aliquo ac Numine afflasti, & nescio, quo pacto fuit factum, ut idem impetus, qui Te in Principum laudes rapuit, me in tuas arriperet, quam exiguo hoc carmine sum complexus, quod typis tamen excudi voluit amicus meus, qui cum de summis Tuis virtutibus mihi com-

memoraret, & singularem illam humanitatem tuam prædicaret, non dubitavi has observantiæ meæ testes, literas ad te mittere. Quare si, quid ea in re abs me peccatum partim officiosissimo & studiosissimo Tui Viro imputes, partim curiositati meæ quæ levioribus non contenta eas, quæ vulgarium hominum conditionem longè supergressæ, atque in illustri illo loco positæ virtutes omnium in se provocant conspectus proprius colere modesta ex ambitione expetebat. Ac mereor sanè veniam, velis nolis Domina, qui ad laudes tuas ultra seculum, ultra sexum, ultra virum, ultra etiam hominem progressas calamum non continui, & quacunque etiam poteram ratione tam illustri nomini me commendatum volui

de

de favore affectuqve tuo securus:
quem ubi impetravero, non secus
ac regno aliquo beatus, triumphabo. Vale.

*Exemplum III. ad
Eandem.*

Cum perferretur ad nos de amoribus tuis fama non poterant sibi temperare musæ nostræ, quin Hy-
menæos felicissimis tuis nuptiis canerent, in quos Veneres omnes ac elegantias ab elegantissimis ingeniis temporum nostrum effundi oportebat. Sed nos rudi officium hoc carmine præstitimus, quod per amicos rectè tibi oblatum non dubitamus. Qua in re excusatam habueris nostram audaciam, aut qualiacunqve studia non improbata.

tibi fuisse intelligam, votorum meorum summam videor consecutus. Nec enim diffiteor, eorum me morem imitari, qui quod ipsum nomen non habent, ab alieni nominis gloria aucupantur. Quæ cum orbem literarium longè lateqve impleveris, ut omnibus admirationi sit summa tua eruditio, ignoscere te æquum est homini, qui publicis omnium præconiis & votis sua quoque conjunxit. Quam ego audaciæ veniam his literis petendam duxi, præsertim cum commodissima se ad manus mihi daret occasio, quæ impulit, ut & è nugis quibusdam meis, quæ publicatæ non ita pridem sunt, aliquas ad te mitterem. Vale, Illustrissima Domina, cum Illustrissimo Parente & Marito, quibus
stu-

Studia ac obsequia mea cupio esse
commendatissima.

*Exemplum Epistolæ Pro-
pempticæ,*

*Qua inter Gratulatorias locum ha-
bet, quæ & Orationis vicè poni possit
ad Serenissimum Principem Hol-
satiæ in Italiam iter
parantem.*

*Argumenta hic Pathetica principem
locum obtinent; Exponitur enim
dolor, quem de abitu Principis
sui concepit Patria, interjectis ar-
gumentis, quibus iter dissuadere
poterat. Deinde felix iter vove-
tur Principi, rogaturq̃, ut matu-
rè in patriam redeat.*

A Bibis ergò hinc, PRINCEPS
 SERENISSIME, nobisq̃ue
 qui tua clementia velut solis qui-
 busdam radiis illustramur, qui ab
 oculis tuis vultuq̃ue pendemus, con-
 spectu tuo fovemur, benignissimam
 istam faciem, mitissima illa ora sub-
 trahis. Ignosce nobis, DOMINE,
 si non mollia verba, quibus de iti-
 nere tibi gratulemur, sed duriuscu-
 las quasdam voces amor nobis im-
 ponat, qui ægrè fert tuam absentiam
 & dolore ob istud tuum consilium
 non exiguo afficitur, quem si ad
 propiora consilia non dedignave-
 ris, solertissimum se præstaret in
 excogitandis iis, quæ iter in tam re-
 mota loca hac præsertim inclemen-
 tia anni tempestate inter continuas
 viarum molestias & difficultates
 conficiendum dissuadere poterunt.

At

At quandoquidem ab instituto tuo nec ipse dimoveri poteris, affectus noster tentavit, qui eam, quam tibi ipsi statuisti legem immutare nec potest nec debet, ne vel temeritas arguere prudentissima tua consilia aut suspectam tuorum reddere obsequiorum fidem videatur. Cum igitur spei istius nihil sibi reliquum videatur, utcunque impatientibus suis desideriis succurret, feliciisque reditus omine dolorem suum, quem de abitu tuo concepit, solabitur. Id unicè tantum rogat, SERENISSIME DOMINE, ut metu illo non vano se liberes, quem habet, ne, dum tu apud cultissimam Italorum Gentem moraris tot cœli soli-que benignitates, tot deliciae, tot antiquitates, spirantia monumenta, tot humanitatis officia, quibus quasi

vinculis quibusdam te tenere laborabit eorum hospitalitas, Te à Patriæ tuæ finibus diutius avertat. Quamvis & illa si rectè rem cum animo putemus, suspicio vana sit. Neque enim Tu perituras illas opes & peregrinas dignatione tua adeò dignas censebis, ut morari animum tuum longè majoribus opum delitiis intra sua penetralia reconditis assuetum possint. Neque quod fieri solet, de virtutibus Gentis perspicendis ut labores, opus est, cum majores illi in Te venerentur, quam ipsi Tibi possint transcribere, qui vel in vultu tuo istum Germaniæ Cymbriæque Majestatis & virtutis splendorem non sine æmulatione legunt & animadvertunt. Denique nemo nostrum est, qui non nisi per summam injuriam de te istam

istam foveri sententiam posse putet,
 quasi Patriæ Tuæ commodis (qui-
 bus præsens magis quam è longin-
 quo prospicere potes) Te ita sub-
 trahere velis, ut quod illis debes ex-
 emplum aliorum extare populo-
 rum salutis malis. Quare quantum
 in te est, DOMINE, id dabis ope-
 ram, ne vel minimæ suspicioni re-
 linquatur locus, & ubi Te, quem ex
 amplexibus nostris non sine dolore
 avulsum ægrè dimittimus, majori
 gaudio, quod à festinatione sua ca-
 piet incrementa iterum salvum fe-
 licem incolumem excipiamus.

Epistola Laudatoria.

IN Exordio harum Epistolarum vel sta-
 tim ex abrupto laudem alicujus ordi-
 mur, vel causas laudationis allegamus,

vel occurrimus suspicioni adulationis
Entbymemata desumuntur (1) *ex causis*
adjuvantibus virtutis, quæ sunt naturæ
 bona, ingenium excellens, educatio pa-
 rentum, Institutio Præceptorum, exer-
 citatio. (2) *ab effectis*, quæ sunt actiones,
 genuina virtutū munera, à quibus com-
 mendabimus, sed sine adulatione. (3) *ex*
consequentibus, ubi narrabimus, quid
 ex præclaris actionibus consecutus sit is,
 quem laudamus, præmia, honores, di-
 gnitates, opes &c. quibus illum lauda-
 biliter usum esse ostendemus. (4) *ex*
comparatis, ut personam, quam lauda-
 mus, cum aliis Viris Illustribus confera-
 mus. Potest interdum etiam adhiberi
refutatio, quæ continet vel excusatio-
 nem vel responsionem ad ea, quæ in ali-
 quo culpari poterant, quanquam hæc
 cum iudicio adhibenda, neque enim
 semper decorum est, inter laudes alicu-
 jus mentionem eorum facere, quæ re-
 prehendi possent, nisi fortassis sint illa
 nota. **CONCLUSIO** *Epistolæ* con-
 stat

stat aut *petitione*, si quid vel alteri vel nobis velimus laudatione nostra impetrare; aut *gratulatione*, si scribimus ad superiorem, aut *cohortatione*, si ad parem vel inferiorem scribimus. Scribuntur & *Laudatoria Epistola* non ad certas aliquas personas, sed quæ sunt publicæ quasi ad testimonium de virtute alicujus perhibendum, quæ ad *Commendatorias* non incommodè rejici posse videntur, omnibus enim commendantur, qui sic laudantur. Dari solent à *Viris Illustribus*, à *Collegiis*, ab *Academiis*, quarum singulare Volumen MARTYREMATUM titulo edidit PUTEANUS, quod vel seorsim editum est, vel Orationibus ejus solet addi: E contrario elogia reprehensoria academica habemus, quæ solent scribi in delinquentes, quarum formulas inter alia edidit BUCHNERUS & SCRADERUS.

*Exemplum Epistolæ Laudat-
oriae Juvenis Stu-
diosi.*

Quamvis eximiae virtuti nullo opus sit præconio, suisque ipsa radiis splendeat, in oculos tamen hominum ut incurrat, sæpe digito monstranda est: habet enim vel intra parietes privatos, ut subsistere relata virtus possit, in lucem tamen aliquando protrudere eam debet seria ac amica commendatio. Inter illos merito suo à nobis commemoratur eximius doctissimusque Juvenis N. N. quem quamdiu in hac Academia vixit (vixit autem integro biennio) plurima ingenii & bonæ mentis specimina edentem vidimus, ut multi habuerint quod inviderent aliqui, qui imitarentur. Neque enim illi (qui plerumque mos Juventutis esse solet) ætatis lubricum inter popinas consumptum non turpibus in-

immerſum voluptatibus fuit, aut otio
 aut vanis oblectationibus tenebatur;
 Prælectionum publicarum non parcus
 aut infreqvens cultor fuit, & Doctorem
 fuorum amores facilè in ſe pertraxit.
 Nunquam à bona mente aberrantem,
 vidimus, nunquam contentionibus,
 duellis, rixis addiſtus pulverem litera-
 rium arenæ gladiatoriae miſcuit, & ut
 paucis multa complectar, talem ſe geſ-
 ſit, ut optimi quique in votis habent.
 Et hæc quidem omnia tanta ſunt, ut
 omnium mereantur affectum, mihi ſanè
 æquiſſimum viſum fuit, iſta ſcriptione
 hac publica teſtificare, cui hæc viſa ſunt
 futuris temporibus omnia auſpicatiſſi-
 ma, ut non ſemel gratulatus fuerim Pa-
 triæ de iſto alumno, familiæ de inſigni
 ornamento: Horum ego me teſtem his
 literis profiteor omnibus & ſingulis e-
 gregias Juventutis optimæ dotes offe-
 rens, juſto pretio æſtimandas, qui non
 alium hunc noſtrum invenient, quam
 qua-

qualem nos sistimus eruditum, probum, pi-um, ut neque nos verba dedisse nec il-le vota fefellisse videatur.

Epistola Reprehensoria.

UT Laudationum ita & Vitupera-
tionum materiæ sunt Personæ, Res,
facta & dicta. *In Vituperiis Persona-
rum exordiri* ita solemus Epistolam, ut
(1) causam institutæ Scriptionis expo-
namus. (2.) Occurramus sinistrae su-
spicioni, ne quid videamur affectuilar-
giri. (3.) quærela utamur. ENTHY-
MEMATA *sive* ARGUMENTA
*reprehensionis desumuntur vel à causis
vel à circumstantiis vel testimonio & ju-
dicio aliorum.* Conclusio constat vel
a) adhortatione, ut abstineat à tali vi-
tio, vel *b) præfatione & rejectione*, vel
c) excusatione, vel *d) reprehensione* ab
animo benevolo profecta. Hæc quæ-
dam generalia sunt Enthymemata, cum
ad

ad Personas ipsas reprehensorias literas scribimus; Cum ad alium, sed tertio quodam, scribimus, non opus est iis argumentis Ethicis uti, quibus in hac Epistolarum specie. Cæterum & *facta* reprehendere possumus, siue ad alium de iis scribamus, siue ad ipsum, quo cum nobis res est. Atque hæc ista generalia argumenta & Enthymemata, quæ in Rhetorum libris reperiuntur, adhiberi possunt; Specialia suppeditabunt res ipsæ. Subjungere his possumus *Epistolas Exprobratorias, Quasulas & Comminatorias*, quanquam enim & illæ quædam è Genere Judiciali mutuuntur, summa tamen illarum in *reprehensione facti* alicujus consistit, cui Reprehensionis *passus* vel *excandescencia* vel *comminationis* &c. addita distinctionem illam faciunt.

IN EXPOSTULATORIIS itaque LITERIS vel de neglecto officio vel injuria illata expostulamur, & quidem
IN

IN INITIO harum *vel* qverelam instituimus ex abrupto *vel* occasionem & causam institutæ Scriptionis docemus. ARGUMENTA sunt *vel* *docentia* *vel* *amplificantia*, petita à *compensatione acceptorum & neglectorum officiorum*, à *meritis insignibus*, à *persona*, cui *injuria* infertur, *dignitate*, à *multis promissis*, à *testimoniis aliorum*, *ab occasione data*, à *calumniis malevolorum*, *ab inutili*, *ab inhonesto*.

In CONCLUSIONE dehortamur amicum ab iterato crimine, petimus *vel* omitti compensationem, *vel* commissi correctionem, *vel* acrius aliquanto minamur *vel* accusationem nostram mitigamus, *vel* officia nostra, si in gratiam redierit, pollicemur. Ad has cum Resp. *vel* excusamus nos, *vel* defendimus; Si excusamus, *vel* ad confessionem *vel* deprecationem simplicem confugimus, *vel* culpam in imprudentiam, necessitatem, factam rejicimus, aut in
alios

alios transferimus. Si rectè factum defendimus, utimur *Locis causarum testimoniorum, comparatorum, exemplorum*. Generaliter in *Exordis harum Responsarum*, significamus dolorem & accusationem amici reprehendimus institutam expostulationem, obtestamur, obsecramus.

Enthymemata ipsa, quæ ex Genere Judiciali petita, habent *vel simplicem facti negationem, vel remotionem culpæ in alios*; imò in accusatorem ipsum, in necessitatem, occupationes; *vel defensionem absolutam*, cujus argumenta petenda sunt ex locis, quibus facta vel laudantur, vel justificantur, Genere vel Demonstrativo vel Judiciali. In *Conclusione* vel petimus, ut in bonam partem interpretetur amicus, quod factum est, *vel mitigamus* aut excusamus acerbitatem responsionis nostræ, *vel pollicemur* ea, quæ amicus requirit, *vel amorem vel benevolentiam testamur*.

QVÆ

QVÆRULÆ EPISTOLÆ;
 quibus de nostris malis quærelam instituimus, & culpam vel in nosmetipsos vel in improbitatem adversariorum conferimus, *incipiunt* vel ab occasione institutæ scriptionis, ut generales Epistolæ imprimis, quæ res odiosas continent, vel laude ejus, ad quem scribimus, vel indignatione.

Entbymemata sumuntur ex loco causarum & Adjunctorum. *Causa* sunt vel *efficiens*, ubi ostenditur esse quid factum ab altero non casu sed consilio contra bonos mores; vel *finalis*, esse id eo factum, ut lædatur nostra vel vita vel fortuna vel fama. *Adjuncta* consistunt in circumstantiis personarum rei, temporis. *Persona* consideratur *nostra*, cum lædimur, qui tamen propter merita defendi debebamus; *Aliorum*, cum læduntur, quorum magna est auctoritas, aliorum ornamentum & præsidium: *Ejus*, qui lædit, si sit vel amicus
 noster

noster vel discipulus; Graviores enim sunt ab illis quam ab inimicis & ignotis injuriæ. *Modus* est, cum non vulgariter sed raro quodam contumeliæ genere affecti sumus & re ipsa describitur factum sive contumeliæ, quod sit inhonestum, obscenum turpe.

Tempus considerabitur, si tunc præcipuè læsi sumus cum alia & forte graviora impenderent pericula cum amicorum ope & præsiidiis potissimum egeremus.

Conclusio absolvi potest vel figuris aliquibus patheticis, comminatione scilicet vel exclamatione; vel petitione aut adhortatione, ut amicus noster in communi malo opem ferat, eosque etiam ad se pertinere putet, aut ulciscatur. His si respondetur vel dolorem nostrum è literis perceptum significabimus, vel ejus querelas reprehendemus, vel amorem nostrum ac benevolentiam deprædicabimus.

Cæterum *Entbymemata* non ad eò hic requiruntur, nisi quod *vel* studia nostra declaremus & benevolentiam, *vel* dolore amici ita affici, ut nostro testemur injuriam ab aliis illatam, *vel* mitigemus excusando, *vel* consolemur argumentis è Genere Consolatoriarum Epistolarum petitis, *vel* invehamur ipsi in calumniatores & malevolos.

Conclusio constare potest *adhortatione*, ut *vel* animo ferat, *vel* judicio experiatur, *vel* falsa non credat *vel* vana contemnat.

COMMINATORIIS EPISTOLIS terrorem incutimus iis, qui nos vel injuria affecere vel improbi quicquam in nos moliti sunt. In harum *Exordiis* statim ut fieri in Epistolis, quæ cum affectu scribuntur, solet. — Factum ipsum cum quærela & indignatione præponitur. *Argumenta* sumuntur ex iisdem Locis, quibus utimur in Quærulis. *Conclusio* repe-

repetit comminationem, & si opus est, adhortationem. *Responsoria* in *Exordis* repetunt argumentum, sed vel ex abrupto incipiant, si acerbius scribere velis. Huic subjungitur refutatio, quæ *vel factum ipsum negamus*, ac proinde incivilitatem literarum exprobramus; *vel si id negare non poterimus*, minus tamen injustas atque bono viro indignas ostendamus, eas tamen non magnopere à nobis metui. Potest & reprehensio quædam ejus, qui literas scripserat institui, quod scilicet sit turbulentus, præceps, rerum ignarus, ad vitam bene gerendam ineptus. Objici etiam, si res & persona efflagitaverit, alia facinora ab ipso perpetrata possunt. Potest & addi comminatio de vi rapiendi in judicium, de vi per vim repellenda. Atque ita cum turbine absolvi hæc solent. Si modestius agere velimus, *Conclusio* poterit constare *adhortatione & voto*; Nam & eum, qui minatur, adhortamur, ne
quid

quid contra honestatem, justitiam, pietatem faciat; ac simul DEUM rogamus, ne consilia, quæ adversarius agitat, vel ipsi adversario vel Reipublicæ periculosa sint.

Ad Literas Responsorias conducent omnis Generis *Scripta Satyrica* tam Poetica quàm soluto sermone scripta, è quibus colligi possunt argutiora, quibus mirè tales literas ornabimus.

Elegans hic nobis Exemplum suppetabit BLOTTISANDERUS, seu quod verum ejus nomen BORRICHIUS in *Deusingio suo* ἐαυτοτεμωρεμένω, in quo eos, qui à Deusingio refutati quondam sunt, Epistolas Apologeticas scripsisse finxit, quos ipse eorum nomine confecit mirè elegantes & mordaces.

Exem-

Exemplum Epistolæ

ad

Virum quendam Clarissimum

scripta,

quæ invehimur in Plagiarium

quendam.

SImul ac nomen tuum conspexi literasque manu tua exaratas, vehementer lætatus fui, quod videre te in publico celeberrimoque munere nostri non immemorem intelligebam; Ut enim gratæ semper sunt amicorum literæ, ita profectò tuæ fuerunt, quas post meum è Rostochio discessum à Te non videram, quibus gratissimæ conversationis memoriam in ani-

N

mum

num reducis. Quare succenseo tibi propemodum & irascor,

*Sed quantum irascantur
amantes!*

Quod tanto conatu ac tam immodicis mei laudibus, ambire amicitiam meam modo volueris, quam tot ab tannis partam possidebas. Multum verò te amo ob istud quaecunque famæ nostræ ac existimationis studium, maximasque ago gratias, quod celare me hominis cujusdam vestri facinus volueris. Ut legi, ut vidi! neque enim indignatione mea dignum censebam stuporem tantum, quo sibi rapere ausus est illa, quæ vicina scribuntur ac in omnium manibus versantur; ut mirer profectò illi aliquam
lati-

latitandi spem fuisse reliquam. Is, qui, nisi fallor, Domino tuo à manibus tuis manus suas an oculatas an picatas Veneri nostræ oculatæ & Cupidini Argo immisit, cujus tamen oculos Mercurius ille non consopiet aut faller, statim ut inspexi chartas, ex ungve non ut ille Leonem sed antolicum existimavi jam ante eo nomine mihi cognitum; In eundem enim Milvum ciconia nostra incidit, cui ante multos annos jocosso carmine parentaveram, ut enim Cupidini nostro Argo oculos eruit, ita hujus ille plumas non tantum detrahare, sed deglubere propemodum ausus est, ut quondam ejus ornates pirrulam. Ut verò mireris hominis stuporem à me ipso per amicum fraudis hujus

N 2

igna-

ignarum carminis exemplum impetravit. Nec tacitus furtivis pasci pabulis potuit iste corvus, miserat enim ad amicos pauca exempla, hoc quasi specimine triumphans, unde casu quodam ad manus meas devenerat. Pleraque omnia è meis rapta, quæ tamen ita argumento suo conveniebant, quam si humano capiti cervicem pictor equinam jungere veller, adeo ineptè in pirrulam quadrabunt, quod ego de ciconia scripserim. Hæc fortè illic obtinendi muneris auspicia prima fuerunt, ut tu auguraberis, qui scribi nomen, tueri non potuit, nisi pennas ciconiæ nostræ non subtraxisset. Ego tum acerbius in illum scripsissem, nisi deprecatus fuisset amicus meus, qui olim
fami-

familiariter illum noverat. Sed
 he nunc quidem Satyra dignum ju-
 dico, quem sua facilè ulciscetur im-
 prudentia & βλέπουσα illa invenere
 oculata martyria, quæ ob omnium
 oculos versantur, neque enim cer-
 tior de illo vindicta sumi potest,
 quam si multa libri mei apud vos
 extent exemplaria, quorum ali-
 qua commoda occasione transmit-
 tam. Idem mihi ultionis genus in
 altero carmine placet, cujus editio-
 nem propediem curabo, atque ad
 vos amandabo. Quod reliquum
 est, rogo te, ut cum mihi favorem
 serves perpetuum, utramque ubi
 opus est, causam agendam tibi su-
 mas. Ego hunc furunculum si-
 milesque alios πολλαχάειν jubeo. Te
 vero πολλαχάειν. Vale.

Epistola Petitoria.

ESt ea vel *directa* vel *indirecta*.
In **ILLIUS** *Exordio* 1.) laudamus eum, à quo petimus aliquid & eas præcipuè virtutes, quarum instinctu petentibus facile aliquid largimur. Si pecunias petas, liberalitatem, si munus petas aut commodari desideres, aut simile quid velis, laudabis humanitatem, auctoritatem &c. hic enim argumentis Ethicis viam sternimus ipsi petitioni. 2.) Excusare possumus importunitatem vel audaciam nostram. 3.) Revocare in memoriam possumus amico promissa nobis antea facta vel nostra in eum merita. *In* **HUJUS** *initio* statim occurrere possumus tacitæ objectioni transfe-
ren.

rendo culpam in causas externas
cum necessitate vel alia. *Narratio*
breviter petitem exponit. *Propo-*
sitio DIRECTÆ petitionis rem
simpliciter & breviter proponit:
In INDIRECTA vel voto vel
excusatione modesta vel brevi ali-
qua querela prius præmissa, petiti-
o ipsa subnectitur *Enthymemata dire-*
ctæ petitionis sumuntur à causa im-
pulsiva desumenda ex Locis Gene-
ris Deliberativi, *honesto, utili, neces-*
sario, jucundo, facili. *Indirectæ ve-*
rò petitioni hæc argumenta non con-
veniunt, sed illa potius, quæ à per-
sonis ipsis sumuntur, scilicet redu-
cendo in memoriam promissa ami-
ci nostri propensionem testando,
beneficia nostra commemorando,
modesteqve laudando, ne expro-

brari videantur, amicorum quoque curam & sollicitudinem memorando. *Conclusio* hujus Epistolæ si petitio fuerit *directa*, iterabit petitionem, gratumque animum pollicebitur. Si *indirecta* sit *καὶ* sunt in subsidium vocanda; Nam *vel* excitandus est affectus misericordiæ, *vel* spes emolumenti futuri injicienda. *Illo* utemur in rebus, quas afflicti vel pudore retenti petere directo non audemus. *Hoc* utemur apud homines lucro insidiantes, aut quando ipsi virtuti nostræ non confidimus vel rem omnino non laudabilem petimus. *Cum respondemus*, dupliciter id facimus; nam *vel* annuimus petitioni *vel* eam rejicimus. In *primi Generis Epistolis* IN EXORDIO primum literas nobis fuisse red-

redditas significamus, argumentum earum repetimus oblatam nobis gratificando amico facultatem.

PROPOSITIO annuit illis quæ petit amicus. ENTHYMEMATA, quibus ostendimus id, quod facimus jure nos facere, desumenda sunt è *duobus Locis causarum & adjunctorum*; primò quod bene sit de nobis meritis, secundò, quod propter doctrinam, virtutem, merita in rempublicam vel majoribus etiam dignus sit præmiis, quam illis quæ petit, quæ illi libenter gratificamur. *Tertiò*, quod res ipsa, quæ petitur, honesta sit, utilis tam publicè quàm privatim neque etiam adeò difficilis.

In CONCLUSIONE repetere possumus pollicitationem,

aut votum addere, ut omnia amico prosperè cedant.

Ad secundi Generis petitorias ita respondemus, ut a) in Exordio multa magnificè dicamus de nostro in amicum studio & propensione. b) Dolorem nostrum testemur, quod animo gratificare non possimus.

Narratio etiam addi potest, si sint quædam circumstantiæ prolixiores, quæ impediunt, quo minus locus petitioni detur.

Propositio fiet vel Petitione vel Dehortatione, vel etiam levī increpatione. Enthymemata desumantur vel 1. à rei difficultate, vel 2. à virtutum nostrarum tenuitate, vel 3. ab inhonesto, vel 4. ab incommodo.

do. Refutari etiam contraria possunt.

Conclusio dehortationem repetat ac officiorum nostrorum delationem in omnibus præterquam in præsentin negotio pollicebitur. Exempli Petitoriarum Epistolarum crebria sunt & frequentis usus, omnibusq; occasionibus applicanda, præcipuè in Lingvâ Germanica atque in rebus forensibus, ubi varia libellorum supplicum genera, quæ pro ratione personarum perscribentium & ad quas scribitur, variationes suas recipiunt, de quibus consulendus SPATIUS in *der Secretariat Kunst* præcipuè *Tom. IV.* ubi multa habentur exempla usui futura iis, qui vel in aulis principum vel in foro versantur. Ad illa autem

hic descendere nostri non est instituti. Apud *Epistoliographos veteres Latinos & Recentiores* innumera Exemplorum sylva est, unde peti possunt, quæ in rem nostram sunt. Quandoq; verò hæc sortiuntur *Enthymemata* specialia à rebus ipsis: Sic aliter instituuntur *Enthymemata*, cum honores ambiuntur, aliter cum Virgo aliqua ambitur, aliter cum pecunia aut beneficium aliquod ab homine egeno expeditur; Singulis enim generibus sua sunt ἡθῆ & πάθη præcæteris adhibenda, in quibus iudicio opus est, quæ exempla Clarissimorum, si legantur, facilè nobis rem parabunt. *Ideas aliquot Petitoriarum Epistolarum* SCRADERUS inter *Dispositiones Epistolares* habet. Si quis petere honores Academicos velit,

lit, exemplo illi erant OCTAVII
FERRARII *formula ad capiendam*
Doctoris insigniam.

Epistola Communicatoria.

PERTINENT ad *Suasorias & Disuas-*
orias; Consultamus enim in iis
cum amico super re aliqua vel fa-
cienda vel omittenda. *In Exordio*
1. Causa scribendi proponitur. 2.
Rei difficultas. 3. Laus amici, cum
quo consultamus. 4. Modesta ex-
culatio. *Enthymemata* petuntur ex
iis locis, quibus aliquid svadetur
vel dissvadetur. *In Conclusionem* a)
Consilium petimus, b) officia &
gratum animum pollicemur, d)
prudentiam amici laudamus. RE-
SPONSURUS *vel faciendum vel*

omittendum suadet, vel rem in medio relinquit.

PRIORI CASU commendamus benevolentiam amici. *Propositio* vel consilii approbationem, vel improbationem continet. *Enthymemata* ex iisdem Generis Deliberativi Locis desumuntur. *Conclusio* benevolentiam nostram commendat aut officia offert, aut sententiam nostram tantum repetit.

SECUNDO CASU statim in initio hortabimur amicum, ut ipse quod ex usu sit prospiciat, & laudamus ejus prudentiam, at nos extenuamus.

Propositio dubitationem nostram exhibebit ac *Enthymemata* in medium proferet per contentionem, quandam ac comparisonem inter se conferenda.

Conclusio iterum dubitatione ac promissione constabit, ut cum nobis res ipsa non liqueat, amicus quod visum fuerit, statuatur.

Epistola Mandatoria.

AD Genus Deliberativum pertinere quoad antequam videntur, solentque in primis à superioribus ad inferiores scribi, vel à paribus ad pares. In initio statim indicamus occasionem negotii benevolentiam erga Amicum, testamur ejus dexteritatem, ac fidem laudamus; *Propone* dehinc negotium ipsum, vel directè vel obliquè. *Enthymemata* petantur è circumstantiis attributisque personarum, locorum, rei, ac si
opus

opus Generis Deliberativi loca in subsidium vocantur.

Conclusio repetet mandatum cum adhortatione, ut diligenter rem expediat.

RESPONSURUS *si annuat*, breviter officia studiaque sua pollicebitur, sequē felicem eo negotio expediendo prædicabit. *Si non annuat*, causas impediētes exponet, dolorem super illis suum testabitur, in cæteris verò summam fidem pollicebitur.

Sunt porro *alia quadam Epistolarum Genera*, quæ commodè sub classes causarum non possunt referri, quæ potius *ad literas familiares sive Miscellaneas* referenda, de
qui-

quibus superius prolixè egimus,
multis exemplis in medium addu-
ctis.

Sunt Ejusmodi DENUNCIA-
TORIÆ, quibus certior de ali-
qua re fit amicus.

DISPUTATORIÆ, quæ
pro argumento rerum Enthyme-
mata sua inveniunt in Locis vel
Rhetoricis vel Dialecticis.

JOCOSÆ, quibus nulla ad-
eò posita lex est, liberius enim va-
gantur atque miscent omnia inter
se seria & jocosa. His plenissimæ
sunt CASPARI BARTÆI &
FRANCISCI MARTINI
Epistola Enigmatica. Quibus æ-
nigmatica scribimus, ne intelligant
illi,

illi, quorum non interest, *cujusmo-*
di in Epistolis Cicero multa dedit; Ad
 quas licet referre illas, quæ per
artem cryptographicam
 scribuntur.

Tantum!

